

ԱՐԹՈՒՐ ԴՈՒՄԱՆՅԱՆ

1980

ԹՎԱԿԱՆԻ
ՌԱԶՄԱԿԱՆ
ՀԵՂԱՇՐՋՈՒՄԸ
ԹՈՒՐՔԻԱՅՈՒՄ

119503X

956.0

✓

ՀՀ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ
ԱՐԵՎԵԼԱԳԻՏՈՒԹՅԱՆ ԻՆՍՏԻՏՈՒՏ


ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ

ԱՐԹՈՒՐ ԴՈՒՄԱՆՅԱՆ

1102156

1980 ԹՎԱԿԱՆԻ
ՌԱԶՄԱԿԱՆ ՀԵՂԱՇՐՋՈՒՄԸ
ԹՈՒՐՔԻԱՅՈՒՄ.
ՊԱՏՃԱՌՆԵՐԸ, ԸՆԹԱՅՔԸ,
ՀԵՏԵՎԱՆՔՆԵՐԸ



ԵՐԵՎԱՆ  «ՎՍՎ-ՊՐԻՆՏ»

2016

ՀՏԴ 93/94

ԳՄԴ 63.3

Դ 940

Մենագրությունը հրատարակության են նրաշխավորել
ՀՀ ԳԱԱ Արևելագիտության ինստիտուտի
և Երևանի պետական համալսարանի
արևելագիտության ֆակուլտետի
գիտական խորհուրդները

Գիրքը տպագրվել է
Ռուբեն Մելքոնյանի հովանավորությամբ

Խմբագիրներ՝

Ռուբեն Սաֆրաստյան

ՀՀ ԳԱԱ ակադեմիկոս, պ.գ.դ., պրոֆեսոր

Ռուբեն Մելքոնյան

բ.գ.թ., դոցենտ

Գրախոս՝

Ալեքսանդր Սաֆարյան

պ.գ.թ., պրոֆեսոր

ԴՌԻՄԱՆՅԱՆ ԱՐԹՈՒՐ

Դ 940 1980 թվականի ուսումնական հեղաշրջումը Թուրքիայում.

պատճառները, ընթացքը, հետևանքները/ Ա. Դումանյան.-

Եր.: ՎՍՎ-ՊՐԻՆՏ, 2016.- 156 էջ:

Մենագրության մեջ ուսումնասիրության են ենթարկվել Թուրքիայում
1980 թ. սեպտեմբերի 12-ին տեղի ունեցած ուսումնական հեղաշրջման
նախադրյալները, պատճառներն ու հետևանքները: Փաստագրական
հենքի վրա ներկայացված են հեղաշրջման նախապատրաստումն ու
իրագործումը, դրան հետևած գործընթացները և զարգացումները: Նա-
խատեսված է արևելագետ-թուրքագետների, պատմաբանների, քա-
ղաքագետների և ընթերցող լայն շրջանակների համար:

ISBN 978-9939-60-335-3

©ԴՌԻՄԱՆՅԱՆ ԱՐԹՈՒՐ, 2016

ԲՈՎԱՆԴԱԿՈՒԹՅՈՒՆ

ԽՄԲԱԳՐԻ ԿՈՂՄԻՑ	5
ԱՌԱՋԱԲԱՆ	7

ԳԼՈՒԽ ԱՌԱՋԻՆ

ԲԱՆԱԿԻ ԴԵՐԸ ԹՈՒՐՔԻԱՅԻ ՔԱՂԱՔԱԿԱՆ ԿՅԱՆՔՈՒՄ 1920-1970-ԱԿԱՆ ԹՎԱԿԱՆՆԵՐԻՆ, ԸՆԴՀԱՆՈՒՐ ԱԿՆԱՐԿ	15
---	----

ԳԼՈՒԽ ԵՐԿՐՈՐԴ

ՄԻՋԿՈՒՍԱԿՑԱԿԱՆ ՊԱՅՔԱՐԸ ԵՎ ՔԱՂԱՔԱԿԱՆ ՀԱՄԱԿԱՐԳԻ ՃԳՆԱԺԱՄԸ ԹՈՒՐՔԻԱՅՈՒՄ 1970-ԱԿԱՆ ԹԹ. ՎԵՐՋԵՐԻՆ.....	36
--	----

ԳԼՈՒԽ ԵՐՐՈՐԴ

ԿՐՈՆԱԿԱՆ-ՔԱՂԱՔԱԿԱՆ ՇԱՐԺՈՒՄՆԵՐԸ ԵՎ ԱՀԱԲԵԿԶՈՒԹՅԱՆ ԱՃԸ ԹՈՒՐՔԻԱՅՈՒՄ 1960-1970-ԱԿԱՆ ԹՎԱԿԱՆՆԵՐԻՆ.....	50
<i>Իսլամական շարժումները 1960-1970-ական թթ.</i>	<i>50</i>
<i>Ձախակողմյան շարժումների ակտիվացումը</i>	<i>59</i>
<i>Ահաբեկչության աճը Թուրքիայում 1970-ական թվականներին</i>	<i>66</i>

«Գորշ գայլերի» ահաբեկչական գործունեությունը 1970-ականներին.....	68
Ձախակողմյան ծայրահեղական կազմակերպությունների ահաբեկչական գործունեությունը.....	81

ԳԼՈՒԽ ՉՈՐՐՈՐԴ

1980 թ. ՍԵՊՏԵՄԲԵՐԻ 12-Ի ՌԱԶՄԱԿԱՆ ՀԵՂԱՇՐՋՈՒՄԸ.....	90
Հեղաշրջման նախապատրաստումը և ընթացքը	90
Արտաքին գործոնի դերը սեպտեմբերի 12-ի հեղաշրջման իրականացման գործում.....	98

ԳԼՈՒԽ ՀԻՆԳԵՐՈՐԴ

ԹՈՒՐՔԻԱՆ 1980-1983 ԹՎԱԿԱՆՆԵՐԻՆ. ԱՆՑՈՒՄԱՅԻՆ ՇՐՋԱՆ	107
Ջանգվածային պատժամիջոցներ	107
Սահմանադրական փոփոխություններ. 1982 թ. սահմանադրությունը.....	117
Անցում քաղաքացիական կառավարման.....	126
ԵԶՐԱԿԱՑՈՒԹՅՈՒՆՆԵՐ	139

ՕԳՏԱԳՈՐԾՎԱԾ ԱՂԲՅՈՒՐՆԵՐԻ ԵՎ ԳՐԱԿԱՆՈՒԹՅԱՆ ՑԱՆԿ.....	141
--	-----

ԽՄԲԱԳՐԻ ԿՈՂՄԻՑ

Ինչպես Օսմանյան կայսրությունում, այնպես էլ Թուրքիայի Հանրապետությունում բանակն ունեցել է կարևոր դերակատարում հասարակական-քաղաքական կյանքի տարրերը բնագավառներում: Կարելի է ասել, որ ձևավորվել է հստակ ավանդույթ, որի համաձայն բանակը հաճախ գործուն մասնակցություն է ունեցել քաղաքական գործընթացների վրա՝ երբեմն ուղղակի միջամտելով դրանց: Հայտնի է, որ Օսմանյան կայսրությունում ենիչերիական գորաբանակը քանիցս կազմակերպել և իրականացրել է կառավարությունների ու սուլթանների փոփոխություն, որոնք երբեմն ավարտվել են գահակալների և վեզիրների սպանությամբ:

Բանակի կարևոր դերակատարման հիշյալ ավանդույթը որոշակի վերափոխումներով հասել է նաև հանրապետական Թուրքիա, որտեղ բանակը 4 անգամ միջամտել է քաղաքական գործընթացներին, որոնց արդյունքում տվյալ պահին իշխանության ղեկին գտնվող ուժը, իսկ մեկ անգամ՝ նաև նախագահը, հեռացվել են իշխանությունից: Բացի դրանից, բանակի առանձին սպաներ քանիցս նախաձեռնել են նաև չհաջողված հեղաշրջումների փորձեր:

Պատմական գիտությունների թեկնածու, դոցենտ Արթուր Դումանյանի սույն մենագրությունը նվիրված է 1980 թ. սեպ-

տեմբերի 12-ին Թուրքիայում տեղի ունեցած ռազմական հեղաշրջման ուսումնասիրությանը, սակայն հեղինակը խնդիրը ներկայացրել է ավելի լայն համապատկերում. տրված են ընդհանրապես ռազմական հեղաշրջումների և դրանց ձևերի ու մեթոդների տեսական սահմանումները, ներկայացված են բանակի ունեցած դերակատարումը, 20-րդ դարի 60-70-ական թվականների Թուրքիայի հասարակական-քաղաքական հիմնական զարգացումները, աջակողմյան, ձախակողմյան և իսլամական շարժումները, ահաբեկչությունները և այլն: Աշխատանքը հիմնված է բավական մեծ ու հարուստ աղբյուրագիտական հենքի վրա, ինչպես նաև օգտագործվել է թեմային և հարակից խնդիրներին վերաբերող հայերեն, ռուսերեն, անգլերեն, թուրքերեն գրականության լայն շրջանակ:

Վստահորեն կարող ենք պնդել, որ գիրքն ունի խիստ արդիական նշանակություն և կարող է մեծապես օգտակար լինել մասնագետների ու ընթերցողների լայն շրջանակի համար՝ խորությամբ ըմբռնելու ներկայիս Թուրքիայում տեղի ունեցող կարևոր զարգացումները, բանակ-հասարակություն, բանակ-քաղաքական ուժեր հարաբերությունները և դրանց վերափոխումները:

Ռուբեն Մելքոնյան
բ. գ. թ., դոցենտ

Հանրապետական Թուրքիայի պատմության գրեթե ողջ ընթացքում բանակը կարևոր դերակատարում է ունեցել երկրի քաղաքական կյանքում: Այն մշտապես հանդես է եկել հանրապետության հիմնարար արժեքների և քեմալական ազգայնականության պաշտպանի դիրքերից: 20-րդ դարի երկրորդ կեսից սկսած՝ բանակը չորս անգամ ուղղակիորեն միջամտել է Թուրքիայի քաղաքական կյանքին (1960 թ., 1971 թ., 1980 թ., 1997 թ.)՝ իր այդ քայլն առավելապես հիմնավորելով Աթաթյուրքի ժառանգած գաղափարական և քաղաքական արժեքները պաշտպանելու անհրաժեշտությամբ: Թուրքիայում իրականացված ռազմական հեղաշրջումները, այդ թվում և 1980 թ. հեղաշրջումը, ի թիվս այլ հանգամանքների, պայմանավորված էին նաև այն բացահայտ և քողարկված պայքարով, որ ընթանում էր քեմալականների և իսլամամետ ուժերի միջև Թուրքիայի պետական կառուցվածքի ապագայի, ներքին և արտաքին կողմնորոշումների առանցքային հիմնախնդիրների շուրջ:

1980 թ. սեպտեմբերի 12-ի ռազմական հեղաշրջումը «ամենագանգվածային» հեղաշրջումն էր Թուրքիայի պատմության մեջ: Դրանով վերջ դրվեց մի ժամանակաշրջանի, որն ընդունված է անվանել Թուրքիայի երկրորդ Հանրապետություն (1960-1980 թթ.): Մեր կարծիքով՝ 1980 թ. հեղաշրջման նախադրյալները ճիշտ և խոր ընկալելու, ինչպես նաև ներկայումս տեղի ունեցող որոշ գործընթացներ առավել հիմնավոր ըմբռնելու համար հատկապես կարևոր է ուսումնասիրել հանրապետական Թուր-

քիայի պատմության կարևորագույն ժամանակահատվածներից մեկը՝ 1960-1970-ական թվականները, ընդ որում՝ մի քանի առումներով.

Նախ՝ կարող ենք վստահորեն նշել, որ հենց այս ժամանակահատվածում թուրքական բանակը դարձավ քաղաքական պայքարի և գործընթացների անբաժանելի ու առաջին պլան մղված գործոն: Ուսումնասիրության մեջ մենք փորձել ենք մանրամասն դիտարկել բանակի քաղաքականացման գործընթացը, բանակ-քաղաքացիական իշխանություններ փոխհարաբերությունները Թուրքիայում, ներկայացնել այս ժամանակահատվածում ձևավորված այն հիմնական գործոնները, որոնք անհրաժեշտ էին Թուրքիայում ռազմական հեղաշրջում իրականացնելու համար:

Այս ժամանակաշրջանում սկսեցին ձևավորվել Թուրքիայում ազգայնամոլական շարժման առաջնորդ Ալփարսլան Թյուրքեշի «Գորշ գայլերի» պանթուրքիստական կառույցները, որոնք մինչև այսօր կարևոր դերակատարում ունեն ինչպես երկրի քաղաքական համակարգում, այնպես էլ «խորքային պետության» կառուցվածքում:

1970-ական թթ. ձախակողմյան հոսանքները վերաճեցին հզոր և զանգվածային շարժման:

Այս ժամանակահատվածում Թուրքիայում առաջին անգամ քավական ընդգրկուն կերպով քաղաքական թատերաբեմ եկավ քաղաքական իսլամը: Վստահորեն կարող ենք նշել նաև, որ հենց այս ժամանակահատվածում պարարտ հող ստեղծվեց հետագայում իսլամամետ կուսակցությունների հաջողությունների համար, այդ թվում՝ Թուրքիայում ներկայումս իշխող իսլամամետ Արդարություն և զարգացում կուսակցության:

1960-70-ական թթ. հիմնականում ավարտվեց «խորքային պետության» ձևավորման գործընթացը:

Պետք է նշել, որ 1980 թ. հեղաշրջումից հետո երկար տարիներ Թուրքիայում արգելք էր դրված հեղաշրջման և զինվորականության թեմաների վրա, սահմանված էր խիստ գրաքն-

նություն, որն իրականացնում էին անձամբ զինվորականները: Վերջին տարիներին այդ թարուն վերացավ, և Թուրքիայում սկսեցին մեկը մյուսի հետևից լույս տեսնել 1980 թ. հեղաշրջման և այդ ժամանակահատվածի վերաբերյալ մի շարք հետազոտություններ և հուշագրություններ, որոնք հնարավորություն են տալիս համակողմանի ուսումնասիրել հեղաշրջման հետ կապված՝ մինչ այժմ անհայտ բազմաթիվ էջեր և իրադարձություններ: Մեր ուսումնասիրության համար առանձնահատուկ կարևորություն են ներկայացնում Ազգային անվտանգության խորհրդի (Milli Güvenlik Konseyi) պաշտոնական հայտարարությունները, որոշումները, օրենքները¹, 1981 թ. ԱԱԽ-ի կողմից հրատարակված «Մեպտեմբերի 12-ից առաջ և հետո» վերնագիրը կրող ԱԱԽ-ի պաշտոնական տեղեկագրում տեղ գտած վավերագրերը², ինչպես նաև հեղաշրջման առաջնորդ Քենան Էվրենի ճառերը և ելույթները³: Արժեքավոր սկզբնաղբյուրներ են քաղաքական կուսակցությունների և կազմակերպությունների ծրագրային փաստաթղթերը⁴, հաշվետվությունները⁵, կառավարությունների ծրագրերը, Թուրքիայի Հանրապետության պաշտոնական վիճակագրական տեղեկատվական տվյալները⁶ և այլն:

Թեմայի բազմակողմանի ուսումնասիրման համար առանձնահատուկ արժեք է ներկայացնում Թուրքիայի Հանրապե-

1 Milli Güvenlik Konseyince Kabul Edilen Kanunlar, Yayımlanan Bildiri ve Kararlar ile Önemli Mevzuat, Cilt-1. Ankara, 1981; Siyasi Partiler Kanunu. İstanbul, 1983; Milletvekili Seçimi Kanunu, İstanbul, 1983; Kanun No. 2533, Siyasi Partilerin Fehsine Dair Kanun; Kenan Evren, Kenan Evren'in Anıları, Cilt-2, İstanbul, 1991.

2 12 Eylül Öncesi ve Sonrası, MGK Genel Sekreterliği, Ankara, 1981.

3 Türkiye Cumhuriyeti Başkanı Orgeneral Kenan Evren'in Söylev ve Demeçleri (12 Eylül 1980-12 Eylül 1981), Ankara, 1981.

4 Cumhuriyet Halk Partisi Programı, Ankara, 1976; Adalet Partisi: Program ve Tüzük, Ankara, 1969; Anavatan Partisi Programı, Ankara 1983; DİSK Kuruluş Bildirisi: Ana Tüzüğü, İstanbul, 1968.

5 DİSK-6: Genel Kurulu Çalışma Raporu, İstanbul, 1977; DİSK-7: Genel Kurulu Çalışma Raporu, İstanbul, 1980.

6 Türkiye İstatistik Yıllığı, Ankara, 1973; Türkiye İstatistik Yıllığı, Ankara, 1981.

տության 7-րդ նախագահ, 1980 թ. ռազմական հեղաշրջման առաջնորդ, քանակի գեներալ Քենան Էվրենի հուշերի բազմահատորյակը⁷: Էվրենի հուշերը կարևոր տեղեկություններ են պարունակում հեղաշրջման իրական պատճառների բացահայտման, նախապատրաստման գործընթացի մանրամասնությունների և անցումային շրջանում զինվորականության վարած քաղաքականության վերաբերյալ, որոնք հնարավորություն են տալիս լավագույնս հասկանալ զինվորականների նպատակներն ու գործունեության տրամաբանությունը: Այնուամենայնիվ, պետք է նշել, որ Քենան Էվրենի աշխատության մեջ ներկայացվում են հեղաշրջման միայն դրական կողմերը, իսկ որոշ դեպքերում էլ հեղինակը միտումնավոր խուսափում է «անցանկալի» մանրամասնություններից:

Աշխատանքի համար կարևոր նշանակություն ունեն հեղաշրջման ժամանակակից քաղաքական գործիչների և դիվանագետների հուշերն ու հրապարակումները: Թեմայի ուսումնասիրման համար արժեքավոր տեղեկություններ են պարունակում 1974-1983 թթ. Թուրքիայում ԽՍՀՄ արտակարգ և լիազոր դեսպան Ալեքսեյ Ռոդիոնովի հուշերը⁸: 1970-1980 թթ. ընկած ժամանակահատվածում թուրքական քանակի վերաբերյալ արժեքավոր տվյալներ է պարունակում 1971 թ. զինվորականների «միջամտության» կազմակերպիչներից՝ քանակի գեներալ Մուսսին Բաթուրի «Հիշողություններ և տեսակետներ» աշխատությունը⁹:

Աշխատանքի մեջ օգտագործվել են նաև պանթյուրքիստական Ազգայնական շարժում կուսակցության առաջնորդ Ալփարալան Թյուրքեշի¹⁰ և իսլամամետ Ազգային փրկություն կուսակցության ղեկավար Նեջմեթին Էրբաքանի¹¹ աշխատութ-

7 Kenan Evren'in Anıları, Cilt 1, İstanbul, 1990; Kenan Evren'in Anıları Cilt 2, İstanbul, 1991; Kenan Evren'in Anıları Cilt 3, İstanbul, 1991; Kenan Evren'in Anıları Cilt 4, İstanbul, 1991.

8 Родионов А., Турция - перекресток судеб: Воспоминания посла, Москва, 2006.

9 Batur M., Anılar ve Görüşler, İstanbul, 1985.

10 Türkesş A., Temel Görüşler, İstanbul, 1975.

11 Erbakan N., Milli Görüş, İstanbul, 1975.

յունները, որոնք բացահայտում են նշված կուսակցությունների քաղաքական և գաղափարական հիմնական ուղղություններն ու առանձնահատկությունները:

Մենագրության մեջ քննարկվող տարրեր հարցերի լուսաբանման, ինչպես նաև Թուրքիայի ներքաղաքական գործընթացների առանձնահատկությունները գնահատելիս ճիշտ կողմնորոշվելուն մեծապես նպաստել են հայ արևելագետների և պատմաբանների արժեքավոր հետազոտությունները, որոնցից հարկ ենք համարում առանձնացնել Հրաչիկ Միմոնյանի¹², Բաֆֆի Կոնդակչյանի¹³, Ռուբեն Սաֆրաստյանի¹⁴, Նիկոլայ Հովհաննիսյանի¹⁵, Արսեն Ավագյանի¹⁶, Հոփիսիմե Կորխամազյանի¹⁷, Անուշ Հովհաննիսյանի¹⁸, Միքայել Մելքոնյանի¹⁹, Ռուբեն Մելքոնյանի²⁰, Ալեքսանդր Սաֆարյանի²¹, Վահրամ Տեր-Սաթ-

12 Միմոնյան Հ., Թուրք-հայկական հարաբերությունների պատմությունից, Երևան, 1991:

13 Кондакчян Р., Турция: Внутренняя политика и ислам, Ереван, 1983.

14 Սաֆրաստյան Ռ., Հնարավոր չէ 21-րդ դարում պատմելներ ստեղծել հարևանների միջև..., Երևան, 2003; Сафрасян Р., Возвращение “серых волков”: Консервативная партия в политической жизни Турции (1983-1985 гг.), Մերձավոր և Միջին Արևելքի նրկրներ և ժողովուրդներ XXIII, Երևան, 2004, էջ 254-276:

15 Հովհաննիսյան Ն., Մերձավորարևելյան տարածաշրջանը և Հայաստանի ազգային անվտանգության խնդիրը Մերձավոր և Միջին Արևելքի նրկրներ և ժողովուրդներ XVI, Երևան, 1996, էջ 9-19; նույնի, Արաբական նրկրների պատմություն, հատոր III, Երևան, 2006:

16 Ավագյան Ա., Բանակի դերը Թուրքիայի տնտեսական համակարգում, Հայկական բանակ, թիվ 4 (50), 2006, էջ 67-74; նույնի, Թուրք ազգայնամուլների գործունեությունը Ադրբեջանում 1990-1994 թթ., Հայկական բանակ, թիվ 3 (49), 2006, էջ 48-56:

17 Корхмазян Р., Турция и СССР (Россия): Некоторые проблемы взаимоотношений после Второй мировой войны, Մերձավոր Արևելքի նրկրներ և ժողովուրդներ XVIII, Երևան, 1999, էջ 5-15:

18 Հովհաննիսյան Ա., ԽՍՀՄ-ի փլուզումը «թուրք միասնության» գաղափարը և Ղարաբաղյան հարցը (1990-1995-ականների թուրքական հրապարակումների լուսաբանմամբ), Մերձավոր Արևելքի նրկրներ և ժողովուրդներ XX, Երևան, 2001, էջ 74-81; նույնի, Коценке историографии проблем идеологии турецкого национализма, Մերձավոր և Միջին Արևելքի նրկրներ և ժողովուրդներ XXIII, Երևան, 2004, էջ 148-157:

19 Մելքոնյան Մ., Ջինվորակառության դերը Թուրքիայի քաղաքական կյանքում, Ջինվոր, 1993, էջ 10-20:

20 Մելքոնյան Ռ., Ակնարկ Ստամբուլի հայ համայնքի պատմության (1920-ականներից մինչև մեր օրերը), Երևան, 2010:

21 Սաֆարյան Ա., Ջիյա Գյոթալիքը և «Թուրքականության հիմունքները», Երևան, 2012:

ևույանի²², Սուրեն Բաղդասարյանի²³ աշխատություններն ու հոդվածները: Թուրքիայի նորագույն պատմության առանցքային խնդիրներն առավել համակողմանի ըմբռնելուն մեծապես նպաստել են ՀՀ ԳԱԱ Արևելագիտության ինստիտուտի կողմից հրատարակվող «Մերձավոր և Միջին Արևելքի երկրներ և ժողովուրդներ» և «Թյուրքագիտական և օսմանագիտական հետազոտություններ» մատենաշարերը:

Ուսումնասիրության համար օգտակար են խորհրդային մի շարք հեղինակների՝ Ա. Ակսենենկոյի, Ա. Կոլեսնիկովի, Վ. Զապորոժեցի, Ն. Կիրենի հետազոտությունները²⁴, սակայն հարկ ենք համարում հատուկ առանձնացնել Թուրքիայում ռազմական հեղաշրջումներին և քաղաքական գործընթացներին նվիրված անվանի թուրքագետ Վ. Դանիլովի աշխատությունները²⁵:

Մեր ուսումնասիրության համար արժեքավոր են նաև արևմտյան որոշ հեղինակների աշխատությունները, որոնց շարքում պետք է առանձնացնել Ջորջ Ս. Հարիսի, Ջեկոր Լանդաուի, Ուիլյամ Հեյլի, Հյու Փուլթոնի, Էրիկ Ցյուրխերի²⁶, Ջոն Մաքֆադենի աշխատանքները²⁷: Բանակ-հասարակություն փոխհարա-

22 Ter-Matevosyan V., The Kemalist discourse in Turkey between 1960 and 1980: Challenging the Republican ideology?, Թուրքագիտական և օսմանագիտական հետազոտություններ, Երևան, 2006, էջ 85-102; նույնի, Նիջմեթթին Էրբարանի քաղաքական քնննիչ և «Ազգային փրկություն» կուսակցության գործունեությունը Թուրքիայում, Մերձավոր և Միջին Արևելքի երկրներ և ժողովուրդներ XXV, Երևան, 2006, էջ 177-19:

23 Багдасарян С., Роль армии в процессе модернизации Турции в 1960-1990-х годах, Մերձավոր Արևելքի երկրներ և ժողովուրդներ XXI, Երևան, 2002, էջ 28-39; նույնի, Արդիականացման և իսլամի համատեղակցության հարցի շուրջ (Թուրքիայի մոդելը), Մերձավոր և Միջին Արևելքի երկրներ և ժողովուրդներ XXIII, Երևան, 2004, էջ 39-50:

24 Аксененко А., Борьба политических партий Турции за влияние на молодежь 1920-1980, Москва, 1986; Запорожец В., Колесников А., Турция: Общество и армия, том I. Ленинград, 1983; Киреев Н., Борьба с террором в Турции, Исламизм и экстремизм на Ближнем Востоке, Москва, 2001, стр. 72-110.

25 Данилов В., Турция 80-х: от военного режима до "ограниченной демократии", Москва, 1991; նույնի, Политическая борьба в Турции: 50-е - начало 80-х годов XX в. (политические партии и армия), Москва, 1985; նույնի, Государственно-административная деятельность военного правительства Турции, Специальный бюллетень, № 2 (224), Москва, 1983.

26 Zürcher E. J., Turkey - A Modern History, NY, 2004.

27 Harris G. S., The Role of the Military in Turkish Politics, The Middle East Journal, Vol. 19, No. 1, Winter 1965, pp. 54-66; նույնի, The Causes of the 1960 Revolution in Turkey, The Middle

քերությունների հետազոտման համար օգտակար են եղել Էրիկ Նորդլինգերի²⁸ և Մորիս Յանովիցի²⁹ աշխատությունները:

Մեր հետազոտության համար առանձնակի կարևորություն ունեն թուրք հեղինակների աշխատությունները, որոնք այսօր են ընկնում փաստավավերագրական նյութի հարստությանը: Առավել օգտակար աշխատությունների շարքում կարելի է նշել Մեհմեթ Ալի Բիրանլի³⁰, Հասան Ջեմալի³¹, Ջյունեյթ Արջայուրեքի³², Ալի Բայրամօղլուի³³, Էրթուղրու Ալաթլի³⁴, Թանել Դեմիրելի³⁵, Սոներ Յալչընի և Դողան Յուրդաքուլի³⁶, Էրբիլ Թուշալպի³⁷, Իսմայիլ Ջեմալի³⁸, Էրզուն Օզրուդունի³⁹, Դողան Աքյազի⁴⁰ գործերը:

East Journal, Vol. 24, No. 4, Autumn 1970, pp. 438-454; Landau J. M., The Nationalist Action Party in Turkey, Journal of Contemporary History, Vol. 17, No. 4, Oct., 1982, pp. 587-606; Hale W., Turkish Politics and the Military. London: Routledge, 1994; Poulton H., Top Hat, Grey Wolf and Crescent, Turkish Nationalism and the Turkish Republic, New York, 1997; McFadden J. M., Civil-Military Relations in the Third Turkish Republic, The Middle East Journal, Vol. 39, No. 1, Winter 1985, pp. 69-85.

28 Nordlinger E., Soldiers in Politics: Military Coups and Governments, New Jersey, 1977.

29 Janowitz M., The Military in the Political Development of New Nations, Chicago, 1965; ֆույնի, Political Conflict, Essays in Political Sociology, Chicago, 1970.

30 Birand M. A., Billä H., Akar R., 12 Eylül: Türkiye'nin Miladı, İstanbul, 1999; Birand M. A., 12 Eylül Saat: 04:00. İstanbul, 1984; ֆույնի, Emret Komutanım, İstanbul, 1986.

31 Cemal H., Tank Sesiyle Uyanmak, 12 Eylül Günü, İstanbul, 1986; ֆույնի, Kimse Kızmasın Kendimi Yazdım, İstanbul, 2001; ֆույնի, Kürtler, İstanbul, 2003.

32 Arcayürek C., Demokrasinin Sonbaharı 1977-1978, Ankara, 1985; ֆույնի, Bir İktidar Bir İhtilal 1955-1960, Açıklıyor-3, Ankara, 1984.

33 Bayramoğlu A., Asker ve Siyaset - Bir Zümre, Bir Parti: Türkiye'de Ordu, İstanbul, 2004, s. 59-118.

34 Alatlı E., Müdahale 12 Mart 1971-12 Eylül 1980, İstanbul, 2004.

35 Demirel T., Türk Silahlı Kuvvetleri'nin Toplumsal Meşruiyeti Üzerine - Bir Zümre, Bir Parti: Türkiye'de Ordu, İstanbul, 2004, s. 345-381; ֆույնի, Lessons of Military Regimes and Democracy: The Turkish case in a Comparative Perspective, Armed Forces & Society, Vol. 31, No. 2, Winter 2005, pp. 245-271; ֆույնի, The Turkish Military's Decision to Intervene: 12 September 1980, Armed Forces & Society, Vol. 29, No. 2, 2003, pp. 253-280.

36 Yalçın S. & Yurdakul D., Bay-Pipo, İstanbul, 2000; Yalçın S. & Yurdakul D., REİS, Gladio'nun Türk Tetikcisi, Ankara, 1998.

37 Tuşalp E., Eylül İmparatorluğu: Doğu ve Yükselişi, İstanbul, 1988.

38 Cem İ., Siyaset Yazıları, 1975-80 Türkiyesi, İstanbul, 1980; ֆույնի, Türkiye'de Geri Kalmışlığın Tarihi, İstanbul, 1971.

39 Özbudun E., Türk Anayasa Hukuku, Ankara, 2005.

40 Akyaz D., Askeri Müdahalelerin Orduya Etkisi, Hiyerarşi Dışı Örgütlenmeden Emir Komuta Zincirine, İstanbul, 2002.

Պետք է նշել, որ թուրք հեղինակների պարագայում, կապված նրանց քաղաքական նախապատվության հետ, նկատվում է նյութերի ընտրողական մոտեցում:

Քննարկվող թեմաների լուսաբանմանը մեծապես նպաստել են նաև վերջին տարիների ընթացքում թուրքական մամուլի էջերում տեղ գտած հրապարակումները, ինչպես նաև հեղաշրջման մասնակիցների հարցազրույցները, որոնք ռազմական հեղաշրջման հետ կապված նորանոր ուշագրավ փաստեր են առաջ բերում:

ԲԱՆԱԿԻ ԴԵՐԸ ԹՈՒՐԲԻԱՅԻ ՔԱՂԱՔԱԿԱՆ ԿՅԱՆՔՈՒՄ 1920-1970-ԱԿԱՆ ԹՎԱԿԱՆՆԵՐԻՆ. ԸՆԴՀԱՆՈՒՐ ԱԿՆԱՐԿ

Ռազմական սոցիոլոգիայի⁴¹ ասպարեզում հետազոտությունների կարևորագույն օբյեկտ են բանակ-հասարակություն (քաղաքացիական իշխանություններ) փոխհարաբերությունները, որոնց վերաբերյալ ուսումնասիրությունները հատուկ կարևորություն ստացան հատկապես 20-րդ դարի երկրորդ կեսից: Երկրորդ համաշխարհային պատերազմից հետո զինվորականների դերը պետությունների քաղաքական կյանքում նոր ընույթ և կարևորություն ձեռք բերեց, ինչն էլ հետազոտողների ուշադրությունը սևեռեց այդ թեմայի վրա⁴²:

Բանակ-հասարակություն փոխհարաբերությունների վերաբերյալ կատարված հետազոտություններում լայն տարածում է ստացել Էրիկ Նորդլինգերի տեսությունը, ըստ որի՝ այդ փոխհարաբերությունները, երբ զինվորականները ենթարկվում են քաղաքացիական իշխանություններին, կարելի է բաժանել երեք խմբի՝ ավանդական (traditional), ազատական (liberal) և ներթա-

41 Ռազմական սոցիոլոգիայի հետազոտությունների կենտրոնում են բանակը որպես ինստիտուտ, դրա կապը և փոխհարաբերությունները հասարակության այլ ինստիտուտների հետ, բանակի գործառնության արդյունավետության վրա ազդող գործոնները, տևս Ռազմական սոցիոլոգիա. ուսումնական նյութերի ժողովածու, Երևան, 2005, էջ 6:

42 Feaver P. D., The Civil-Military Problematique: Huntington, Janowitz, and the Question of the Civilian Control. - Armed Forces & Society, Vol. 23, No. 2, Winter 1996, pp. 149-178.

փանցող (penetration)⁴³: Բանակ-հասարակություն փոխհարաբերությունների ավանդական մոդելի ժամանակ քաղաքացիական և զինվորական իշխանությունն ամբողջական է, գտնվում է մեկ ղեկավարի ձեռքում, ով հիմնականում ազնվական ծագում ունի (ինչպես, օրինակ, միջնադարյան միապետությունները): Ազատական մոդելի դեպքում բանակն ապաքաղաքականացված է, զինվորականներն անվերապահորեն ենթարկվում են քաղաքացիական իշխանություններին՝ անկախ վերջիններիս քաղաքական և գաղափարական ուղղվածությունից (տարածված է արևմտյան երկրներում): Բանակ-հասարակություն փոխհարաբերությունների ներթափանցող մոդելի ժամանակ բանակը սերտորեն փոխկապակցված է իշխանությունների հետ, բանակում տարածված է իշխող կուսակցության գաղափարախոսությունը, բանակը քաղաքականացված է և պայքարում է իշխող ռեժիմի գաղափարախոսության համար⁴⁴ (Խորհրդային Միության տարբերակը)⁴⁵:

Բանակ-հասարակություն հարաբերությունները, երբ զինվորականները չեն ենթարկվում քաղաքացիական իշխանություններին և միջամտում են երկրի ներքաղաքական կյանքին, Է. Նորդլինգերը բաժանում է 3 խմբի՝ կարգավորող (moderator), խնամակալ (guardian) և իշխող (ruler): Կարգավորող միջամտությունների դեպքում զինվորականներն ուղղակիորեն չեն վերցնում իշխանությունը, այլ սպառնալիքների և ճնշումների միջոցով արգելք

43 Nordlinger E., *Soldiers in Politics: Military Coups and Governments*, New Jersey, 1977, pp. 10-19.

44 Նույն տեղում, էջ 10-19:

45 Որոշ հետազոտողներ այդ 3 տարբերակներին ավելացնում են ևս մեկը, այն է. նրբ քաղաքացիական իշխանությունները հաճախ են գալիս զինվորականների հետ կոալիցիայում: Այդ դեպքում զինվորականները գտնվում են քաղաքացիական իշխանությունների ենթակայության տակ, սակայն քաղաքացիականները պահում են իրենց իշխանությունը զինվորական խմբի կամ անհատի հետ դաշինքի միջոցով: Օրինակ՝ Ալժիրի տարբերակը, նրբ նրկրի նախագահ Ահմադ Բեն Բելլան պահում էր իր իշխանությունն Ազգային պաշտպանության նախարար Հուարի Բումուդիենի օգնությամբ, մինչև վերջինիս կողմից իշխանության գավթումը: Այդ մասին առավել մանրամասն տե՛ս Հովհաննիսյան Ն., Արաբական նրկրների պատմություն, հատոր III, Երևան, 2006, էջ 69-77:

1702157


(veto) են դնում կառավարության որոշման կամ կառավարության գործունեության վրա: Այդ դեպքում հնարավոր է կառավարության փոփոխությունը զինվորականների համար առավել ընդունելի տարբերակով (ինչպես, օրինակ, 1997-1998 թթ. Թուրքիայում զինվորականության ճնշումների արդյունքում Ն. Էրբաքանի կառավարությունը փոխարինվեց Բ. Էջնիթի կառավարությունով)⁴⁶: Խնամակալ միջամտության ժամանակ զինվորականներն ուղղակիորեն իրենց ձեռքն են վերցնում իշխանությունը: Այդ մոդելի գլխավոր առանձնահատկությունն այն է, որ զինվորականները ժամանակավոր են վերցնում իշխանությունը՝ միջամտության պատճառները վերացնելու և իշխանությունը կրկին քաղաքացիական ուժերին վերադարձնելու նպատակով: Իշխող միջամտությունների ժամանակ զինվորականներն իշխանությունը վերցնում են իրենց ձեռքում պահելու և արմատական փոփոխություններ իրականացնելու նկատառումներով⁴⁷:

Բանակ-հասարակություն հարաբերությունների ուսումնասիրությունների խոշորագույն տեսաբան Մորիս Յանովիցը նոր (զարգացող) ազգերի մոտ ռազմական հեղաշրջումները, ըստ զինվորական աստիճանակարգության, բաժանում է երկու տեսակի՝ նախաձեռնողական և ըստ հրամանի: Նախաձեռնողականի ժամանակ ռազմական հեղաշրջումը կազմակերպում են ցածր աստիճանակարգ ունեցող զինվորականները, առանց հրամանատարության գիտության կամ համաձայնության (այդպիսի հեղաշրջումները հիմնականում ավելի արմատական են լինում): Ըստ հրամանի հեղաշրջումներն իրականացվում են բանակի հրամանատարության կողմից⁴⁸:

46 Այս մասին առավել մանրամասն տե՛ս Heper M. and Güney A., The Military and the Consolidation of Democracy: The Recent Turkish Experience, Armed Forces & Society, Vol. 26, No. 4, Summer 2000, pp. 635-657

47 Nordlinger E., նշվ. աշխ., էջ 21-32:

48 Janowitz M., The Military in the Political Development of New Nations. Chicago: The University of Chicago, 1965, pp. 68-70.



Երկրի քաղաքական կյանքում իշխող զինվորական-քաղաքացիական հարաբերությունների տարբերակը հասկանալու համար պետք է հաշվի առնել հետևյալ գործոնները՝ սոցիալ-տնտեսական և քաղաքական միջավայրը (երկրի սոցիալ-տնտեսական իրավիճակը, ներքաղաքական դրությունը և այլն), արտաքին գործոնները (տարածաշրջանում պատերազմներ, հեղաշրջումներ, հեղափոխություններ և այլն) և զինվորական համակարգի էությունը⁴⁹ (բանակի քաղաքականացվածությունը, քաղաքական գաղափարախոսությունը, զինվորականության սոցիալական վիճակը, զինվորականության քաղաքական կյանքին միջամտության ավանդույթը⁵⁰ և այլն):

Քեմալական Թուրքիայում բանակն այն առանցքային ուժն էր, որը կանգնած էր երկրի սոցիալ-տնտեսական և քաղաքական զարգացման հիմքում: Զինվորականների գերիշխումը Թուրքիայի հասարակական-քաղաքական կյանքում երկարատև և ուժեղ ավանդույթ ունի, որը կապված է ինչպես Օսմանյան կայսրության բնույթի, այնպես էլ հանրապետական Թուրքիայի ստեղծման և կայացման գործընթացի հետ⁵¹: Թուրքիայի Հանրապետության հիմնադրման առաջին տարիներից զինվորականներն սկսեցին ակտիվ դեր խաղալ երկրի քաղաքական կյանքում: Թուրքիայի առաջին նախագահ դարձավ ազգայնամտական շարժման առաջնորդ, մարշալ Մուսթաֆա Քեմալը (1934 թվականից՝ Աթաթյուրք), վարչապետ՝ գեներալ Իսմեթ փաշան (1934-ից՝ Իսյոնյու): Հանրապետության գոյության առաջին տարիները ցույց տվեցին, որ բանակի դերը Թուրքիայի քաղա-

49 Karabelias G., *Civil-Military Relations: A comparative analysis of the role of the military in the political transformation of post-war Turkey and Greece: 1980-1985.* – Final Report Submitted to North Atlantic Treaty Organization (NATO) in June 1980, pp. 15-16.

50 Janowitz M., *Political Conflict, Essays in Political Sociology*, Chicago: Quadrangle Books, 1970, p. 136.

51 Багдасарян С., Роль армии в процессе модернизации Турции в 1960-1990-х годах. - *Մերձավոր Արևելքի նրկրներ և ժողովուրդներ XXI, Երևան, 2002, էջ 28.*

քական կյանքում միանշանակ չէ: Ընդհանուր առմամբ, բանակը հանդիսանում էր քեմալականների իշխող ռեժիմի հենասյունը, բայց միաժամանակ Մ. Քեմալի իշխանությանն ընդդիմադիր գեներալների (Ք. Քարաբեքիր, Ա. Ջեբեսոյ, Ջ. Էդիվեզ) ակտիվ մասնակցությունը երկրի քաղաքական կյանքին իրական սպառնալիքի տակ էր դնում Քեմալի իշխանությունը և բարեփոխումների իրականացումը⁵²: Քեմալականները հաղթանակած դուրս եկան այդ պայքարից, և ընդդիմադիր գեներալները հեռացվեցին բանաձից, որից հետո միայն Քեմալը վերջնականապես արգելեց զինվորականներին զբաղվել քաղաքական գործունեությամբ⁵³: Այնուհետև քեմալականները սկսեցին, մի կողմից, ապաքաղաքականացնել բանակը՝ փորձելով գերծ պահել այն քաղաքական գործընթացներից, մյուս կողմից էլ՝ բանակը դիտարկել որպես իշխանությունների իրական հենաստուն և քեմալական բարեփոխումների իրականացման գլխավոր երաշխիք: Իշխանություններն սկսեցին նպատակատուղված քաղաքականություն իրականացնել՝ սպայական կազմին քեմալիզմի ոգով դաստիարակելու ուղղությամբ: Թուրքական բանակի սպայական կազմի դաստիարակության գործընթացում առանցքային նշանակություն ստացան քեմալիզմի սկզբունքները: Անսահման սեր և հարգանք էր սերմանվում Աթաթյուրքի և նրա գաղափարախոսության հանդեպ: Այս գործընթացների մեջ լայնորեն ներգրավված էին ինչպես պետության քարոզչական մարմինները (մամուլ, գրականություն և այլն), այնպես էլ քաղաքական գործիչները: Օրինակ՝ Հանրապետական-ժողովրդական կուսակցության (ՀԺԿ) գլխավոր քարտուղար Ռ. Փեքերը 1935-1942 թթ. երկրի ռազմական բարձրագույն հաստատություններում

52 Harris G. S., The Role of the Military in Turkish Politics, The Middle East Journal, Vol. 19, No. 1, Winter 1965, pp. 56-60.

53 Նույն տեղում:

դասախոսություն էր կարդում «թուրքական հեղափոխության» թեմաներով⁵⁴։ Թուրքական իշխանությունների նպատակաուղղված քաղաքականության արդյունքում սպայական անձնակազմը խորապես ընդունեց քեմալիզմի գաղափարախոսությունը։ Այն հատկապես խոր արմատներ գցեց երիտասարդ սպաների մեջ, որոնք իրենց համարում էին ոչ միայն քեմալիզմի ակտիվ կրողը, այլև քեմալիզմի գաղափարախոսության առաջամարտիկը⁵⁵։ Թուրք հայտնի լրագրող Մեհմեթ Ալի Բիրանդը նշում է, որ թուրքական սպայի համար Աթաթյուրքն ամեն ինչ էր⁵⁶։

1930-ական թթ. քանակն ընդհանուր առմամբ չէր խառնվում երկրում տեղի ունեցող քաղաքական գործընթացներին՝ միաժամանակ շարունակելով ամուր հենասյուն հանդիսանալ իշխող ռեժիմի համար։ Սակայն արդեն 1940-ական թթ. սպայական կազմը որոշակիորեն սկսեց ներքաշվել քաղաքական գործընթացների մեջ։ Դա հատկապես ընդգծվեց, երբ Թուրքիան անցում կատարեց դեպի բազմակուսակցական համակարգ, որի արդյունքում ի հայտ եկան տարբեր քաղաքական ուժեր և գաղափարախոսություններ։ Նորահայտ քաղաքական կուսակցություններից ամենաազդեցիկը Դեմոկրատական կուսակցությունն (ԴԿ) էր, որն արդեն 1946 թ. խորհրդարանական ընտրություններում իր ընտրացուցակներում ընդգրկեց 15 բարձրաստիճան սպայի, որոնց թվում էր նաև մարշալ Ֆ. Չաքմաքը⁵⁷։

1946 թ. խորհրդարանական ընտրություններից հետո քանակում սկսեցին կազմավորվել առաջին սպայական խմբավորումները⁵⁸։ Արդեն 1940-ական թթ. վերջերին սպայակազմի մի

54 Запорожец В., Колесников А., Турция: Общество и армия, том I, Ленинград, 1983, стр. 180.

55 Նույն տեղում։

56 Birand M. A., Emret Komutanım, İstanbul, 1986, s. 92.

57 Запорожец В., Колесников А., նշվ. աշխ., էջ 184.

58 Հատկանշական է, որ այդ խմբավորումների մեջ էին նաև Ջևդեթ Սուրայը (1961-1966 թթ. ՋՌԿ-ի խավոր շտաբի պետ, 1966-1973 թթ. հանրապետության նախագահ) և Մեմդուհ

խումբ անդամներ՝ գեներալ Ֆ. Բելենի գլխավորությամբ, սկսեցին ռազմական հեղաշրջում նախապատրաստել՝ իշխանությունը ՀԺԿ-ից ԴԿ-ին փոխանցելու նպատակով: ԴԿ ղեկավարների հետ խորհրդակցելուց հետո նրանք որոշեցին սպասել 1950 թ. խորհրդարանական ընտրությունների արդյունքներին⁵⁹: 1950 թ. խորհրդարանական ընտրությունները հաղթանակ բերեցին ԴԿ-ին, որը եկավ փոխարինելու 27 տարի երկրի ղեկն իր ձեռքում պահած ՀԺԿ-ին: Բանակի արձագանքը ԴԿ հաղթանակին միանշանակ չէր. դեմոկրատների կողմակիցները բավարարված էին ընտրությունների արդյունքներով, վերը նշված Ֆ. Բելենի խմբավորումը դադարեցրեց իր գործունեությունը, սակայն ԴԿ հաղթանակը դժգոհություններ առաջացրեց ՀԺԿ-ին հավատարիմ գեներալների շրջանում, որոնք, հիմնվելով սպայական կազմի որոշակի մասի վրա, պատրաստ էին հեղաշրջում իրականացնել՝ իշխանությունն Աթաթյուրքի հիմնած ՀԺԿ-ին վերադարձնելու նպատակով⁶⁰: Այնուամենայնիվ, ԴԿ-ին հաջողվեց ճնշել բանակում առաջացած դժգոհությունները՝ ստանալով գլխավոր շտաբի պետի աջակցությունը:

ԴԿ իշխանության տարիներին (1950-1960 թթ.) երկրում ակնառու դարձան քաղաքական մրցակիցների դեմ ճնշումները, իսլամական շարժումների ակտիվացումը, որոնք երիտասարդ սպայական կազմի կողմից ընդունվում էին որպես նահանջ քեմալիզմի ուղուց, և առաջացրին նրանց դժգոհությունն իշխանությունների հանդեպ: 1950-ական թթ. կեսերից սպայակազմի մի խումբ երիտասարդ անդամներ ձեռնամուխ եղան ռազմական հեղաշրջում նախապատրաստելուն⁶¹:

Թաղմաչը, ով 1971 թ. մարտի 12-ի ռազմական միջամտության ժամանակ գլխավոր շտաբի պետն էր, տևս İpekçi A. ve Çoşar Ö. S., İhtilalin İçyüzü, İstanbul, 1965, s. 16-19:

59 Harris G. S., The Role of the Military in Turkish Politics, The Middle East Journal, Vol. 19, No. 1, Winter 1965, pp. 54-66.

60 Запорожец В., Колесников А., նշվ. աշխ., էջ 186.

61 Harris G. S., The Causes of the 1960 Revolution in Turkey, The Middle East Journal, Vol. 24, No. 4, Autumn 1970, pp. 438-454.

1960 թ. մայիսի 27-ին Թուրքիայում տեղի ունեցավ առաջին ռազմական հեղաշրջումը: Դրանից հետո երկրի ամբողջ իշխանությունն անցավ նորաստեղծ Ազգային միասնության կոմիտեի (ԱՄԿ, Milli Birlik Komitesi)⁶² ձեռքը, որի ղեկավար դարձավ գեներալ Ջեմալ Գյուրսելը: Գործունեության առաջին իսկ ամիսներից լուրջ հակասություններ առաջացան ԱՄԿ անդամների միջև՝ կապված երկիրը ղեկավարելու հետագա ընթացքի հետ: ԱՄԿ-ն ներսում բաժանվեց երկու թևի՝ պահպանողականների և արմատականների: Պահպանողականների խումբը, որի կազմում էին ԱՄԿ անդամ գններալները՝ Ջ. Գյուրսելի գլխավորությամբ, փորձում էր շուտափույթ ընտրություններ կազմակերպել և իշխանությունը փոխանցել քաղաքական կուսակցություններին: Իսկ ԱՄԿ արմատական թևին հարող անդամները պնդում էին, որ միայն ԴԿ-ին իշխանությունից զրկելով՝ զինվորականության «առաքելությունը» չի ավարտվում, և նրանք պետք է իշխանության ղեկը պահեն իրենց ձեռքում՝ երկրում արմատական բարեփոխումներ իրականացնելու համար: Այդ պայքարում հաղթանակ տարան պահպանողականները, և նոյեմբերի 13-ին արմատականների խմբի բոլոր 14 անդամները հեռացվեցին ԱՄԿ-ից և զինված ուժերից⁶³: Արմատականներին իր կազմից հեռացնելով ԱՄԿ-ն որոշեց կազմակերպել ընտրություններ և իշխանությունը փոխանցել քաղաքական կուսակցություններին:

Այսպիսով, ըստ բանակ-հասարակություն փոխհարաբերությունների վերը նշված տեսության՝ «Մայիսի 27-ի» զինվորական հեղաշրջումը, թեև մինչև արմատականներին (14-ի խումբ) ԱՄԿ-ից հեռացնելն ուներ կառավարող հեղաշրջում դառնալու

62 ԱՄԿ-ն բաղկացած էր 38 անդամից (5 զննիրալ, 9 գնդապետ, 6 փոխգնդապետ, 11 մայոր, 7 կապիտան), տև՝ Öztuna Y., *Ayvaz Gökdemir, Türkiye’de Askeri Müdahaleler*, İstanbul, 1987, s. 50.

63 Weiker W. F., *The Turkish Revolution 1960-1961, Aspects of Military Politics*. Washington: Brookings Institution, 1963, pp. 131-136; Seyhan D., *Gölgedeki Adam*, İstanbul, 1966, s. 117-118.

գրեթե բոլոր նախանշանները, այնուամենայնիվ, կարելի է բնութագրել որպես խնամակալ հեղաշրջում: Զինվորականները երկրի իշխանությունը վերցրին իրենց ձեռքը, ապա որոշ չափով վերացրին հեղաշրջման պատճառները, որից հետո իշխանությունը կրկին վերադարձրին քաղաքական կուսակցություններին:

1960 թ. ռազմական հեղաշրջումը կարելի է բնութագրել նաև որպես նախաձեռնողական հեղաշրջում: Այն չիրականացվեց բանակի ղեկավարության կողմից, ինչպես դա տեղի ունեցավ զինվորականների հետագա «միջամտությունների» (1971 թ., 1997 թ.) և հեղաշրջման (1980 թ.) ժամանակ: «Մայիսի 27-ը» կազմակերպեցին և իրականացրին գլխավորապես միջին աստիճանակարգ ունեցող և հիմնականում քեմալիզմի սկզբունքներին անսահման նվիրված սպայական կազմի անդամները (Թ. Այդեմիր, Դ. Սեյհան, Օ. Էրքանլը, Ֆ. Գյուվենթյուրք, Ա. Թյուրքեշ, Ս. Քոչաս, Ն. Էսին, Ս. Քարաման և այլն): Հեղաշրջման նախաձեռնողները, իրենց գործողություններին «օրինականություն» հաղորդելու նպատակով միայն, փորձեցին հեղաշրջման իրականացման գործընթացի մեջ ներգրավել բանակի վերնախավի որոշ անդամների⁶⁴: Քանի որ հեղաշրջումն իրականացրին հիմնականում միջին աստիճանակարգ ունեցող սպաները, ուստի բանակում խախտվեց աստիճանակարգային կարգապահությունը, ինչը քննադատում է «նախաձեռնողական գործողությունները» և պարտադրում գործել «հրամանի սկզբունքով», որն էլ իր հերթին ենթադրում է անքննարկելի ենթակայություն առավել բարձր աստիճան ունեցող սպաների հրամանին, եթե նույնիսկ հրամանի ճիշտ լինելը կասկած է հարուցում:

64 Հեղաշրջման կազմակերպիչներին 1950-ական թթ. վերջերին հաջողվեց այդ գործընթացների մեջ ներքաշել ցամաքային գործերի հրամանատար Ջ. Գյուրսնլին, որը, սակայն, 1960 թ. մայիսի սկզբին պաշտոնանկ արվեց: Մյուս գնմերալը, որը մասնակցում էր հեղաշրջման նախապատրաստմանը, Գլխավոր շտաբի թիկունքի պետ Ջ. Մադանօղլուն էր: Պետք է նշել, որ Մադանօղլուի և Գյուրսնլի մասնակցությունը հեղաշրջմանը տևի ունեցավ վերջնական փուլում, նրբ հեղաշրջումն արդեն անխուսափելի էր: SİN KOCAS S., Atatürkten 12 Marta, Anılar, Cilt 1., İstanbul, 1977, s. 401-407, 15-18:

1960 թ. ռազմական հեղաշրջումից հետո զինվորական վերնախավը վերստին ձեռնամուխ եղավ բանակում աստիճանակարգության կարգապահության հաստատման գործընթացին: Դրանով բարձրաստիճան զինվորականությունը փորձում էր բացառել ցածր աստիճանակարգային սպայության կողմից կազմակերպվող հեղաշրջումները՝ «նախաձեռնողական հեղաշրջումները», որն, ըստ էության, սպառնում էր նաև իրենց իշխանությանը: Աստիճանակարգության կարգապահությունը վերականգնելու գործընթացում կարևոր դերակատարում ունեցավ Զինված ուժերի միությունը (ԶՈւՄ - Silahlı Kuvvetler Birliği):

1960 թ. հեղաշրջումից հետո բանակը չափազանց քաղաքականացված էր, գորամասերը քաղաքական ակումբներ էին հիշեցնում, որտեղ զինվորականները քննարկում էին այս կամ այն բաղադրական ուղղության առավելություններն ու թերությունները: Այդ կապակցությամբ Շ. Այդեմիրը նշում է, որ գորամասերը վերածվել էին քաղաքական կենտրոնների, որտեղ տեղի էին ունենում ցույցեր և բանավեճեր⁶⁵: Բանակում մեծ հիասթափություն էր առաջացրել ԱՄԿ գործունեությունը, որը հատկապես ընդգծվեց «նոյեմբերի 13-ի» (արմատականների հեռացումից) հետո: Մինչև արմատականներին իր կազմից հեռացնելը ԱՄԿ-ն իրոք ղեկավար մարմին էր, և բանակը նրանից իրական գործողություններ էր սպասում: Սակայն «նոյեմբերի 13-ից» հետո բանակում սկսեցին ակնհայտ ընդգծվել քաղաքական տարրեր հոսանքներ⁶⁶: Այս իրողություններում բանակում ծնվեց նոր քաղաքական միավոր՝ Զինված ուժերի միությունը: ԶՈւՄ կանոնադրության առանցքային կետերից էր հրամանով գործելու անհրաժեշտությունը: ԶՈւՄ-ը սրընթաց կերպով տարածվեց

65 Aydemir Ş., İkinci Adam, Cilt 3., İstanbul, 1975, s. 570.

66 Данилов В., Политическая борьба в Турции: 50-е - начало 80-х годов XX в. (политические партии и армия). Москва, 1985, с. 78.

բանակում և ձեռնամուխ եղավ աստիճանակարգության վերականգնման և երիտասարդ սպայական կազմի մեջ «նախաձեռնողական գործողությունները» բացառելու գործին: Կարող ենք ասել, որ ՋՈւՄ-ը մեծապես նպաստեց բանակի աստիճանակարգության կարգապահության վերականգնմանը⁶⁷:

Թուրքական բանակում աստիճանակարգության վերականգնման գործում նշանակալի դերակատարում ունեցավ նաև Բանակի փոխօգնության կազմակերպությունը՝ Ordu Yardımlaşma Kurulu (OYAK): Հարկ է նշել, որ 1960 թ. ռազմական հեղաշրջմանը խթանող պատճառներից մեկը զինվորականության նյութական անապահովությունն էր, ուստի OYAK-ը ստեղծվեց (1961 թ.) սպայական կազմի սոցիալական դրությունը բարելավելու նպատակով⁶⁸: OYAK ֆոնդը սկզբնական շրջանում ձևավորվում էր անդամավճարներից, սակայն հետագայում, ընդլայնելով իր տնտեսական գործունեության սահմանները, այն վերածվեց խոշոր ձեռնարկատիրական ընկերության⁶⁹: OYAK հիմնադրամար նյութական շահերն էլ ավելի համախմբեցին սպայությանը՝ վերացնելով բարձրաստիճան և միջին սպայության միջև 1960 թվականից տիրող լարվածությունը⁷⁰:

Բանակի վերնախավը, փորձելով ցածր աստիճանակարգ ունեցող սպայական կազմին հեռու պահել քաղաքականությունից, իր համար էր ճանապարհ բացում դեպի մեծ քաղաքականություն՝ 1960 թ. սկզբներից ակտիվորեն մասնակցելով երկրի քաղաքական անցուղարձին: Այդ գործընթացին մեծապես նպաստեց 1961 թ. սահմանադրության 111-րդ հոդվածով

67 Akyaz D., Askeri Müdahalelerin Orduya Etkisi, Hiyerarşi Dışı Örgütlenmeden Emir Komuta Zincirine, İstanbul, 2002, s. 160-165.

68 Ավագյան Ա., Բանակի դիրք Թուրքիայի տնտեսական համակարգում, Հայկական բախակ, 4 (50), Երևան, 2006, էջ 71:

69 OYAK-ի մասին առավել մանրամասն տե՛ս Parla T., Türkiye'de Merkantilist Militarizm 1960-1998. - Bir Parti. Türkiye'de Ordu. İstanbul, 2004, s. 201-224; Akça İ., Kolektif Bir Sermayedar Olarak Türk Silahlı Kuvvetleri. - Bir Parti. Türkiye'de Ordu. İstanbul, 2004, s. 225-270:

70 Ավագյան Ա, նշվ. հոդ., էջ 71:

ստեղծված Ազգային անվտանգության խորհուրդը (ԱԱԽ)⁷¹, որն իր կազմի մեջ ընդգրկում էր հանրապետության նախագահին, վարչապետին, կառավարության որոշ անդամների և ԶՈւ հրամանատարությանը: ԱԱԽ-ն իր գործունեության առաջին տարիներին ոչ մի դերակատարում չէր ունենում երկրի ներքաղաքական կյանքում, սակայն արդեն 1960-ական թթ. վերջերին այն դարձել էր մի մարմին, որտեղ որոշվում էին երկրի բոլոր կարևորագույն խնդիրներն ինչպես արտաքին, այնպես էլ ներքին քաղաքականության բնագավառում⁷²: 1970 թ. թուրքական «Միլիյեթ» թերթը գրում էր, որ Թուրքիայի սահմանադրության 111-րդ հոդվածով օրինականացվեց թուրքական զինված ուժերի մասնակցությունը երկրի քաղաքական կյանքին⁷³: ԱԱԽ-ի միջոցով, փաստորեն, Թուրքիայի բարձրաստիճան զինվորականությունն ուղղակիորեն սկսեց մասնակցություն ունենալ երկրի համար կարևորագույն խնդիրների քննարկմանը, ինչը խթանեց բանակի ղեկավարության քաղաքականացմանը:

Այդպիսով, «Մայիսի 27-ի» հեղաշրջումը և դրան հետևած իրադարձությունները մեծապես նպաստեցին բանակի քաղաքականացման գործընթացին: Արդեն 1960-ական թթ. սկսած՝ բանակը դարձավ քաղաքական պայքարի հավասարագոր մասնակից, ժամանակ առ ժամանակ դուրս գալով առաջին պլան, իր ձեռքը վերցնելով իշխանությունը⁷⁴:

1971 թ. մարտի 12-ին թուրքական բանակը միջամտեց երկրի քաղաքական անցուղարձին, որը պատմության մեջ մտավ «հուշագրային հեղաշրջում» անվանմամբ: Թուրքիայի ԶՈւ հրամանատարությունը հանրապետության նախագահ Զևդեթ Սունային ներկայացրեց հուշագիր, որով պահանջվում էր կառա-

71 T. C. Gerekçeli Anayasa, İstanbul, 1968, s. 105.

72 Запорожец В., Колесников А., նշվ. աշխ., էջ 242-243:

73 Milliyet, 30, 08, 1970.

74 Данилов В., Турция 80-х: от военного режима до "ограниченной демократии", Москва, 1991, стр. 8.

վարության հրաժարականը՝ սպառնալով հակառակ դեպքում իր ձեռքը վերցնել երկրի իշխանությունը: Նույն օրը Մուլեյման Դեմիրելի ղեկավարած կառավարությունը հրաժարական տվեց և դադարեցրեց գործունեությունը: «Մարտի 12-ի» կազմակերպիչների առաջնային նպատակն էր՝ կանխել ցածր զինվորական աստիճան ունեցող սպաների կողմից նախապատրաստվող նախաձեռնողական ռազմական հեղաշրջումը⁷⁵:

Նշենք, որ արդեն 1960-ական թթ. վերջերին երկրում սկսել էր գործել գաղտնի կազմակերպություն, որը ռազմական հեղաշրջում էր նախապատրաստում: Այդ կազմակերպության մեջ թոշակի անցած սպաների (1960 թ. հեղաշրջման կազմակերպիչներ Օ. Քյոքսալ, Հ. Քաչար, Ջ. Մադանօղլու) և բանակի արմատական տրամադրված սպայակազմի անդամների (գնդապետ Ա. Քափթան) հետ միասին գործում էին նաև ձախ քաղաքական ուղղվածություն ունեցող քաղաքացիական գործիչներ (Դ. Ավջըօղլու): Կազմակերպության գործունեությունը ղեկավարում էր Ջ. Մադանօղլուն⁷⁶: 1971 թ. սկզբին կազմակերպությունը զգալի ուժ և ռեսուրսներ ուներ հեղաշրջում իրականացնելու համար, սակայն զինվորական ղեկավարությանը հայտնի դարձան այդ կառույցի ծրագրերը, և բանակի վերնախսավը «մարտի 12-ի միջամտության» միոցով կարողացավ խոչընդոտել նրանց ծրագրերին: «Մարտի 12-ի միջամտությունից» անմիջապես հետո բանակից հեռացվեցին մեծ թվով սպաներ, սպայական կազմում քազմաթիվ տեղափոխություններ կատարվեցին:

Փաստենք, որ եթե 1960 թ. մայիսի 27-ի հեղաշրջումը կազմակերպված էր հիմնականում արմատականների կողմից, ապա

75 Karabelias G., The Evolution of Civil-Military Relation of Post-war Turkey 1980-95, Middle Eastern Studies: Oct. 1999, 35, p. 133.

76 Հատկանշական է, որ արմատական հեղաշրջում նախապատրաստող այդ կազմակերպությունը գլխավորում էր Ջ. Մադանօղլուն, որը 1960 թ. հեղաշրջումից հետո ԱՄԿ-ի աջ պոստպոստոլակառնների ղեկավարներից էր և ջանք չէր խնայում ԱՄԿ-ի արմատականների հետ պահել քաղաքականությունից: Sifn Akyaz D., նշված աշխ. էջ 272-290.:

մարտի 12-ի միջամտությունը գլխավորապես ուղղված էր նրանց դեմ: 1971 թ. հեղաշրջում նախապատրաստելը, փաստորեն, արմատականների վերջին փորձն էր՝ ավարտին հասցնելու իրենց գործը՝ սկսված «մայիսի 27-ին»: Թուրքիայի արմատական սպաները, ի տարբերություն արևելյան որոշ երկրների, որտեղ նմանօրինակ շարժումները հաջողության հասան, չկարողացան համախմբվել և ուժերի ճիշտ վերադասավորում անել: Խոշոր կապիտալը, բանակի ղեկավարությունը և կուսակցությունները կարողացան լուրջ դիմադրություն ցուցաբերել և հաղթանակած դուրս գալ այդ պայքարից⁷⁷:

«Մարտի 12-ի» զինվորականների միջամտությունը, ըստ Է. Նորդլինգերի բանակ-հասարակություն փոխհարաբերությունների տեսության, կարելի է բնութագրել որպես կարգավորող միջամտություն: Բանակն իշխանությունը չվերցրեց իր ձեռքը. 1971-73 թթ. ընկած ժամանակահատվածում շարունակում էին գործել խորհրդարանը և քաղաքացիական կառավարությունը, սակայն երկրի ամբողջ իշխանությունը գտնվում էր բանակի հսկողության ներքո: «Մարտի 12-ի» անցումային շրջանում (1971-73 թթ.) բարձրաստիճան զինվորականության անմիջական հսկողությամբ տեղի ունեցած սահմանադրական փոփոխությունների ժամանակ փոփոխության ենթարկվեց նաև Ազգային անվտանգության խորհրդի մասին դրույթը. ավելացվեցին ԱԱԽ լիազորությունները, որոնք նպատակաուղղված էին ուժեղացնել բանակի վերահսկողական լծակները երկրի քաղաքական կյանքի վրա⁷⁸:

«Մարտի 12-ի վարչակարգի» ժամանակաշրջանն ավարտվեց 1973 թ. հոկտեմբերին կայացած խորհրդարանական ընտ-

77 Данилов В., Политическая борьба в Турции: 50-е - начало 80-х годов XX в. (политические партии и армия). Москва, 1985, стр. 164.

78 Bayraktarlı A., Asker ve Siyaset. - Bir Zümre, Bir Parti. Türkiye'de Ordu, İstanbul, 2004, s. 79-80.

րություններով, որին հաջորդած մի քանի տարիների ընթացքում զինվորականությունը գտնվում էր երկրորդ պլանում և ընդհանուր առմամբ չէր խառնվում երկրի քաղաքական անցուղարձին: Դա պայմանավորված էր հիմնականում երկու հանգամանքով: Նախ՝ «Մարտի 12-ի վարչակարգը» մեծապես վարկաբեկել էր զինվորականությանը, քանի որ թե՛ նրանց «միջամտությունը» քաղաքական կյանքին և թե՛ դրան հաջորդած պատժամիջոցների զանգվածային ալիքը ձախակողմյան շարժումների նկատմամբ հիմնավորված չէին: Արդյունքում՝ զինվորականությունը մեծապես վարկաբեկվել էր, նվազել էին նրա ուժն ու ազդեցությունը երկրի քաղաքական կյանքում⁷⁹, ինչն էլ արտահայտվեց 1973 թ. մարտին կայացած նախագահական ընտրությունների ժամանակ⁸⁰: 1973 թ. սկզբին Գլխավոր շտաբի (ԳՇ) պետ Ֆարուք Գյուրլերը հրաժարական տվեց և իր թեկնածությունն առաջադրեց նախագահական ընտրություններում: Սակայն երկրի 2 խոշորագույն կուսակցությունները (Արդարություն կուսակցությունը՝ ԱԿ և Հանրապետական-ժողովրդական կուսակցությունը՝ ՀԺԿ) հրաժարվեցին պաշտպանել Գյուրլերի թեկնածությունը, և վերջինիս այդպես էլ չհաջողվեց ԹԱՄԺ-ում հավաքել ձայների անհրաժեշտ քանակ՝ նախագահ ընտրվելու համար⁸¹: Ֆ. Գյուրլերի նախագահ չընտրվելը փաստում է, որ տվյալ ժամանակահատվածում զինվորականության ազդեցությունը քաղաքական դաշտում թույլ էր, և այդ իրավիճակում բանակը լուրջ ազդեցություն չէր կարող ունենալ 1973 թ. հոկտեմբերին կայացած խորհրդարանական ընտրությունների վրա: Երկրորդ

79 Demirel T., *Lessons of Military Regimes and Democracy: The Turkish case in a Comparative Perspective.* - *Armed Forces & Society*, Vol. 31, No. 2, Winter 2005, p. 250.

80 Batur M., *Anılar ve Görüşler*, İstanbul, 1985, s. 458.

81 Նախագահական ընտրությունների 15-րդ տուրում հանրապետության նախագահ ընտրվեց ծովակալ Ֆահրի Զորությունը: 1973 թ. նախագահական ընտրությունների մասին ավելի մանրամասն տե՛ս Данилов В., *Армия и политика в современной Турции.* - *Турция: история. экономика*, Москва, 1978, стр. 21-24; Batur M., նշվ. աշխ., էջ 413-416:

հանգամանքը կապված էր ԳՇ պետ Մեմիհ Սանջարի գործոնի հետ: Դեռ 1973 թ., երբ Ֆ. Գյուրլերը հրաժարական տվեց այդ պաշտոնից, նոր ԳՇ պետ ընտրելու անհրաժեշտություն ծագեց: Գյուրլերը ԳՇ պետի երկու գլխավոր թեկնածուների միջև՝ Մուհսին Բաթուր և Մեմիհ Սանջար, ընտրություն կատարեց հոգուտ երկրորդի՝ հաշվի առնելով այն հանգամանքը, որ Սանջարը ջերմ հարաբերություններ ուներ ԱԿ ղեկավարության հետ: Այդ քայլով Գյուրլերը փորձեց շահել ԱԿ ղեկավարների վստահությունը և ստանալ վերջիններիս աջակցությունը նախագահական ընտրությունների ժամանակ: Սակայն ԱԿ ղեկավար Ս. Դեմիրելը, ունենալով ամուր հենասյուն ի դեմս Սանջարի, հրաժարվեց պաշտպանել Ֆ. Գյուրլերի թեկնածությունը: Մեմիհ Սանջարն իր պաշտոնավարման ժամանակահատվածում (1973-1978 թթ.) լոյսալ դիրքորոշում ուներ քաղաքացիական իշխանությունների նկատմամբ ընդհանրապես և Դեմիրելի ղեկավարած Ազգայնական ճակատ կոալիցիոն կառավարության (1975-1978 թթ.) նկատմամբ՝ մասնավորապես: Հետևաբար, Մեմիհ Սանջարը փորձում էր բանակը հեռու պահել քաղաքական գործընթացներին ուղղակի միջամտելուց: Պատահական չէ, որ 1980 թ. ռազմական հեղաշրջման նախապատրաստման գործընթացները սկսվեցին միայն Մեմիհ Սանջարի պաշտոնաթողությունից հետո՝ 1978 թ.:

1977 թ. հունիսի սկզբին պանթուրքիստական ուժերի հետ միասին ռազմական հեղաշրջում նախապատրաստելու մեղադրանքով բանակից հեռացվեցին ցամաքային զորքերի հրամանատար, բանակի գեներալ Նամըք Քեմալ Էրսունը⁸² և մոտ 200 այլ ուղղվածության սպա: Ցամաքային զորքերի հրամանատարի պաշտոնի համար երեք գլխավոր թեկնածու կար՝ առաջին բանակի հրամանատար, բանակի գեներալ Ադնան Էրայոզը, երկրորդ բանակի հրամանատար, բանակի գեներալ Շյուքրյու Օլ-

82 Alatlı E., Müdahale 12 Mart 1971-12 Eylül 1980, İstanbul, 2004, s. 184-185.

ջայը և երրորդ քանակի հրամանատար, քանակի գեներալ Ալի Ֆեթհի Էսեները⁸³: Ցամաքային զորքերի հրամանատարի թափուր պաշտոնը հատկապես կարևորվում էր այն պատճառով, որ 1976 թ. մարտին լրացել էր ԳՇ պետ Մեմիհ Սանջարի պաշտոնավարման ժամկետը (ԳՇ պետը նշանակվում էր 3 տարի ժամկետով), և այն ամեն տարի մարտի 6-ին երկարացվում էր կառավարության կողմից (կառավարությունն իրավունք ուներ երեք անգամ, մեկ տարի ժամկետով երկարացնելու ԳՇ պետի պաշտոնավարման ժամկետը)⁸⁴, և նոր ցամաքային զորքերի հրամանատարը դիտվում էր որպես հաջորդ Գլխավոր շտաբի պետի հիմնական թեկնածու: Հաշվի առնելով նաև այն հանգամանքը, որ 1980 թ. ապրիլին ավարտվում էր նախագահ Ֆահրի Բորությունքի պաշտոնավարման ժամկետը, նոր ԳՇ պետը հաջորդ նախագահի ամենահավանական փոխարինողն էր լինելու: Այդ պայքարում վարչապետ Սուլեյման Դեմիրելի նախընտրած թեկնածուն Ալի Ֆեթհի Էսեներն էր⁸⁵, և ԳՇ պետ Մեմիհ Սանջարն առաջարկեց Էսեների թեկնածությունը, սակայն այդ քայլը թե՛ քանակի ներսում և թե՛ նախագահական նստավայրում որոշակի դժգոհություն առաջացրեց: Դժգոհությունների հիմնական պատճառն այն էր, որ Էսեների նշանակումը խախտում էր աստիճանակարգության կարգապահությունը, քանի որ երեք թեկնածուներից ըստ աստիճանակարգի ավելի բարձր էր Ադնան Էրսոյզի պաշտոնը, երկրորդը Շյուքրյու Օլջայն էր և հետո նոր Էսեներն էր: Նման պայմաններում նախագահ Բորությունքը հրաժարվեց Էսեներին նշանակել այդ պաշտոնում՝ բերելով հետևյալ պատճառաբանությունը. «քանակում աստիճանակար-

83 Kenan Evren'in Anıları, Cilt 1, İstanbul, 1990, s. 178.

84 Birand M. A., 12 Eylül Saat: 04:00, İstanbul, 1984, s. 60.

85 Ալի Ֆեթհի Էսեները 1983 թ. ստեղծված «Մեծ Թուրքիա» կուսակցության նախագահն էր, որի գործունեությունը զինվորականներն արգելեցին՝ պատճառաբանելով, որ այն ղեկավարվում է Ս. Դեմիրելի կողմից:

գության կարգ կա, և ես չեմ խախտի այն»⁸⁶: Կառավարության ղեկավար Ս. Դեմիրելն իր հերթին կտրականապես դեմ էր Ադնան Էրսոյզի թեկնածությանը, քանի որ վերջինս հայտնի էր ՀԺԿ-ի նկատմամբ իր համակրանքով⁸⁷: Հարկ է նշել, որ այս փուլում ոչ մի կերպ չէր քննարկվում Էգեյան բանակի հրամանատար Քենան Էվրենի թեկնածությունը, սակայն իրադրությունը կտրուկ փոխվեց օգոստոսի 30-ին: Այդ օրը լրացավ երեք գլխավոր թեկնածուների (Էրսոյզ, Օլջայ, Հսեներ) պաշտոնավարման ժամկետը, և երեքն էլ գորացրվեցին: Ցամաքային զորքերի հրամանատարի պաշտոնի համար, ըստ աստիճանակարգի, ամենահարմար թեկնածուն դարձավ Էգեյան բանակի հրամանատար, բանակի գեներալ Քենան Էվրենը⁸⁸, որն էլ օգոստոսի 31-ին նշանակվեց այդ պաշտոնում⁸⁹:

1978 թ. վարչապետ Բ. Էջևիթը հրաժարվեց ևս մեկ տարով երկարացնել ԳՇ պետ Ս. Սանջարի պաշտոնավարման ժամկետը, և Թուրքիայի ԳՇ պետ նշանակեց ցամաքային զորքերի հրամանատար, բանակի գեներալ Քենան Էվրենին⁹⁰, որն իր հերթին նոր նշանակումներ կատարեց բանակում ամրապնդելով իր դիրքերը: Ցամաքային զորքերի հրամանատար նշանակվեց Նուրեթթին Էրսինը, ռազմաօդային զորքերի հրամանատար՝ Թահսին Շահինքայան, ժանդարմերիայի հրամանատար՝ Սեդաթ Ջելասունը: ԳՇ պետի տեղակալ (այդ պաշտոնի կարևորությունն ընդգծելու նպատակով Թուրքիայում այն անվանում են

86 Kenan Evren, նշվ. աշխ., էջ 178.

87 Birand M. A., նշվ. աշխ., էջ 47.

88 Քենան Էվրենը ծնվել է 1918 թ. Ալշեհիթ գավառում, 1949 թ. ավարտել է Ստամբուլի ռազմական ակադեմիան և ծառայության է անցել թուրքական բանակում: Մինչև ցամաքային զորքերի հրամանատարի պաշտոնում նշանակվելը թուրքական բանակում բարձր պաշտոններ է զբաղեցրել՝ ցամաքային զորքերի շտաբի պետ, ԳՇ 2-րդ պետ, Էգեյան բանակի հրամանատար: Զ. Էվրենի կենսագրական մանրամասնությունները տե՛ս թուրքական ԶՈՒ պաշտոնական կայքէջում, http://www.tsk.mil.tr/genel_konular/gnkcurbask/kenanevren.htm

89 Kenan Evren, նշվ. աշխ., էջ 178-180.

90 Alatin E., նշվ. աշխ., էջ 261.

ԳՇ 2-րդ պետ) նշանակվեց Հայդար Սալթըքը⁹¹: Առաջին բանակի (Ստամբուլի) հրամանատար նշանակվեց բանակի գեներալ Նեջդեթ Ուրյուղը: Այդպիսով 1978 թ. ձևավորվեց այն հիմնական ուժը, որը կազմակերպելու էր 1980 թ. ռազմական հեղաշրջումը: Արդեն 1978 թվականից բանակի վերնախաձև սկսեց քննարկել քաղաքական կյանքին միջամտելու անհրաժեշտությունը:

1970-ական թթ. Թուրքիայում ընդգծվեցին սոցիալ-տնտեսական և քաղաքական լուրջ դժվարություններ, որոնք շուտով վերաճեցին խորությամբ նախադեպը չունեցող տնտեսական և քաղաքական ճգնաժամի⁹²: 1970-ական թթ. վերջերին երկիրը բաժանվել էր երկու բևեռի՝ աջերի և ձախերի: Ահաբեկչությունն աննախադեպ ծավալներ էր ընդունել, որի հետևանքով օրական մոտ 20 մարդ էր սպանվում: Հաճախակի էին դարձել նաև բախումները կրոնական սուննի և ալևի համայնքների միջև: Թուրքիայում առկա էին հասունացող քաղաքացիական պատերազմին բնորոշ մի շարք նախանշաններ, սակայն իրար անընդհատ փոխարինող Էջևիթի և Դեմիրելի կառավարություններն էական փոփոխություն չէին մտցնում երկրի ներքաղաքական կյանքում: Թուրքիայում օրըստօրե խորանում էին ճգնաժամային երևույթները՝ ահաբեկչությունը, սոցիալ-տնտեսական դժվարությունները, բևեռացումը հասարակության միջև, իսկ երկրի քաղաքական ուժերն զբաղված էին ներքաղաքական պայքարով և վճռական քայլեր չէին ձեռնարկում երկրում շրջադարձային փոփոխություններ իրականացնելու համար: Այդ իրավիճակում զինվորական վերնախաձև սկսեց նոր ռազմական միջամտություն նախապատրաստելու կոնկրետ քայլեր անել⁹³:

1979 թ. դեկտեմբերի 27-ին Գլխավոր շտաբի պետ Քենան

91 Birand M. A., նշվ. աշխ., էջ 61-61.

92 Моисеев П., Турция: программа экономической стабилизации: 1980 г. - Турция-история и современность, сборник статей, Москва, 1988, стр. 211.

93 Demirel T., The Turkish Military's Decision to Intervene: 12 September 1980. - Armed Forces & Society, Vol. 29, No. 2, 2003, pp. 253-280.

Էվրենը նախագահ Ֆահրի Բորոթյուրքին հանձնեց նախագ-
գուշացնող նամակ, որով զինվորականությունն իր մտահոգութ-
յունն էր հայտնում երկրում տիրող իրավիճակի վերաբերյալ և
կոչ անում իշխանություններին կատարել իրենց պարտակա-
նությունները⁹⁴: Հաջորդ մի քանի օրերի ընթացքում Բ. Էվրե-
նը, նախագահ Բորոթյուրքի միջնորդությամբ, հանդիպեց քա-
ղաքական կուսակցությունների ղեկավարների հետ և հայտնեց
զինվորականության մտահոգությունը երկրում տիրող քաղա-
քական և տնտեսական անկայունության վերաբերյալ՝ հորդորե-
լով կտրուկ և կոնկրետ քայլեր ձեռնարկել երկիրը ճգնաժամից
դուրս բերելու ուղղությամբ⁹⁵:

1980 թ. բարձրաստիճան զինվորականությունը ևս մի քա-
նի հանդիպումներ ունեցավ քաղաքական կուսակցություննե-
րի ղեկավարների հետ: Ջինվորականները փորձում էին քա-
ղաքական համաձայնության դաշտ բերել երկու խոշորագույն
կուսակցությունների ղեկավարներին՝ Դեմիրելին և Էջևիթին
ու նրանց կուսակցությունների դաշինքով կռալիցիոն կառավա-
րություն կազմել՝ երկիրը ճգնաժամային իրավիճակից դուրս բե-
րելու նպատակով: Սակայն այդ երկու կուսակցությունների միջև
եղած հակասությունները և անհանդուրժողականության մթնո-
լորտն ի չիք դարձրին զինվորականների՝ ՀԺԿ և ԱԿ «մեծ կռա-
լիցիա» ստեղծելու և այդպիսով քաղաքական ճգնաժամից դուրս
գալու փորձերը⁹⁶:

1980 թ. սեպտեմբերի 12-ին ԶՈւ հրամանատարությունը՝ ԳՇ
պետ Քենան Էվրենի ղեկավարությամբ, ռազմական հեղաշրջում
իրականացրեց: Բանակ-հասարակություն փոխհարաբերութ-

94 Türk Silahlı Kuvvetleri'nin Görüşü – 27 Aralık 1979 (Uyan Mektubu) - Alati E., Müdahale 12 Mart 1971-12 Eylül 1980, İstanbul, 2004, s. 456-457.

95 Kenan Evren, նշվ. աշխ., էջ 332-345.

96 Դումանյան Ա., Թուրքիայի 1980 թ. ռազմական հեղաշրջման պատճառների շուրջ, Մերձավոր Արևելք, հ. III, Երևան, 2006, էջ 52:

յունների՝ Է. Նորդլինգերի տեսության համաձայն, 1980 թ. ուազմական հեղաշրջումը կարելի է բնութագրել որպես խնամակալ հեղաշրջում. գինվորականներն իրենց ձեռքը վերցրին իշխանությունը՝ հեղաշրջման պատճառները վերացնելու և իշխանությունը կրկին քաղաքական կուսակցություններին փոխանցելու նպատակով:

Այսպիսով, 1960-1970-ական թթ. Թուրքիայում բանակ-հասարակություն փոխհարաբերությունները, ըստ վերը նշված տեսության, կարելի է բնութագրել որպես ներթափանցող մոդել. բանակը Թուրքիայի քաղաքական կյանքում առանցքային նշանակություն ուներ, քաղաքականացված էր, ակտիվորեն մասնակցում էր երկրի քաղաքական անցուղարձին և հանդես էր գալիս որպես երկրի պաշտոնական գաղափարախոսության՝ քեմալիզմի հիմնական պաշտպան:

ԳԼՈՒԽ ԵՐԿՐՈՐԴ

ՄԻՋԿՈՒՍԱԿՑԱԿԱՆ ՊԱՅՔԱՐԸ ԵՎ ՔԱՂԱՔԱԿԱՆ ՀԱՄԱԿԱՐԳԻ ՃԳՆԱԺԱՄԸ ԹՈՒՐԻԱՅՈՒՄ 1970-ԱԿԱՆ ԹԹ. ՎԵՐՁԵՐԻՆ

1960 թ. մայիսի 27-ի ռազմական հեղաշրջումից հետո երկրի ղեկավարումն իր ձեռքը վերցրած Ազգային միասնության կոմիտեն ձեռնամուխ եղավ նոր սահմանադրության մշակման աշխատանքներին: Նոր սահմանադրության հեղինակների գլխավոր խնդիրն էր օրենսդրական պայմաններ ստեղծել՝ Դեմոկրատական կուսակցության իշխանության օրոք (1950-1960 թթ.) տեղի ունեցած չարաշահումները և բռնադիրական երևույթներն օրենքներով քացառելու համար: Արդյունքում ծնունդ առավ մի փաստաթուղթ, որն էապես տարբերվում էր 1924 թ. սահմանադրությունից, և գլխավոր սկզբունքային տարբերությունն արտահայտվում էր ժողովրդավարական ազատությունների ընդլայնմամբ: Մասնագիտական գրականության մեջ գերիշխող է այն տեսակետը, որ 1961 թ. սահմանադրությունը հանրապետական Թուրքիայի պատմության ընթացքում գործած ամենաժողովրդավարական և ազատական սահմանադրությունն է եղել: Թուրքիայի համար աննախադեպ ազատություններ հռչակող սահմանադրությունը նոր իրավիճակ ստեղծեց երկրի ներքաղաքական կյանքում⁹⁷. ի հայտ եկան տարբեր գա-

97 Նոր սահմանադրությունն իրավունք էր տալիս հիմնով քաղաքական կուսակցություններ՝ առանց իշխանությունների նախնական թույլտվության (հոդված 57): Աշխատավորներն իրավունք էին ստանում առանց իշխանությունների նախնական թույլտվության արհմիություններ ձևավորել (հոդված 46): Այս մասին առավել մանրամասն տե՛ս 1961 Anayasası, Osmanlı ve Türk Anayasaları, İstanbul, 1980.

ղափարախոսություններ կրող կուսակցություններ և տարատեսակ կազմակերպություններ, այդ թվում՝ ազգայնամոլական, իսլամական, սոցիալիստական: 1960-ական թթ. վերջերից երկրում սկսեցին գործել ծայրահեղական երիտասարդական կազմակերպություններ՝ թե՛ աջ և թե՛ ձախ ուղղվածության, որոնք ահաբեկչական գործունեություն ծավալեցին: Մեծ թափ ստացավ արհմիութենական շարժումը, որի կազմակերպիչներն էին Թյուրք-ԻՇ (Türk İş) և ԴԻՄԿ (Devrimci İşçi Sendikalar Konfederasyonu - Հեղափոխական աշխատավորական արհմիությունների համադաշնություն) արհմիությունների համադաշնությունները:

Եթե 1960 թ. ռազմական հեղաշրջումից հետո երկրում առաջ եկան ժողովրդավարական ազատություններ կամ դրանց հնարավորություն, ապա արդեն 1971 թ. զինվորականների «միջամտությունը» միտված էր սահմանափակել այդ ազատությունները, որոնք, ըստ բարձրաստիճան զինվորականության, նպաստում էին որոշ ուժերի «քայքայիչ գործունեությանը»: 1971-73 թթ. ընկած ժամանակահատվածում ընդհանուր առմամբ փոփոխության ենթարկվեց սահմանադրության մոտ 30%-ը (այդ պատճառով որոշ հետազոտողներ անգամ օգտագործում են «1971 թ. սահմանադրություն» եզրը)⁹⁸: Սահմանադրական փոփոխությունները նպատակաուղղված էին սահմանափակելու ժողովրդավարական իրավունքներն ու ազատությունները, ավելացնելու բանակի ազդեցության լծակները քաղաքական կյանքի վրա, ինչպես նաև վերահսկելի դարձնելու քաղաքական կուսակցությունների գործունեությունը: Մակայն, այնուամենայնիվ, Թուրքիայի սահմանադրության մեջ պահպանվեցին որոշ ժողովրդավարական ազատություններ, որոնց շրջանակներում էլ զարգացան քաղաքական գործընթացները 1970-ական թթ.:

98 Данилов В., Политическая борьба в Турции: 50-е - начало 80-х годов XX в. (политические партии и армия), Москва, 1985, стр. 180.

1973 թ. հոկտեմբերին Թուրքիայում տեղի ունեցան խորհրդա-
րանական ընտրություններ, որոնց արդյունքներն ի դերն հանե-
ցին հիմնական քաղաքական կուսակցությունների ակնկալիք-
ները: Այսպես, 450 պատգամավորական տեղերը բաշխվեցին
հետևյալ կերպ՝ Հանրապետական-ժողովրդական կուսակ-
ցությունը⁹⁹ (ՀԺԿ) ստացավ 185, Արդարություն կուսակցությու-
նը¹⁰⁰ (ԱԿ)՝ 149, Ազգային փրկություն կուսակցությունը¹⁰¹ (ԱՓԿ)՝
48, Դեմոկրատական կուսակցությունը¹⁰² (ԴԿ)՝ 45, Հանրապե-
տական վստահություն կուսակցությունը¹⁰³ (ՀՎԿ)՝ 13, Ազգայնա-
կան շարժում կուսակցությունը¹⁰⁴ (ԱՇԿ)՝ 3 տեղ¹⁰⁵: Ընտրություն-
ների արդյունքում կուսակցություններից և ոչ մեկին չհաջողվեց
ստանալ բավարար ձայներ՝ ինքնուրույն կառավարություն ձևա-
վորելու համար, և Թուրքիայում սկսվեց կոալիցիաների ժամա-

99 Հանրապետական-ժողովրդական կուսակցությունում (Cumhuriyet Halk Partisi) 1970-
ական թթ. սկզբներին լուրջ փոփոխություններ էին տեղի ունեցել: ՀԺԿ-ի ավելի քան նրբաուն
տարվա առաջնորդ Իսմեթ Ինյոյունյուն փոխարինվելու նկատմամբ նրա օգնական Բյուլենթ Էջեմբեկ
«վերստրոնից ծախ» ուղղությամբ:

100 Արդարություն կուսակցությունը (Adalet Partisi) աջ ուղղվածության կուսակցություն
էր և արգելված Դեմոկրատական կուսակցության քաղաքական իրավահաջորդն էր
հանդիսանում: Չնայած 1971 թ. զինվորական միջամտությունից հետո ԱԿ կառավարությունը
հնազանդվեց իշխանությունից, այնուամենայնիվ, ԱԿ-ն պահպանում էր իր մեծ ազդեցությունը
երկրի քաղաքական կյանքում: ԱԿ-ը ղեկավարում էր Սուլեյման Դեմիրնլը:

101 Ազգային փրկություն կուսակցությունը (Milli Selamet Partisi) մարտի 12-ի
միջամտությունից հետո արգելված իսլամամետ Ազգային կարգի կուսակցության հիմքի
վրա ստեղծված իսլամամետ կուսակցություն էր: ԱՓԿ-ի առաջնորդն էր Նեջմեթին
Էրքարանը:

102 Դեմոկրատական կուսակցությունը (Demokratik Parti) կազմավորվեց ԱԿ-ից բաժանված
խմբի հիմքի վրա և իրավանքում էր 1960 թ. արգելված Դեմոկրատական կուսակցության
(Demokrat Parti) քաղաքական ժառանգորդը դառնալուն: ԴԿ-ի նախագահն էր Ֆարուհ
Բոզքյիլին:

103 Հանրապետական վստահություն կուսակցությունը (Cumhuriyetçi Güven Partisi)
հիմնադրվել է 1973 թ. ՀԺԿ-ի այն անդամների կողմից, որոնք ղեկ էին հանում ՀԺԿ-ի նոր՝
«վերստրոնից ծախ» ուղղությամբ: ՀՎԿ-ն առաջնորդում էր Թուրհան Ֆեյզիօղլուն:

104 Ազգայնական շարժում կուսակցությունը (Milliyetçi Hareket Partisi) ազգայնամտական,
պանթուրքիստական գաղափարա-քաղաքական ուղղվածություն ունեցող կուսակցություն
էր: ԱՇԿ-ի առաջնորդն Ալփարայան Թյուրքևչն էր:

105 20. Yüzyıl Ansiklopedisi, Cilt 4, İstanbul, 1990, s. 1007.

նակաշրջանը, որը դարձավ այդ տարիների քաղաքական գործընթացների կարևոր առանձնահատկություններից մեկը:

Խորհրդարանական ընտրություններից հետո երկարատև բանակցությունների արդյունքում 1974 թ. ՀժԿ-ին հաջողվեց համաձայնության հասնել ԱՓԿ-ի հետ՝ համատեղ կոալիցիոն կառավարություն կազմելու հարցում: Բ. Էջևիթը նշում էր, որ ԱՓԿ-ն այն միակ քաղաքական ուժն էր, որի հետ համագործակցությունն ամենից քիչ անհարմարն էր ՀժԿ-ի համար¹⁰⁶: Պետք է նշել, որ ՀժԿ-ԱՓԿ կոալիցիոն կառավարությունն ի սկզբանե դատապարտված էր անհաջողության, քանի որ, նախ՝ իսլամամետ և ձախ կենտրոնամետ կուսակցությունների դաշինքն առաջացրեց Թուրքիայի զինվորական շրջանակների¹⁰⁷ և արևմտյան դաշնակիցների դժգոհությունը: Բացի այդ, կարևորն այն էր, որ հենց իրենց՝ կոալիցիայի անդամ կուսակցությունների միջև գոյություն ունեին բազմաթիվ հակասություններ, որոնք ընդգծվեցին, երբ վարչապետ Էջևիթը, ի հաստատումն իր նախընտրական քարոզարշավի խոստումների, փորձում էր մեղմացնել քրեական օրենսգրքի 141-րդ և 142-րդ հոդվածներն ու համաներում շնորհել 1971-73 թթ. այդ հոդվածներով դատապարտված մոտ չորս հազար քաղրանտարկյալների¹⁰⁸: Չնայած Բ. Էջևիթին հաջողվեց իրականացնել քաղրանտարկյալների համաներումը, բայց նրա կոալիցիոն դաշնակից ԱՓԿ-ն դեմ արտահայտվեց ՀժԿ այդ նախաձեռնությանը¹⁰⁹:

1974 թ. ամռանը Թուրքիայի ռազմական ազդեցիկան Կիպրոսում, որի հետևանքով կղզու հյուսիսային հատվածն օկու-

106 Birand M. A., Bilal H., Akar R., 12 Eylül: Türkiye'nin Miladi, İstanbul, 1999, s. 32-33.

107 Birand M. A., 12 Eylül Saat: 04:00, s. 43.

108 Քրեական օրենսգրքի 141-րդ և 142-րդ հոդվածները, որոնք արգելում էին նրկրում հասարակական և սոցիալական կարգերի փոփոխությունն ու այդ փոփոխությանն ուղղված քարոզչությունը, հիմնականում օգտագործվում էին ձախակողմյան շարժումների դեմ: Դրանք շնորհիվ հայտարարվեցին միայն 1991 թ.:

109 Даниялов В., с.24. աշխ., էջ 219:

պացվեց Թուրքիայի կողմից, ՀԺԿ-ի և ԱՓԿ-ի միջև նոր հակասություններ առաջացրեց. Ն. Էրբաքանը քննադատում էր Բ. Էջևիթին՝ ընդգծելով ամբողջ կղզին գրավելու անհրաժեշտությունը¹¹⁰, իսկ վերջինս դեմ էր նման գործողություններին՝ նշելով, որ միջազգային հանրության առջև հնարավոր չի լինի հիմնավորել դա¹¹¹: 1974 թ. սեպտեմբերին Բ. Էջևիթը, օգտվելով այն հանգամանքից, որ Կիպրոսի հյուսիսային հատվածի օկուպացիան նպաստել էր ՀԺԿ-ի վարկանիշի կտրուկ աճին, փորձեց ձերբագատվել անցանկալի գործընկերոջից և հրաժարական տվեց՝ վաղաժամկետ ընտրություններ անցկացնելու ակնկալիքով, որտեղ ՀԺԿ բացարձակ հաղթանակն անխուսափելի էր թվում: Կենտրոնից ձախ ուղղվածության կուսակցության նմանօրինակ ծրագրերն անհանգստացրին ոչ միայն աջ ուղղվածության կուսակցություններին, այլև լուրջ մտահոգություններ առաջացրին Թուրքիայի արևմտյան դաշնակիցների ու թուրքական բանակի վերնախսավի շրջանում: Վերջիններին «խրախուսմամբ» Ս. Դեմիրելին հաջողվեց իր շուրջը համախմբել խորհրդարանական որոշ ուժերի և ստանալ ձայների անհրաժեշտ քանակ՝ ԹԱՄԺ-ում մեծամասնություն ձևավորելու համար: Աջերի համախմբման գործում նշանակալի դերակատարություն ունեցավ նաև երկրի նախագահ Ֆահրի Բորությունը: Նա կառավարություն կազմելու իրավունքը նախ տվեց Սադի Ըրմաքին, չնայած նախօրոք վստահ էր, որ վերջինիս կառավարությունը վստահության քվե չի ստանա խորհրդարանում: Այդ քայլը հնարավորություն տվեց ժամանակ շահել և այն օգտագործել աջակողմյան կուսակցությունների միջև ընդհանուր համաձայնության գալու համար: Այդ կապակցությամբ 1974-1983 թթ. Թուրքիայում ԽՄՀՄ դեռապան Ա. Ռոդիոնովը գրում է, որ 1975 թ. մայիսին ԱՄՆ պետքարտուղար

110 Erbakan N., Milli Görüş, İstanbul, 1975, s. 358-375.

111 Karafakıoğlu Ö. K., 12th September 1980 Military Intervention within Framework of Civilian-Military Relations, İstanbul, 2004, p. 17.

Հ. Քիսինջերը Թուրքիա կատարած այցի ժամանակ երախտագիտություն է հայտնել Թուրքիայի նախագահին՝ աջակողմյան կոալիցիոն կառավարության ձևավորման գործում ունեցած դերակատարության համար¹¹²:

ԱԿ-ԱՓԿ-ԱՇԿ-ՀՎԿ աջակողմյան կուսակցությունների և անկախ պատգամավորների միավորմամբ ծավեց Ազգայնական ճակատ (Milliyetçi Cephe, հետայսու՝ ԱՃ) կոալիցիոն կառավարությունը (31. 03. 1975-21. 06. 1977 թթ.)՝ վարչապետ Ս. Դեմիրելի, փոխվարչապետեր Ն. Էրբաքանի, Թ. Ֆեյզիօղլուի և Ա. Թյուրքեշի գլխավորությամբ: ԱՃ կոալիցիոն կառավարությունը, իր մեջ ունենալով ծայրահեղական տարրեր, ճգնաժամների առաջացման խթան հանդիսացավ: Ինչպես իրավացիորեն նշում է Թահա Աքյոլը (ԱՇԿ դեկավարության անդամ), ԱՃ-ն նպատակ չէր հետապնդում թուլացնել լարվածությունը երկրում, վերացնել սոցիալ-տնտեսական դժվարությունները, ԱՃ գլխավոր նպատակը ձախերի քաղաքական վերելքին խոչընդոտելն էր¹¹³: Հակակոմունիստական ալիքի վրա ձևավորված ԱՃ կառավարությունը նոր պայքար սկսեց ձախակողմյան շարժումների դեմ՝ ուժեղացնելով ճնշումները նրանց նկատմամբ¹¹⁴: ԱՃ վարած քաղաքականության հետևանքով խորանում էր երկրի բևեռացումն աջերի և ձախերի միջև, ինչն ի վերջո հանգեցրեց երկրում լայնածավալ ահաբեկչական ալիքի պոռթկմանը: 1970-ական թթ. վերջերին ահաբեկչությունը Թուրքիայում աննախադեպ ծավալների էր հասել, որի գլխավոր դերակատարներն էին աջ և ձախ ծայրահեղականները: Քաղաքագետ Հիքմեթ Օզդեմիրը նշում է, որ ԱՃ քաղաքականությունը հանգեցրեց նրան, որ արդեն «1976-ից երկիրը գտնվում էր քաղաքացիական պատերազմի իրավիճակում»¹¹⁵:

112 Родинонов А., Турция - перекресток судеб. Воспоминания посла, Москва, 2006, стр. 34.

113 Karafakioğlu Ö. K., նշվ. աշխ., էջ 18:

114 Birand M. A., Bilil H., Akar R., նշվ. աշխ., էջ 49:

115 Özdemir H., Siyasal Tarihi (1960-1980). - Türkiye Tarihi, 4. Cilt, Çağdaş Türkiye 1908-1980, İstanbul, 2005, s. 275.

1977 թ. հունիսին Թուրքիայում արտահերթ խորհրդարանական ընտրություններ տեղի ունեցան, որոնց արդյունքում ՀԺԿ-ն, հավաքելով ձայների 41,4%-ը, ավելացրեց իր պատգամավորների քանակը՝ հասցնելով այն 213-ի: Խորհրդարանական ընտրություններում ՀԺԿ հաջողությանը զգալիորեն նպաստեց այն հանգամանքը, որ ձախակողմյան կազմակերպությունների մեծ մասը համախմբվեց և աջակցեց ՀԺԿ-ին՝ ընդդեմ իր մեջ ֆաշիստական տարրեր պարունակող ԱՃ կոալիցիայի անդամ կուսակցությունների: Հատկապես նշանակալի էր ԴԻՍԿ-ի օժանդակությունը, որը ձախակողմյան արհմիությունների խոշորագույն համադաշնություն էր և նպաստում էր աշխատավորական շարժման քաղաքականացմանը¹¹⁶: ԴԻՍԿ-ն, իր կազմում ունենալով ավելի քան 500 հազար անդամ, ուժեղ ընդդիմություն էր ԱՃ կառավարությանը¹¹⁷:

Այն-ը 1977 թ. ընտրություններում ստանալով քվեների 36,9%-ը՝ ավելացրեց իր պատգամավորների թիվը մինչև 189-ի, ինչը հիմնականում կատարվեց ի հաշիվ ԴԿ ձայների: Էրբաքանի կուսակցությունը, թեև կորցրեց պատգամավորական տեղերի ուղիղ կեսը, այնուամենայնիվ, 24 պատգամավորական մանդատով պահպանում էր իր որոշակի կշիռը երկրի հասարակական-քաղաքական կյանքում: 1977 թ. ընտրություններում ամենամեծ հաջողությունն արձանագրել էր ԱՇԿ-ն, որն ավելացրել էր իր պատգամավորների թիվը՝ հասցնելով այն 16-ի (սախկին 3-ի փոխարեն): Ընտրություններն ակնհայտորեն տանուլ տվեց Դեմոկրատական կուսակցությունը՝ ստանալով ընդամենը մեկ պատգամավորական մանդատ (սախկին 45-ի փոխարեն):

Ընտրություններից անմիջապես հետո նախագահ Քորոթյուրքը Բ. Էջևիթին լիազորեց նոր կառավարություն կազմել:

116 Турецкая Республика, справочник, Москва, 2000, стр. 75.

117 Karafakıoğlu Ö. K., նշվ. աշխ., էջ. 21:

Էջևիթի փոքրամասնության կառավարությունը, սակայն, գործեց ընդամենը մեկ ամիս, և ԹԱՄԺ-ում վստահության քվե չստանալով՝ հրաժարական տվեց, որից հետո Դեմիրելի ղեկավարությամբ ստեղծվեց Ազգայնական ճակատի երկրորդ կոալիցիոն կառավարությունը (21. 07. 1977-05. 01. 1978 թթ.)՝ ԱԿ-ԱՓԿ-ԱՇԿ մասնակցությամբ: ԱՃ երկրորդ կառավարությունը, գոյատևելով ընդամենը 5 ամիս և ընդհանուր առմամբ շարունակեց առաջինի գործունեությունը:

1977 թ. վերջերին Բ. Էջևիթը գաղտնի պայմանավորվածություն ձեռք բերեց ԱԿ 13 պատգամավորների հետ, որոնք, համաձայն Էջևիթի ծրագրի, պետք է դուրս գային ԱԿ-ից և միանալով ՀՏԿ-ին՝ անվստահություն հայտնեին կառավարությանը: Նրանց այդ քայլի համար բոլոր 13 պատգամավորներին Էջևիթը խոստացել էր նախարարի պաշտոն նոր կառավարությունում¹¹⁸: Ազգային ժողովի 450 պատգամավորական տեղերից 213-ը գրադեցնում էր ՀՏԿ-ն, և ընդամենը 13 ձայնը Էջևիթին հնարավորություն կտար ձեռք բերել մեծամասնություն: Ի վերջո, Էջևիթի ծրագիրը հաջողությամբ պսակվեց, և 1977 թ. դեկտեմբերին հանրապետական Թուրքիայի պատմության մեջ առաջին անգամ ԹԱՄԺ-ը անվստահություն հայտնեց կառավարությանը, և Ազգայնական ճակատ կոալիցիոն կառավարությունը դադարեցրեց գործունեությունը: 1978 թ. հունվարին Բ. Էջևիթը նախկին ԱԿ-ականների հետ միասին ձևավորեց իր երրորդ կառավարությունը (05. 01. 1978-16. 10. 1979 թթ.), որն իր գործունեության հենց սկզբից լուրջ դժվարությունների առաջ կանգնեց:

1970-ական թթ. Թուրքիայի առաջ տնտեսական լուրջ դժվարություններ ծառայան, որոնք շուտով վերաճեցին խորությամբ աննախադեպ տնտեսական ճգնաժամի¹¹⁹: Թուրքիան իր աճող

118 Bigand M. A., Bilal H., Akar R., նշված աշխ., էջ 79-81:

119 Моисеев П., Турция: программа экономической стабилизации: 1980 г. - Турция - история и современность. Москва, 1988, стр. 211.

արտաքին պարտքով, արտադրության կտրուկ անկումով, դրամի արժեզրկմամբ կանգնած էր սնանկության եզրին: Էջևիթի կառավարության գլխավոր խնդիրներից մեկն էր համաձայնության գալ Արժույթի միջազգային հիմնադրամի (ԱՄՀ) հետ և վերջինիս կողմից ֆինանսական անհրաժեշտ օգնությունն ստանալ: ԱՄՀ առաջնային պայմանն ազատ շուկա ստեղծելն էր և, ըստ էության, «խառը տնտեսության» սկզբունքից հրաժարվելը: 1979 թ. հուլիսին Էջևիթի կառավարությանը վերջապես հաջողվեց համաձայնության հասնել ԱՄՀ-ի հետ, որով հետաձգվում էին պարտքերի վճարումները և մեծածավալ վարկ էր տրամադրվում Թուրքիային: Այնուամենայնիվ, Էջևիթի կառավարությունը չկարողացավ օգտվել դրանից¹²⁰, քանզի 1979 թ. հոկտեմբերին խորհրդարանի մասնակի ընտրությունների ժամանակ ՀԺԿ-ն պարտություն կրեց և Բ. Էջևիթի կառավարությունը հրաժարական տվեց¹²¹: 1979 թ. վերջին կազմավորվեց Ս. Դեմիրելի 4-րդ կառավարությունը (12. 11. 1979-12. 09. 1980 թթ.)¹²²:

Ակնհայտ էր, որ Թուրքիայում օրըստօրե խորանում էին ճգնաժամային երևույթները՝ ահաբեկչությունը, սոցիալ-տնտեսական դժվարությունները, քնեռացումը հասարակության մեջ, իսկ երկրի քաղաքական ուժերը զբաղված էին ներքաղաքական պայքարով և վճռական քայլեր չէին ձեռնարկում երկրում էական փոփոխություններ կատարելու համար: 1973-ից մինչև 1980 թ. սեպտեմբերի 12-ի ռազմական հեղաշրջումն ընկած ժամանակահատվածում Թուրքիայում գործել է 8 կառավարություն, որոնցից յուրաքանչյուրի կարճաժամկետ գոյությունը նվազեցնում էր

120 Данилов В., Турция 80-х: от военного режима до "ограниченной демократии", Москва, 1991, стр. 21-22.

121 Данилов В., Аширмухамедов А., Частичные выборы и особенности политической обстановки в Турции. – Восток и Современность, Научно-информационный бюллетень, Москва, 1979, 7 (11), стр. 101-111.

122 Sİriş ԹԱՄԺ-ի պաշտոնական վեբ կայքում, <http://www.tbmm.gov.tr/hukumetler/hukumetler.htm>

նրանց արդյունավետությունը և ներքաղաքական ճգնաժամների պատճառ հանդիսանում:

Արդեն 1979 թ. դեկտեմբերի 27-ին Գլխավոր շտաբի պետ Քենան Էվրենը նախագահ Ֆ. Բորթուրթուքին հանձնեց նախագուշացնող նամակ, որով զինվորականությունն իր մտահոգությունն էր հայտնում երկրում տիրող իրավիճակի վերաբերյալ և կոչ անում իշխանություններին կատարել իրենց պարտականությունները¹²³: Հաջորդ մի քանի օրերի ընթացքում Ք. Էվրենը, նախագահ Բորթուրթուքի միջնորդությամբ, հանդիպումներ ունեցավ քաղաքական կուսակցությունների ղեկավարների հետ, որոնց ժամանակ հայտնեց զինվորականության և երկրի խոշոր ձեռնարկատերերի անհանգստությունը երկրում տիրող քաղաքական ու տնտեսական անկայունության վերաբերյալ՝ հորդորելով կտրուկ և կոնկրետ քայլեր ձեռնարկել երկիրը ճգնաժամից դուրս բերելու ուղղությամբ¹²⁴:

1980 թ. հունվարի 24-ին Ս. Դեմիրելի կառավարությունն ընդունեց «տնտեսության կայունացման» ծրագիրը, որը նախատեսում էր լայնածավալ տնտեսական բարեփոխումների իրականացում: Բարեփոխումների գլխավոր նպատակն էր ստեղծել «ազատ շուկա»՝ նվազեցնելով պետության դերը տնտեսության մեջ, բազմաթիվ արտոնություններ վերապահել մասնավոր սեկտորին, նպաստավոր պայմաններ ապահովել օտարերկրյա ներդրողների համար, վերջ դնել լիբայի արժեզրկմանը, լճացմանը և այլն¹²⁵: «Հունվարի 24-ի» ծրագրի հիմնական սկզբունք-

123 Türk Silahlı Kuvvetleri'nin Görüşü – 27 Aralık 1979 (Uyarı Mektubu) - Alatlı E, Müdahale 12 Mart 1971-12 Eylül 1980, İstanbul, 2004, s. 456-457.

124 Kenan Evren'in Anıları, İstanbul, 1990, s. 332-345.

125 Rivlin P., Two Middle Eastern Inflation: Israel and Turkey 1980-2001. - British Journal for Middle Eastern Studies (2003), 30 (2), 211-235; Sömnöz M., Türkiye Ekonomisinde Bunalım. 24 Ocak Kararları ve Sonrası, İstanbul, 1982, s. 45-49; Altan M., Darbelerin Ekonomisi, İstanbul, 1990, s. 126-139; Çölaşan E., 24 Ocak Bir Dömenin Perde Arkası, İstanbul, 1983, s. 57-73; Kepenek Y., Türkiye Ekonomisi, Ankara, 1990, s. 187-207; Монасеев П., Турция - программа

ները ձևակերպվել էին վարչապետի տնտեսական գծով խորհրդական Թուրգութ Օզալի կողմից¹²⁶ ԹՅՈՒՄՄԱԴ-ի (TÜSİAD՝ Թուրք ձեռնարկատերերի և գործարարների միություն) և արևմտյան ֆինանսական կազմակերպությունների, մասնավորապես՝ Արժույթի միջազգային հիմնադրամի որոշիչ աջակցությամբ: Հարկ է նշել, որ արևմտյան երկրները մեծապես կարևորում էին այդ բարեփոխումների իրականացումը: Սակայն Թուրքիայում քացակայում էր անհրաժեշտ ներքաղաքական կայունությունը նմանատիպ բարեփոխումներ իրականացնելու համար:

Այսպիսով, 1980 թ. Թուրքիայում ստեղծվել էր հետևյալ պատկերը.

Երկիրը բաժանվել էր երկու բևեռի՝ աջերի և ձախերի: Ահաբեկչությունն աննախադեպ ծավալներ էր ընդունել, և 1980 թ. առաջին ութ ամիսների ընթացքում, մինչև զինվորական հեղաշրջումը, Թուրքիայում ահաբեկչության զոհ էր դարձել մոտ 2000 մարդ: Հաճախակի էին դարձել նաև բախումները դավանանքային՝ սուննի և ալևի համայնքների միջև: Թուրքիայում առկա էին հասունացող քաղաքացիական պատերազմին բնորոշ բոլոր նախադրյալները, այդ իսկ պատճառով որոշ հետազոտողներ նշում են, որ երկիրը գտնվում էր չհայտարարված քաղաքացիական պատերազմի վիճակում:

Թուրքական լիրայի ահագնացող արժեզրկմանը զուգընթաց՝ երկրում բարձրանում էին առաջին անհրաժեշտության ապրանքների գները: Գյուղաբնակների զանգվածային արտահոսքը դեպի մեծ քաղաքներ նորանոր դժվարությունների պատճառ էր դառնում, որի հետևանքով քաղաքների բնակչության մի

экономической стабилизации: 1980 г., Турция – история и современность, сборник статей, Москва, 1988, стр. 211-221.

126 թ. Օզալը վարչապետի խորհրդական էր նշանակվել զեննրալների դեպարտմենտի 27-ի «նախազգուշացնող նամակից» հետո: Տևս Запорожец В., Колесников А., Турция: Общество и армия, том I, Ленинград, 1983, стр. 254.

ստվար զանգված բնակվում էր այսպես կոչված «գեջեքոնդուներում»¹²⁷:

Թուրքիան գտնվում էր էներգետիկ ճգնաժամում, որը պայմանավորված էր, մի կողմից, միջազգային շուկայում էներգակիրների գների թանկացմամբ, մյուս կողմից էլ՝ երկրի արտաքին պարտքերի պատճառով Իրաքը դադարեցրել էր նավթի, իսկ Բուլղարիան՝ էլեկտրաէներգիայի մատակարարումը: Էներգետիկ ճգնաժամն իր հերթին էր խոչընդոտում արդյունաբերության զարգացմանը¹²⁸: Բնակչությանը մատակարարվող էլեկտրաէներգիան օրական ընդամենը 11 ժամ էր, դժվարացել էր բենզին և նավթ ձեռք բերելը¹²⁹:

Աստիճանաբար ավելի զանգվածային բնույթ էր ստանում արհմիությունների կողմից կազմակերպվող գործադուլային շարժումը: 1980 թ. հունվարին թուրքական «Ջումհուրիյեթ» թերթը գրում էր, որ գործադուլների պատճառով գործարանների ընդամենը 20%-ն էր աշխատում¹³⁰, ինչը կաթվածահար էր արել ամբողջ տնտեսությունը:

1980 թ. գարնանը Թուրքիայի քաղաքական համակարգը նոր՝ նախագահական ընտրությունների ճգնաժամի առջև էր: 1980 թ. մարտին լրացավ նախագահ Քորոթյուրքի պաշտոնավարման ժամկետը, և մարտի 22-ին մեկնարկեցին նախագահական ընտրությունները: Թուրքական սահմանադրության համաձայն՝ երկրի նախագահն ընտրվում էր Ազգային ժողովի կողմից՝ ձայ-

127 Գեջեքոնդու էին անվանվում մեկ գիշերվա ընթացքում կառուցված հյուպանները, որոնք, որպես կանոն, իշխանությունները չէին քանդում՝ հետևելով որոշակի ավանդույթներին և գրված ու չգրված որոշակի օրենքներին:

128 Старченков Г., Энергетика Турции в годы экономического кризиса, Турция. История, экономика, политика. Сборник статей, Москва, 1984, стр. 176-189.

129 Birand M. A., Bilal H., Akar R., նշվ. աշխ., էջ 61:

130 Cumhuriyet, 09, 01, 1980.

ների երկու երրորդի հարաբերակցությամբ¹³¹, իսկ ԹԱՄԺ-ում քաղաքական ուժերի հարաբերակցությունն այնպիսին էր, որ առանց ՀԺԿ և ԱԿ փոխհամաձայնության նախագահ ընտրելու համար անհրաժեշտ ձայների քանակը չէր ապահովվում: Այդ երկու կուսակցությունների միջև գոյություն ունեցող անհանդուրժողականության մթնոլորտում նախագահի ընտրությունն ի սկզբանե դատապարտված էր անհաջողության: Նախագահական ընտրությունների ընթացքում ՀԺԿ հիմնական թեկնածուն Մուսսին Բաթուրն էր, իսկ ԱԿ-ն պաշտպանում էր Ֆ. Թյուրունի թեկնածությունը, սակայն բազմաթիվ անարդյունք փուլերից հետո պատգամավորներն իրենք արդեն դադարեցին մասնակցել ընտրություններին՝ նախապես վստահ լինելով դրանց անարդյունավետության մեջ: Նախագահական ընտրությունները մտան փակուղի, որի հետևանքով ուղղակի կաթվածահար էր լինում երկրի հասարակական-քաղաքական կյանքը: Ավելի քան 100 փուլ շարունակվող նախագահական ընտրություններն այդպես էլ չհասան իրենց հանգուցալուծմանը: Հետագայում արդեն, 1980 թ. հեղաշրջումից հետո, Քենան Էվրենը նշեց, որ «աշխարհի ոչ մի երկրում նախագահի պաշտոնին և ընտրությանն այդքան անլուրջ չեն վերաբերվել, և չի ծախսվել այդչափ դատարկ ժամանակ»¹³²:

Ստեղծված իրավիճակում Թուրքիայի քաղաքական համակարգն ի գործու չէր երկիրն ինքնուրույն դուրս բերել ճգնաժամից, և նույնիսկ քաղաքական գործիչներն էին նշում այդ համակարգի սնանկության ու ճգնաժամից դուրս գալու անկարողության մասին: 1980 թ. օգոստոսին իտալական «Ռեպուբլիկա» թերթին տված հարցազրույցում Բ. Էջևիթը խոստովանում է, որ քաղա-

131 1961 Anayasası, Osmanlı ve Türk Anayasaları. İstanbul, 1980, s. 97.

132 Evren'in Radyo-Televizyon Konuşması, (12 Eylül 1980). - T.C. Devlet Başkanı Orgeneral Kenan Evren'in Söylev ve Demeçleri, Ankara, 1981, s. 10-13.

քական կուսակցություններն անկարող են հաղթահարել ստեղծված ճգնաժամը¹³³: Այստեղ տեղին է հիշատակել Թուրքիայի Հանրապետության երկրորդ նախագահ Իսմեթ Ինյոնյուի խոսքերը. «Թուրքիան ժամանակ առ ժամանակ վերանորոգման ժամանակաշրջան է մտնում. այդ ժամանակ բանակը հեղաշրջում է իրականացնում, մի որոշ ժամանակ մնում և հեռանում է: Հետո մենք՝ քաղաքական գործիչներս, գալիս և գործերը կրկին փչացնում ենք, այդ ժամանակ բանակը կրկին հեղաշրջում է իրականացնում»¹³⁴:

133 La Repubblica, 24, 08, 1980.

134 Birand M. A., 12 Eylül Saat: 04:00, s. 13.

ԿՐՈՆԱԿԱՆ-ՔԱՂԱՔԱԿԱՆ ՇԱՐԺՈՒՄՆԵՐԸ ԵՎ ԱՀԱԲԵԿՉՈՒԹՅԱՆ ԱՃԸ ԹՈՒՐԻՔԻԱՅՈՒՄ 1960-1970-ԱԿԱՆ ԹՎԱԿԱՆՆԵՐԻՆ

Իսլամական շարժումները 1960-1970-ական թթ.

1980 թ. ռազմական հեղաշրջման համար անհրաժեշտ նախադրյալների հասունացումը պայմանավորված էր նաև իսլամական շարժումների ընդլայնմամբ: Թուրքիան թեև իր բնույթով հռչակված է որպես աշխարհիկ պետություն, այնուամենայնիվ, կրոնի ազդեցությունը նրա հասարակական-քաղաքական կյանքում չափազանց մեծ է, և թուրքական պետության զարգացման տարրեր փուլերում կրոնի դերն ու նշանակությունը փոփոխվել են՝ կապված տարրեր հանգամանքների հետ:

1924 թ. մարտի 3-ին ԹԱՄԺ-ը լուծարեց խալիֆայությունը, կրոնն անջատեց պետությունից, արգելեց մեդրեսեները, ցրեց շարիաթի դատարանները: Հանրապետական Թուրքիայի իշխող գաղափարախոսության՝ քեմալիզմի առանցքային հիմնասյուներից դարձավ լայնցիզմի (աշխարհիկության) սկզբունքը, և քեմալականները դաժան հալածանքներ սկսեցին իսլամական շարժումների նկատմամբ՝ իսլամը դիտարկելով որպես ամենավտանգավոր ներքին սպառնալիք հանրապետական կարգերի համար:

Սակայն կրոնի հանդեպ իշխանությունների վարած քաղաքականությունը փոխվեց սկսած 1940-ական թթ. վերջերից¹³⁵: Թուրքիայում բազմակուսակցական քաղաքական համակարգի հաստատվելուց հետո կուսակցությունները սկսեցին կրոնն օգ-

135 Heper M., Islam, Polity and Society in Turkey: A Middle Eastern Perspective. - The Middle East Journal, 1981, Vol. 35, N. 3, p. 345-363.

տագործել գանգվածների վրա ազդելու և կրոնական տրամադրություններ ունեցող ընտրողներին իրենց կողմը ներգրավելու նպատակով: Արդեն 1950 թ. երկրի ղեկը 27 տարի իր ձեռքում պահած ՀԺԿ-ին փոխարինելու եկավ Դեմոկրատական կուսակցությունը, որի ղեկավարման տարիներին կրոնական շարժումները բազմաթիվ արտոնություններ ստացան. սկզբնական և միջնակարգ դպրոցներում պարտադիր կրոնի դասեր մտցվեցին, բացվեցին իսլամական բարձրագույն կրթական հաստատությունները, երկրի ամբողջ տարածքում սկսվեց մզկիթների լայնածավալ շինարարություն¹³⁶ և այլն: ԴԿ իշխանության տարիներին ակտիվացան նաև կրոնական գաղտնի միաբանությունները և եղբայրությունները, որոնք հանդես էին գալիս երկրի աշխարհիկ կարգերի տապալման և իսլամական իշխանության հաստատման դիրքերից: Դեմոկրատների իշխանության տարիներին կրոնը վերելք էր ապրում, ինչը միևնույն ժամանակ վկայում էր այն մասին, որ քեմալականությունը չէր կարողացել շատ խոր արմատներ գցել հասարակության մեջ:

Կրոնի հանդեպ իշխանությունների քաղաքականության փոփոխությունը պայմանավորված էր ևս մեկ, մեր կարծիքով՝ ոչ պակաս կարևոր հանգամանքով՝ «կոմունիստական սպառնալիքի» ի հայտ գալով: Թուրքիայում կոմունիստական շարժման ի հայտ գալով՝ իսլամական շարժումները, որոնք երկար տարիներ դիտվում էին որպես հանրապետական կարգերի գլխավոր սպառնալիք, իրենց այդ դերը զիջեցին ձախակողմյան շարժումներին: Թուրքիայի իշխանությունները, ոչ առանց արևմտյան դաշնակիցների աջակցության, սկսեցին կրոնն օգտագործել որպես զենք կոմունիստական շարժման դեմ պայքարում¹³⁷: Դեմ

136 Епифанов А., Исламская религия как орудие политической борьбы турецкой буржуазии в республиканский период, Тбилиси, 1981, стр. 8-9.

137 Celik O., Turkey and the Fate of Political Islam, The United States and Turkey: Allies in Need, p. 65.

1947 թ. ՀԺԿ 8-րդ ընդհանուր համաժողովի ժամանակ այդ կուսակցության ծայրահեղ աջ թևը ներկայացնող Հ. Թանրըզվե-րը հանդես եկավ ելույթով, որում իսլամին արտոնություններ տալու անհրաժեշտությունը հիմնավորում էր կոմունիստական վտանգի ահագնացումով¹³⁸: Այդ գործընթացն ավելի խորացավ դեմոկրատների իշխանության գալուց հետո, և կրոնը որպես հակակոմունիստական զենք սկսեց օգտագործվել արդեն դեմոկրատների իշխանության տարիներին (1950-1960 թթ.)¹³⁹:

1960 թ. ռազմական հեղաշրջումից հետո թեև զինվորա-կանները հայտարարում էին քեմալիզմի սկզբունքներին վերադառնալու անհրաժեշտության մասին, այնուամենայնիվ, կրոնի հանդեպ նրանց վարած քաղաքականությունը բավականաչափ խիստ և հետևողական չէր: Հեղաշրջումից հետո արգելված ԴԿ քաղաքական ժառանգորդը հանդիսացող Արդարություն կուսակցությունը շարունակեց ԴԿ-ի՝ կրոնի նկատմամբ իրականացվող քաղաքականությունը:

1960-ական թվականներին արդեն, պայմանավորված երկրի արագ արդյունաբերականացմամբ, միջազգային տնտեսական զարգացումներով, սոցիալական տեղաշարժերով և ճախակողմ-յան ուժերի քաղաքական աշխուժացմամբ, տեղի ունեցավ իսլամի քաղաքականացում¹⁴⁰, և այդ իրողություններով էր պայմանա-վորված Թուրքիայի քաղաքական թատերաբեմում իսլամական կուսակցության ի հայտ գալը: 1970 թ. Նեջմեթթին Էրրաքանը¹⁴¹, Նաքշբենդի կրոնական միաբանության առաջնորդ Մեհմեթ Ջահիթ Բոթթուի որոշիչ աջակցությամբ¹⁴², հիմնեց Ազգային

138 Кондакчян Р., Турция: внутренняя политика и ислам, Ереван, 1983, стр. 93-95.

139 Նույն տեղում, էջ 114:

140 Հապոզիտո Ջ., Իսլամական սպառնալիք. առաջա՞ծ է, թե՞ իրականություն, Երևան, 2003, էջ 227:

141 Ն. Էրրաքանի կենսագրությունը մանրամասն տե՛ս, Yalçın S., Hangi Erbakan, Ankara, 1995.

142 Yavuz H., Political Islam and the Welfare (Refah) Party in Turkey. - Comparative Politics, Vol.

կարգի կուսակցությունը, որը, սակայն, երկար կյանք չունեցավ: Շուտով՝ 1971 թ. մարտի 12-ի զինվորական միջամտությունից հետո, ի թիվս մի շարք այլ քաղաքական կուսակցությունների, մայիսի 20-ին սահմանադրական դատարանն արգելեց ԱԿԿ գործունեությունը՝ որակելով այն որպես հակասահմանադրական¹⁴³: 1972 թ. հոկտեմբերին ԱԿԿ նախկին ղեկավարները՝ Ն. Էրբաքանի գլխավորությամբ, հիմնադրեցին Ազգային փրկություն կուսակցությունը, որի ծրագրում լայնցիզմի սկզբունքի ուղղակի մերժում չկար, սակայն դրա 6-րդ բաժնում այն ենթարկվում էր բավական խիստ քննադատության¹⁴⁴: Բացի այդ, ԱՓԿ ղեկավարության կողմից քննադատության էին ենթարկվում երկրի քաղաքական ուժերը և նրանց վարած թե՛ ներքին և թե՛ արտաքին քաղաքականությունը¹⁴⁵: Արտաքին քաղաքականության բնագավառում Էրբաքանը և նրա կուսակիցները նշում էին, որ Թուրքիան պիտի իր հայացքն Արևմուտքից ուղղի դեպի Արևելք¹⁴⁶:

1973 թ. հոկտեմբերին կայացած խորհրդարանական ընտրություններում ԱՓԿ-ն, ստանալով քվեների 11,8%-ը (48 պատգամավորական մանդատ), երրորդն էր ՀԺԿ-ից և ԱԿ-ից հետո¹⁴⁷: Թուրքիայում երկու խոշորագույն կուսակցությունների՝ ԱԿ-ի և ՀԺԿ-ի միջև եղած տարաձայնություններն ու անհանդուրժողականության մթնոլորտը գործնականում անհնար էին դարձնում նրանց միջև քաղաքական դաշինքը, և այդ իրողություններում

30, No. 1, Oct., 1977, p. 66.

143 Anayasa Mahkemesi, (siyasi parti-kapatma) «E.S.: 1971/1; K.S.: 1971/1; K.G.: 20.05.1971», Resmi Gazete, 14072 (14, 01, 1972).

144 Кирсов Н., Турция между западом и востоком. - Ближний Восток и современность, Москва, 1996, стр. 106-169.

145 Фадеева И., Ислам и культурная политика правящих кругов Турции 60-80-х годов XX в. - Ислам и социальные структуры стран Ближнего и Среднего Востока, Москва, 1990, стр. 197-200.

146 Karafakioğlu Ö. K., նշված աշխ., էջ 19.

147 Toprak B., A Secular Democracy in the Muslim World: The Turkish Model. - Modernization, Democracy, and Islam, Edited by Shireen T. Hanter and Huma Malik, Center for Strategic and International Studies, Washington, 2005, p. 287.

ԱՓԿ-ն վճռորոշ դեր ունեցավ կոալիցիոն կառավարություն կազմավորելու հարցում: 1974 թ., երկար բանակցություններից հետո, Էրբաքանն ի վերջո ընդունեց Էջնիթի առաջարկությունը, և կազմավորվեց ՀԺԿ-ԱՓԿ կոալիցիոն կառավարությունը, որտեղ Էրբաքանը, ինչպես արդեն նշվել է, գրադեցնում էր փոխվարչապետի պաշտոնը: ՀԺԿ-ԱՓԿ կոալիցիան աննախադեպ երևույթ էր Թուրքիայի պատմության մեջ. Աթաթյուրքի հիմնած կուսակցությունը՝ ՀԺԿ-ն, որի իշխանության օրոք դաժանորեն ճնշվում էին կրոնական շարժումները, այժմ կոալիցիոն կառավարություն էր կազմում իսլամամետ կուսակցության հետ:

1973-80 թթ. Էրբաքանի կուսակցության անդամներն ու համակիրներն ընդարձակում էին իրենց ազդեցության շրջանակը՝ տեղեր գրադեցնելով խորհրդարանում, վարչական մարմիններում, կրթական հաստատություններում, գործարար աշխարհում¹⁴⁸: ԱՓԿ-ն հետևողականորեն ընդլայնում էր կուսակցության շարքերը՝ ընդգրկելով մեծ թվով երիտասարդների, որոնք հիմնադրեցին «Akincilar» (Ասպատակողներ կամ Հարձակվողներ) կոչվող երիտասարդական կառույցը, որն էլ իր հերթին երկրի տարբեր հատվածներում ստեղծեց մոտ 600 մասնաճյուղ¹⁴⁹: Չսայած 1977 թ. խորհրդարանական ընտրություններում ԱՓԿ ստացած քվեների քանակը (8.5%՝ 24 պատգամավոր) նվազել էր 1973 թ. ընտրությունների համեմատ, սակայն այն դեռևս շարունակում էր հզոր ուժ ներկայացնել: 1970-ական թթ. վերջերին ԱՓԿ-ն, օգտվելով երկրում տիրող քառասային իրավիճակից, սկսեց ավելի բացահայտ կրոնամետ քաղաքականություն վարել: 1977-1980 թթ. ընկած ժամանակահատվածում ԱՓԿ-ն կազ-

148 Հապոզիտո Ջ., նշվ. աշխ., էջ 229:

149 Տեր-Մաթևոսյան Վ., Նեջմեթին Էրբաքանի քաղաքական բնմտը և «Ազգային փրկություն» կուսակցության գործունեությունը Թուրքիայում, Մերձավոր և Միջին Արևմտյան երկրներ և ժողովուրդներ (XXV), Երևան, 2006, էջ 185:

մակերպել է մոտ 30 հազար հավաք և ցույց¹⁵⁰։ Այդ կապակցությամբ թուրքագետ-պատմաբան Վ. Տեր-Մաթևոսյանը նշում է, որ եթե 1973 թ. երկրի հիմնական օրենքին չհակասելու նպատակով ԱՓԿ-ն խուսափում էր անգամ «շարիաթ» բառի օգտագործումից, ապա 1979-80 թթ. երկրի տարբեր շրջաններում անցկացրած ցույցերի, հանդիպումների ժամանակ էրբաքանի կողմնակիցները բացահայտորեն կոչում էին արտահայտվում իրանյան կամ պակիստանյան տարրերակների կրկնությանը և «շարիաթի վրա հիմնված համայնքի» կառուցման գաղափարին¹⁵¹։ Հատկանշական է 1980 թ. սեպտեմբերի 6-ին Քոնյայում կազմակերպված ցույցը, որին մասնակցել է մոտ 80 հազար մարդ, և որի ընթացքում բացահայտորեն հնչել են խալիֆայության վերականգնման անհրաժեշտության կոչեր¹⁵²։

Քննարկվող ժամանակաշրջանում զանգվածների վրա ազդելու նպատակով իսլամական գործուն օգտագործվում էր նաև այլ քաղաքական կուսակցությունների կողմից՝ ի դեմս ԱԿ-ի և Ազգայնական շարժում կուսակցության¹⁵³։ Դեռ 1965 թ., երբ խորհրդարանական ընտրությունների արդյունքում ԱԿ-ն եկավ իշխանության, վերջինիս ղեկավար Ս. Դեմիրելը, դառնալով Թուրքիայի վարչապետ, հայտարարեց, որ իր ղեկավարման տարիներին «բոլոր թուրքերն առանց որևէ խոչընդոտի կարող են հայտարարել, որ իրենք մուսուլման են»¹⁵⁴։ Իր իշխանության տարիներին ԱԿ-ն օժանդակություն էր ցուցաբերում իսլամական շարժումներին, ինչն ունենում էր տարբեր դրսևորումներ՝ Կրոնի գործերով վարչության ֆինանսավորման ավելացում,

150 Турецкая Республика: справочник, Баку, 1986, стр. 217.

151 Տեր-Մաթևոսյան Վ., նշվ. աշխ., էջ 184:

152 Financial Times, 29, 11, 1980.

153 Куртынова Л., Исламские и националистические элементы в идеологии руководства после военного переворота 1980 г. - Ислам и проблемы национализма в странах Ближнего и Среднего Востока, Москва, 1986, стр. 115-126.

154 Milliyet, 21, 12, 1968.

կրոնական ուսումնական հաստատությունների թվի մեծացում, տարբեր կրոնական եղբայրությունների և միաբանությունների հետ սերտ համագործակցություն¹⁵⁵ և այլն: 1980 թ. թուրքական «Ջումհուրիյեթ» թերթը նշում էր, որ երկրում բոլոր կրոնական շարժումները գտնվում են ԱԿ հովանու ներքո¹⁵⁶:

Ազգայնական շարժում կուսակցությունը, թեև իր ձևավորման սկզբնական փուլում ուներ դասական պանթուրքիստական բնույթ, արդեն 1960-ական թթ. վերջերից սկսեց կրոնն օգտագործել զանգվածների վրա ազդելու համար, գուցե նաև դրանով հակակոմունիստական իր պայքարն ավելի արդյունավետ դարձնելու նպատակով: Կուսակցության գաղափարախոսության մեջ կրոնական տարրերի ընդգրկումը պատճառ հանդիսացավ, որպեսզի 1940-50-ական թթ. պանթուրքիստական շարժման գաղափարախոս, ԱՇԿ հիմնադիրներից Նիհալ Աթսըզը հեռանա ԱՇԿ-ից:

1970-ական թթ. Թուրքիայում լայն գործունեություն էին իրականացնում կրոնական եղբայրությունները. մասնավորապես, մեծ ազդեցություն ունեին Սուլեյմանջը, Նաքքեմեդի, Նուրջու, Թիջանի և Բեքթաշի գաղտնի եղբայրությունները: Վայելելով ԱԿ և ԱՓԿ աջակցությունը՝ կրոնական միաբանություններն ընդլայնեցին իրենց ազդեցության շրջանակները և վերաճեցին հզոր ուժի:

1970-ական թթ. վերջերին Թուրքիայում խորանում էր լարվածությունը սուննիների և ալևիների համայնքների միջև, ինչը երբեմն արտահայտվում էր արյունալի բախումների տեսքով: 1978 թ. դեկտեմբերին Քահրամանմարաշ քաղաքում, ազգայնամոլական ուժերի սադրիչ գործողությունների հետևանքով, բա-

155 Հատկապես սնրտ էին ԱԿ-ի կազմը 1970-ական թթ. Թուրքիայում մեծ ազդեցություն ունեցող Սուլեյմանջը գաղտնի միաբանության հետ: Այդ է վկայում նաև այն հանգամանքը, որ Սուլեյմանջը միաբանության ղեկավար Ջեմալ Ջաչարը պատգամավոր էր ԱԿ-ի կողմից: 156 Cumhuriyet, 05, 08, 1980.

խում սկսվեց քաղաքի սուննի և ալևի բնակիչների միջև, զոհվեց ավելի քան 100, վիրավորվեց 1000 մարդ¹⁵⁷: Քահրամանմարաշի դեպքը, որը հանրապետական Թուրքիայի պատմության մեջ ամենամեծ բախումն էր սուննիների և ալևիների միջև, մեծ անհանգստություն առաջացրեց բանակի վերնախավում, որից հետո Թուրքիայի տարբեր վիլայեթներում ռազմական դրություն մտցվեց: 1980 թ. հուլիսին սուննիների և ալևիների միջև նմանատիպ բախում տեղի ունեցավ նաև Չորումում խլելով 23 մարդկային կյանք¹⁵⁸:

Իրանում իսլամական հեղափոխությունը և նրա հնարավոր արտահանման սպառնալիքը ստիպեցին Թուրքիայի արևմտյան դաշնակիցներին և թուրքական բարձրաստիճան գինվորակա-նությանը նորովի նայել մեծ թափ հավաքած իսլամական շարժումներին: Իսլամամետ ԱՓԿ գործունեության վերելքը, ինչպես նաև լայն տարածում ստացած տեղեկություններն այն մասին, որ Թուրքիայում գործում էին մի շարք գաղտնի կազմակերպություններ, որոնց նպատակն էր աշխարհիկ հանրապետական կարգի տապալումը և շարիաթի հաստատումը, ավելի իրատեսական էին դարձնում իրանական հեղափոխական ալիքի հնարավոր արտահանման մտավախությունները¹⁵⁹: Եվ այդ իրավիճակում թուրքական իշխանությունների հավաստիացումներն այն մասին, որ «իսլամական հեղափոխությունը չի սպառնում Թուրքիային»¹⁶⁰, որ «մոլլաները Թուրքիայում վտանգ չեն ներկայացնում»¹⁶¹, բնականաբար, չէին կարող բավարարել Թուրքիայի արևմտյան դաշնակիցներին, հատկապես, երբ իրանա-

157 Arcayürek C., Demokrasinin Sonbaharı, 1977-1978, Ankara, 1985, s. 550.

158 Alatin E., նշվ. աշխ., էջ 584:

159 Դումանյան Ա., Թուրքիայի 1980 թ. ռազմական հնդաշրջման պատճառների շուրջ, Մերձավոր Արևելք, հ. 3, Երևան, 2006, էջ 51-55:

160 Newsweek, 25, 06, 1979.

161 Фадеева И., Ислам в общественно-политической жизни современной Турции. Турция. История, экономика, политика, Москва, 1984, стр. 67.

կան դեպքերից հետո Արևմուտքի համար գրեթե անհնար էր դարձել իսլամական շարժումների հարցում փաստերը զատել չափազանցությունից:

1979 թ. հունվարին ԱՄՆ-ում ստեղծվեց պետական մի հանձնախումբ՝ ռազմավարական նշանակություն ունեցող որոշ երկրների ներքաղաքական իրավիճակն ուսումնասիրելու նպատակով: Հանձնախումբը պիտի որոշեր, թե կարող են արդյոք այդ երկրներում կրկնվել իրանական դեպքերը, և նման իրավիճակում ինչպիսին պիտի լինի ԱՄՆ արձագանքը: Այդ ժամանակահատվածում Վաշինգտոնին հատկապես անհանգստացրին Թուրքիայի վերաբերյալ կատարված ուսումնասիրությունների արդյունքները: Ներքին անկայունության աճը դիտվում էր որպես հակաամերիկյան հեղափոխության հնարավոր ուղի¹⁶²: Ստեղծվեց մի պարադոքսային իրավիճակ, երբ Արևմուտքն իսլամական շարժումը ժամանակին փորձում էր օգտագործել որպես այլընտրանք կոմունիստական շարժումներին, այժմ այլընտրանք էր փնտրում արդեն իսլամական շարժման դեմ: Եվ որպես այդպիսի այլընտրանք Թուրքիայում հանդես եկավ թուրքական բանակը՝ քեմալականության պաշտպանի իր առաքելությամբ: Ինչպես նշում է Մեհմեթ Ալի Բիրանդը, 1970-ականների վերջերին թուրքական զինվորականությանն ամենից շատ անհանգստացնում էր իսլամականների գործունեությունը¹⁶³: Թուրքիայում ռազմական ուսումնարանի կուրսանտը՝ ապագա սպան, ուսման առաջին իսկ օրից դաստիարակվում էր քեմալիզմի սկզբունքների ոգով, որոնցից հատկապես կարևորվում էր աշխարհիկության (լայիցիզմ) սկզբունքը¹⁶⁴, և ամեն տեսակի ոտնձգություն լայիցիզմի հանդեպ անընդունելի էր զինվորակա-

162 Кремлюк В., Борьба Вашингтона против революции в Иране, Москва, 1984, стр. 157-158.

163 Birand M. A., 12 Eylül Saat: 04:00, s. 47.

164 Նույն տեղում, էջ 38:

նի համար, իսկ այդպիսիք շատ էին 1970-ական թթ. Թուրքիայի քաղաքական-հասարակական կյանքում:

Ձախակողմյան շարժումների ակտիվացումը

1970-ական թթ. ձախ շարժումը Թուրքիայում վերելք էր ապրում, և այդ հարցում որոշակի դեր ունեին 1961 թ. սահմանադրության մեջ առկա ազատություններն ու ժողովրդավարական իրավունքները¹⁶⁵: Առաջին անգամ ձևավորվեցին օրինական ձախակողմյան կուսակցություններ և կազմակերպություններ, որոնցից առավել ազդեցիկ էր 1961 թ. ստեղծված Թուրքիայի աշխատավորական կուսակցությունը (ԹԱԿ, Türkiye İşçi Partisi): ԹԱԿ-ն արդեն 1965 թ. համապետական խորհրդարանական ընտրությունների ժամանակ նշանակալի հաջողությունների հասավ՝ խորհրդարանում զբաղեցնելով 15 պատգամավորական մանդատ: Ձախ կուսակցության նման հաջողությունն առաջացրեց երկրի իշխանությունների և Թուրքիայի արևմտյան դաշնակիցների որոշակի անհանգստությունը: Արդեն 1968 թ. ընտրական օրենսգիրքը փոփոխությունների ենթարկվեց իշխանությունների կողմից, որը նպատակ էր հետապնդում խոչընդոտել փոքր կուսակցությունների մուտքը խորհրդարան և, ըստ էության, ուղղված էր հատկապես ձախ կուսակցությունների դեմ: Այդ իսկ պատճառով ԹԱԿ-ը 1969 թ. խորհրդարանական ընտրություններում հավաքեց գրեթե նույն քանակությամբ քվեներ, որքան 1965 թ., սակայն տեղ չունեցավ ԹԱՄԺ-ում¹⁶⁶:

«Մարտի 12-ի» անցումային շրջանը (1971-1973 թթ.) զինվորականների կողմից նույնպես օգտագործվեց ձախ շարժման գար-

165 Karpat K., The Turkish Left. - Journal of Contemporary History, Vol. 1, No. 2, 1966, p. 183.

166 Hyland M. P., Crisis at the Polls: Turkey's 1969 Elections. - The Middle East Journal, 1970 Vol. 24 No. 1, pp. 8-10.

գացմանը մեծ հարված հասցնելու համար՝ արգելվեց ԹԱԿ-ի¹⁶⁷, ինչպես նաև տարբեր ձախ ուղղվածության կազմակերպությունների գործունեությունը, ազատագրկման ենթարկվեցին ձախ շարժումների ակտիվիստները, որոնց հանդեպ, որպես կանոն, դաժան պատժամիջոցներ էին իրականացվում ազատագրկման վայրերում: Սակայն զինվորականները չբավարարվեցին ձախ շարժման դեմ միայն պատժամիջոցների կիրառմամբ. նրանք նաև 1971-73 թթ. ժամանակաշրջանում իրականացրին սահմանադրական փոփոխություններ, որոնց միջոցով փորձ էր արվում խոչընդոտներ ստեղծել ձախ շարժման հետագա գործունեության համար: Սահմանադրության «հիմնական իրավունքներ և ազատություններ» բաժնում փոփոխություններ կատարվեցին, ըստ որի՝ այդ իրավունքները և ազատությունները կարգավորվում էին օրենքով: Նոր սահմանափակումներ մտցվեցին հասարակական կազմակերպությունների և արհմիությունների մասին օրենքում: Ստեղծվեցին Պետական անվտանգության դատարանները (ՊԱԴ, Devlet Güvenlik Mahkemeleri), որոնք բաղկացած էին հինգ անդամից, և քննելու էին քաղաքական բնույթի հանցագործությունները¹⁶⁸: Սակայն պետք է նշել, որ չնայած այս սահմանափակումներին, սահմանադրությունն ընդհանուր առմամբ դեռևս շարունակում էր մնալ բավարար ազատական՝ ձախ շարժման զարգացմանը խթանելու համար:

1970-ական թթ. Թուրքիայում գործում էին մի քանի ձախ ուղղվածության քաղաքական կուսակցություններ՝ Թուրքիայի սոցիալիստական աշխատավորական կուսակցություն (ԹՍԱԿ, Türkiye Sosyalist İşçi Partisi), Թուրքիայի աշխատավորական կուսակցություն (ԹԱԿ, Türkiye İşçi Partisi), Սոցիալիստական հե-

167 Anayasa Mahkemesi, (siyasi parti-kapatma). E.S.: 1971/3; K.S.: 1971/3; K.G.: 20.07.1971, Resmi Gazete, 14064 (6 Ocak 1972).

168 Данилов В., Политическая борьба в Турции, стр. 172-173, 180.

ղափոխության կուսակցություն (ՍՀԿ, Sosyalist Devrim Partisi) և այլն: 1970-ական թթ. ընդհատակում ակտիվացրել էր իր գործունեությունը Թուրքիայի կոմունիստական կուսակցությունը (Türkiye Komünist Partisi), որը դեռևս շարունակում էր մնալ արգելված:

Թուրքիայում ձախ շարժումների հիմնական բացթողումն այն էր, որ դրանք այդպես էլ չկարողացան համախմբվել մեկ կենտրոնի շուրջ, հանդես գալ որպես միասնական միավոր: Ինչպես իրավացիորեն նշում է խորհրդային թուրքագետ Վ. Դանիլովը, լեզալ ձախ կուսակցություններն այդպես էլ չկարողացան հաղթահարել «քանավեճի ակումբի» կարգավիճակը, իսկ ձախակողմյան ծայրահեղականները բաժանված էին տարբեր կազմակերպությունների, ինչն, անկասկած, սահմանափակում էր նրանց հնարավորությունները¹⁶⁹:

Թուրքիայում 1970-ական թթ. ձախ շարժման առաջատար ուժերից, թերևս, ամենագործունը ԴԻՄԿ-ն էր, որը ձախ ուղղվածություն ունեցող արհմիությունների խոշորագույն համադաշնություն էր: 1967 թ. մի քանի տասնյակ արհմիություններ, դուրս գալով Թուրքիայի արհմիությունների ամենախոշոր համադաշնության՝ Թյուրք-Իշ-ի կազմից, ստեղծեցին ԴԻՄԿ-ը¹⁷⁰, որը, քննադատելով Թյուրք-ԻՇ-ին ԱՄՆ շահերին ծառայելու համար, նպաստում էր աշխատավորների քաղաքականացմանը¹⁷¹:

1971-1973 թթ. թեև որոշակիորեն սահմանափակվեց ԴԻՄԿ-ի գործունեությունը, այնուամենայնիվ, այդ կառույցը, ի տարբերություն ձախ ուղղվածության մի շարք կազմակերպությունների, կարողացավ պահպանել իր գոյությունը: Ավելին, օգտվելով

169 Данилов В., Турция 80-х: от военного режима до "ограниченной демократии", стр. 26-27.

170 DİSK Kuruluş Bildirisi, Ana Tüzüğü. İstanbul: DİSK Yayın., 1968, s. 48;

171 Mello B., Explaining Divergent Strategies in Turkish Labor History, 1960-1980. - Department of Political Science, Seattle University, p. 19.

այն հանգամանքից, որ «Մարտի 12-ի վարչակարգի» նկատմամբ դժգոհություններ էին առաջացել աշխատավորության շրջանակներում, ԴԻՄԿ-ն արդեն 1973-ից սկսեց ակտիվ գործունեություն ծավալել: 1970-ական թթ. այն համալրեց իր կազմը մի շարք նոր արհմիություններով, որի արդյունքում վերաճեց հզոր ուժի¹⁷²: ԴԻՄԿ-ը հզորության գագաթնակետին հասավ 1970-ական թթ. վերջերին, երբ իր կազմի մեջ ընդգրկում էր ավելի քան 500 հազար անդամ¹⁷³, որի շնորհիվ արհմիութենական շարժման գլխավոր նախաձեռնող ուժը դարձավ:

1976 թ. առաջին անգամ մայիսի 1-ին՝ աշխատավորության օրվա կապակցությամբ, ԴԻՄԿ-ի նախաձեռնությամբ կազմակերպվեց խոշոր ցույց, որին մասնակցեց ավելի քան 500 հազար մարդ¹⁷⁴: Ցույցի ժամանակ կազմակերպիչների կողմից պահանջներ էին հնչում՝ քարենպաստ պայմաններ ստեղծել աշխատավորության համար, վերացնել կոմունիստական գործունեության դեմ ուղղված 141-րդ և 142-րդ հոդվածները, դադարեցնել Պետական անվտանգության դատարանների գործունեությունը, դուրս գալ ՆԱՏՕ կազմից և այլն¹⁷⁵: Հաջորդ մի քանի տարիների ընթացքում ԴԻՄԿ-ը նմանատիպ մի շարք միջոցառումներ ևս կազմակերպեց:

1970-ական թթ. ԴԻՄԿ-ի հիմնական պայքարն արտահայտվում էր գործադուլային շարժման տեսքով, որն աստիճանաբար ավելի ընդգրկուն դարձավ. 1977 թ. Թուրքիայում կազմակերպվել է 116 գործադուլ, 1978 թ.՝ 184, 1979 թ.՝ 269, իսկ 1980 թ. միայն առաջին 5 ամիսների ընթացքում՝ 388: 1980 թ. հունվարին թուրքական «Զուլմուրիյեթ» թերթը գրում էր, որ գործադուլ-

172 Дрякин А., Забастовочная борьба рабочего класса Турции в 1970-1980 гг. - Турция: история, экономика, политика, Москва, 1984, стр. 16-34.

173 Karafakioğlu Ö. K., նշված աշխ., էջ 21:

174 DİSK - 6. Genel Kurulu Çalışma Raporu, İstanbul, 1977, s. 74-77.

175 Նույն տեղում:

ների պատճառով գործարանների ընդամենը 20%-ն էր աշխատում¹⁷⁶: 1980 թ. Թուրքիայի խոշոր ձեռնարկատեր Ս. Սաբանջին ընդգծում էր, որ «գործադուլների պատճառով տնտեսությունը կաթվածահար է եղել»¹⁷⁷: 1980 թ. առաջին 5 ամիսների գործադուլների 76,7%-ը կազմակերպել էին ԴԻՄԿ-ի կազմում գտնվող արհմիությունները¹⁷⁸: Վերը նշված տվյալները փաստում են, որ գործադուլային շարժումը Թուրքիայում աննախադեպ վերելք էր ապրում, և որ դրա գլխավոր նախաձեռնողն ու կազմակերպողը ԴԻՄԿ-ն էր:

Քննարկվող ժամանակաշրջանում ձախ շարժումների հետ որոշակիորեն համագործակցում էր ՀԺԿ-ն, որի կազմում 1970-ական թթ. սկզբներին լուրջ փոփոխություններ տեղի ունեցան, և կուսակցության առաջնորդ Իսմեթ Իսյոնյուին փոխարինելու եկավ երիտասարդ Բյուլենթ Էջևիթն իր «կենտրոնից ձախ» քաղաքական ուղղությամբ: 1976 թ. ՀԺԿ 23-րդ համագումարում որոշում ընդունվեց անդամակցել Սոցիալիստական ինտերնացիոնալին: 1973 թ. խորհրդարանական ընտրություններին նախորդող քարոզարշավի ժամանակ Բ. Էջևիթը որոշ խոստումներ էր տալիս՝ դրանով փորձելով իր կողմը գրավել ձախակողմյան հայացքներ ունեցող ընտրազանգվածին: Բ. Էջևիթը հանդես էր գալիս Պետական անվտանգության դատարանների գործունեությունը դադարեցնելու անհրաժեշտությունն ընդգծող հայտարարություններով և քննադատում էր Հատուկ պատերազմի բաժնի (ՀՊԲ, Özel Harp Dairesi) գործունեությունը: 1970-ական թթ. ՀԺԿ-ն ԴԻՄԿ-ի հետ համատեղ հանդես եկավ մի շարք միջոցառումներով: Բ. Էջևիթը մասնակցեց նաև ձախակողմյանների կազմակերպած որոշ հանրահավաքներին, օրինակ՝ 1977 թ.

176 Cumhuriyet, 09, 01, 1980.

177 Mond Diplomatique, No. 1, 1980.

178 DİSK - 7. Genel Kurulu Çalışma Raporu, İstanbul, 1980, s. 131.

մայիսի 1-ին Թաքսիմի հրապարակում ԴԻՍԿ-ի կազմակերպած ցույցին¹⁷⁹: Հատկանշական է տեղեկությունն այն մասին, որ 1980 թ. ռազմական հեղաշրջումից հետո ՀԺԿ անդամ, Ստամբուլի քաղաքապետ Ահմեթ Իսվանը մեղադրվում էր մարդկանց հրապարակ բերելու նպատակով քաղաքապետարանի բեռնատարները ԴԻՍԿ-ին տրամադրելու համար:

Էջևիթի ղեկավարած քաղաքական գիծը, որն աջակցում էր ձախ շարժմանը, դարձավ մրցակիցների սուր քննադատության թիրախ: Մասնավորապես, 1978 թ. Արդարություն կուսակցության նախագահ Ս. Դեմիրելը, մեղադրելով Էջևիթին ձախ լինելու մեջ, նշում էր. «Սրանց վերջն Ալիենդեի նման է լինելու»¹⁸⁰ նկատի ունենալով 1973 թ. Չիլիի դեպքերը, երբ երկրի նախագահ, ձախ ուղղվածության քաղաքական գործիչ Սալվադոր Ալիենդեն բանակի կողմից կազմակերպված հեղաշրջման միջոցով հեռացվեց իշխանությունից և սպանվեց¹⁸¹: Իրականում Էջևիթի կառավարությունն օգտագործում էր ձախ շարժումները՝ ընտրություններում քվեներ շահելու նպատակով, սակայն լուրջ աջակցություն չէր ցուցաբերում վերջիններիս, ինչը և հաստատվեց, երբ Էջևիթի երրորդ կառավարության ժամանակաշրջանում (05. 01. 1978-16. 10. 1979 թթ.) շարունակվեցին ձախ շարժումների դեմ կիրառվող պետական ճնշումները: Էջևիթի իշխանության ժամանակ՝ 1979 թ. մայիսին, իշխանությունները նախ արտոնություն չտվեցին ԴԻՍԿ-ին ցույց կազմակերպելու համար, հետո էլ արդեն չարտոնված ցույց անցկացնելու մեղադրանքով ձերբակալեցին այդ կառույցի մի քանի ղեկավարների¹⁸²: ԴԻՍԿ-ի պատասխանը ՀԺԿ-ին երկար սպասել

179 Financial Times, 20, 03, 1981.

180 Birand M. A., 12 Eylül Saat: 04:00, s. 72;

181 Սակայն հետաքրքիր է նշել, որ թե՛ 1971 թ. «Ժուլազարային հեղաշրջման» և թե՛ 1980 թ. ռազմական հեղաշրջման ժամանակ երկրի վարչապետը հենց Սուլեյման Դեմիրելն էր:

182 Alati E, Müdahale 12 Mart 1971-12 Eylül 1980, Istanbul, 2004, s. 396.

չտվեց. նույն թվականի աշնանը կայացած խորհրդարանական մասնակի ընտրություններում ԴԻՄԿ-ը չաջակցեց ՀԺԿ-ին, ինչն էլ իր հերթին դեր խաղաց, որպեսզի ՀԺԿ-ն այդ ընտրություններում պարտություն կրի և Բ. Էջնիթի կառավարությունը հրաժարական տա:

Նկատենք նաև, որ ձախակողմյան շարժումների ակտիվացումը և գործադուլային ալիքի ահագնացումն անհանգստացրին հատկապես երկրի խոշոր ձեռնարկատերերին: Ինչպես վկայում է Մեհմեթ Ալի Բիրանը, 1970-ական թթ. վերջերին Թուրքիայի խոշոր ձեռնարկատերերը խուճապի մեջ էին և գտնում էին, որ կոմունիզմը կանգնած է երկրի շեմին¹⁸³: Նրանցից շատերն իրենց ունեցվածքն էժան գներով վաճառում և հեռանում էին երկրից¹⁸⁴: Այդ իրավիճակում ԹՅՈՒՄԻԱԴԻ-ն սկսեց ձախ շարժմանը խոչընդոտելուն ուղղված միջոցառումներ կազմակերպել, որոնց շրջանակներում պետք է դիտել 1978 թ. հոկտեմբերին այդ կառույցի պատվիրակության այցն ԱՄՆ: ԹՅՈՒՄԻԱԴԻ-ի ներկայացուցիչները հանդիպեցին ԱՄՆ նախագահի անվտանգության հարցերով խորհրդական Ջրիզն Բժեզինսկու հետ, որը մեծ կշիռ ուներ ԱՄՆ իշխանական համակարգում: Հանդիպման ժամանակ քննարկվեցին Թուրքիայում ձախ շարժումների գործունեությունը սահմանափակելու հնարավոր միջոցները¹⁸⁵:

Պետք է նշել, որ Թուրքիայի խոշոր ձեռնարկատերերը երկրում կայունություն հաստատելու և «հունվարի 24-ի» ծրագրի իրականացման համար լավագույն միջոց էին համարում քանակի միջամտությունը: Հատկանշական է 1980 թ. մարտին Թուրքիայի խոշոր ձեռնարկատեր, «Քոչ-հոլդինգի» սեփականատեր Վեհրի Քոչի այն հայտարարությունը, որ քաղաքական գործիչ-

183 Birand M. A., նշվ. աշխ., էջ 72.

184 Նույն տեղում:

185 Նույն տեղում, էջ 99-101:

ները կորցրել են պատասխանատվության զգացումը, և երկրում ընդամենը մեկ գործույթ կազմակերպություն կա՝ ի դեմս քանակի¹⁸⁶: Այստեղ հարկ է շեշտել մի կարևոր հանգամանք ևս, այն է՝ Բանակի փոխօգնության միությունը (OYAK), որն ապահովում էր գեներալների նյութական բարեկեցությունը, 1970-ական թթ. Թուրքիայի 4 խոշորագույն և ճյուղավորված մասնավոր ընկերություններից էր հանդիսանում¹⁸⁷, հետևաբար՝ ձախ շարժման զարգացումը և գործադուլային ալիքի ահագնացումն ուղղակիորեն վնասում էին զինվորական վերնախավի ֆինանսական շահերին:

Անփոփելով կարելի է նշել, որ ձախ շարժումը 1970-ական թթ. Թուրքիայում ընդլայնել էր գործունեությունը. ստեղծվել էին տարբեր ձախ կուսակցություններ, երիտասարդական կազմակերպություններ, այդ թվում և ծայրահեղական, ահաբեկչական բնույթի: Սակայն ձախակողմյան շարժման գլխավոր ձեռքբերումն աշխատավորական զանգվածի կազմակերպումն էր, որն իրականացվում էր ձախակողմյան՝ արհմիությունների համադաշնության՝ ԴԻՄԿ-ի միջոցով: Աշխատավորների քաղաքականացումը հանգեցրեց Թուրքիայում զանգվածային գործադուլային ալիքի պոռթկմանը, որը 1980 թ. սկզբներին անսխալեպ մասշտաբների էր հասել:

Ահաբեկչության անը Թուրքիայում 1970-ական թվականներին

1980 թ. սեպտեմբերի 12-ի ռազմական հեղաշրջումից հետո Թուրքիայի բարձրաստիճան զինվորականությունը որպես հե-

186 Milliyet, 21, 03, 1980.

187 Запорожец В., Колесников А., Турция: Общество и Армия, том I. Ленинград, 1983, стр. 238.

ղաշրջում իրականացնելու անհրաժեշտության հանգեցրած գլխավոր պատճառ շեշտում էր երկրում մեծ թափ հավաքած ահաբեկչությունը: Գլխավոր շտաբի պետ, գեներալ Քենան Էվրենն արդեն իր առաջին ելույթներում նշում էր, որ ամեն օր ահաբեկչական և անարխիստական գործողությունների հետևանքով զոհվում էր 20 մարդ, որ միայն վերջին երկու տարիների ընթացքում Թուրքիայում ահաբեկչության զոհ է դարձել 5241 մարդ և վիրավորվել 14152-ը, այն դեպքում, երբ Սաքարիայի ճակատամարտում Թուրքիան կորցրել է 5713 զինվոր և սովել 18480 վիրավոր¹⁸⁸:

1970-ական թթ. Թուրքիայում ահաբեկչության գլխավոր նախաձեռնողներն ազգայնամոլական «Գորշ գայլեր» և ձախակողմյան ծայրահեղական ուժերն էին: Թեև զինվորական հրամանատարության կողմից, բացի ձախակողմյան ծայրահեղական կազմակերպությունները և ազգայնամոլական շարժումը, որպես ահաբեկչության կազմակերպիչներ նշվում էին նաև արմատական իսլամական կազմակերպությունները և քրդական շարժումը, սակայն քննարկվող ժամանակաշրջանում Թուրքիայում արմատական իսլամական կազմակերպություններն, ըստ էության, թույլ էին և ընդգրկված չէին ահաբեկչական գործունեության մեջ¹⁸⁹, իսկ քրդական շարժումները հիմնականում հանդես էին գալիս ձախակողմյանների հետ միասին և ներգրավված էին այդ շարժումների մեջ¹⁹⁰: Այստեղ պետք է հատուկ ընդգծել, որ բանակի վերնախսավը խթանում էր ահաբեկչության

188 Evreni'nin Radyo-Televizyon Konuşması (12, 09, 1980), Türkiye Cumhuriyeti Başbakanı Orgeneral Kenan Evren'in Söylev ve Demeçleri (12 Eylül 1980-12 Eylül 1981), Ankara, 1981, s. 3-5.

189 Այդ մասին մանրամասն տե՛ս Karmon E., Radical Islamic Political Groups in Turkey, Middle East Review of International Affairs Journal (MERIA), Vol. 1, No. 4, December 1997, p. 14-33.

190 1970-ական թթ. վերջերին թեև գործում էին նաև առանձին քրդական կազմակերպություններ (ՊԿԿ, ԶԱՎԱ, ԶՈՄԱԱ և այլն), սակայն դրանք դեռ ձևավորման փուլում էին գտնվում: Այդ մասին առավել մանրամասն տե՛ս Gunter M. M., The Kurdish Problem in Turkey, Middle East Journal, Vol. 42, No. 3, Summer 1988, pp. 389-406.

անը՝ նպատակ ունենալով երկրում խորացնել քառասային վիճակը՝ հետագայում ռազմական հեղաշրջումն արդարացնելու և որպես երկրի «փրկիչներ» հանդես գալու համար:

«Գորշ գայլերի» ահաբեկչական գործունեությունը 1970-ականներին

Ինչպես արդեն նշվեց, 1970-ական թթ. վերջերին ահաբեկչությունը Թուրքիայում անսախաղեպ ծավալների էր հասել: Ահաբեկչության գլխավոր նախաձեռնողներից էր աջ ծայրահեղական «Գորշ գայլերի» շարժումը, որոնք համախմբված էին Ալփարսլան Թյուրքեշի պանթյուրքիստական գաղափարախոսության շուրջ: 1960 թ. մայիսի 27-ի ռազմական հեղաշրջումից հետո իշխանությունն իր ձեռքը վերցրած Ազգային միասնության կոմիտեի արմատականների խմբի 14 անդամներից իր պանթյուրքիստական հայացքներով աչքի էր ընկնում գնդապետ Ալփարսլան Թյուրքեշը¹⁹¹, որը հետագա գրեթե 4 տասնամյակի ընթացքում ղեկավարելու էր պանթյուրքիստական շարժումը Թուրքիայում: 1965 թ. Ա. Թյուրքեշը, արմատականների խմբի որոշ անդամների հետ միասին, մտավ Հանրապետական գյուղացիական ազգային կուսակցության (Cumhuriyetçi Köylü Millet Partisi) մեջ և շուտով դարձավ վերոնշյալ կուսակցության նախագահ՝ ամբողջովին վերափոխելով կուսակցության քաղաքական և գաղափարական ուղղությունները¹⁹²: 1969 թ. այն վերանվանվեց Ազգայնական շարժում կուսակցություն (ԱՇԿ):

191 Թյուրքեշն ազգայնամոլությամբ աչքի էր ընկել դեռ 1944 թ., նրա պանթյուրքիստական հայացքներ տարածելու համար դատական պատասխանատվության էր մեթաբերվել: Այդ մասին տե՛ս http://www.ulkuocaklari.org.tr/basbug/basbug_hayati.htm.

192 ԱՄԿ-ի որոշ անդամներ հետագայում, շրջափոխվելով կուսակցության չափազանց ազգայնամոլական դառնալը, լքեցին կուսակցությունը: Տե՛ս Esin N., Devrim ve Demokrasi, Bir 27 Mayısçının Anıları, İstanbul, 2005, s. 245-253.

ԱՇԿ գաղափարախոսության հիմքում դրված էին Թյուրքեշի 9 սկզբունքները՝ «9 լույսը» (Dokuz Işık)՝ ազգայնամոլություն (milliyetçilik), գաղափարապաշտություն (ülkücülük), բարոյակալություն (ahlakçılık), սոցիալականություն (toplumculuk), գիտականություն (ilimcilik), ազատություն (hürriyetçilik), գյուղացիություն (köycülük), զարգացում և ժողովրդականություն (gelişimcilik ve halkçılık), արդյունաբերություն և տեխնիկա (endüstricilik ve teknikçilik): Սակայն եթե հակիրճ ներկայացնենք ԱՇԿ դավանած հիմնական գաղափարական ուղղությունը, կարելի է նշել, որ այն ներկայացնում է թյուրքական ազգայնամոլության առավել ծայրահեղական՝ պանթյուրքիստական ուղղությունը: Ա. Թյուրքեշն իր «Հիմնական տեսակետներ» (Temel Görüşler) աշխատության մեջ նշում է, որ իրենց գլխավոր նպատակն է նախ հզորացնել Թյուրքիան, իսկ հետագայում արդեն հզոր Թյուրքիայի դրոշի տակ միավորել ամբողջ թյուրքական աշխարհը¹⁹³: Պետք է նշել, որ քննարկվող ժամանակաշրջանում թյուրքեշականներն այդ ծրագրերի իրականացման գլխավոր խոչընդոտ համարում էին կոմունիզմը:

1960-ական թթ. վերջերին Թյուրքեշի վերահսկողության տակ սկսեցին գործել «գաղափարապաշտների» (ülkücüler) կազմակերպությունները¹⁹⁴, որոնք չնայած ԱՇԿ կուսակցական համակարգի մեջ չմտան, սակայն դեկավարվում և վերահսկվում էին վերջինիս կողմից¹⁹⁵: «Գաղափարապաշտների» կազմակեր-

193 Alparslan Türkeş, Temel Görüşler, İstanbul, 1975, s. 362-363.

194 Գաղափարապաշտների կազմակերպություններից էին Ülkücü ocaklar, Ülkücü gençlik derneği և այլն: Պատմագիտական գրականության մեջ հաճախ հանդիպում ենք այդ կազմակերպությունների միասնական ուսումնասիրությանը: Հաշվի առնելով այն հանգամանքը, որ այդ կազմակերպությունները ղեկավարվում էին մեկ կենտրոնից և գտրվ էին նախաձեռնողական գործունեությունից, մենք ևս հավված ենք այն ներկայացնել միասնական ձևով:

195 Сафрастян Р., Возвращение "серых волков": Консервативная партия в политической жизни Турции (1983-1985 гг.), Մերձավոր և Միջին Արևմտյան երկրներ և ժողովուրդներ XXIII, Երևան, 2004, էջ 254:

պությունները գլխավորապես բաղկացած էին երիտասարդ-ներից և սկզբնական փուլում զբաղված էին պանթյուրքիստական գաղափարախոսության քարոզչությամբ ու տարածմամբ: Նրանց մեկնաբանությամբ՝ «գաղափարապաշտ» լինել նշանակում է «ամեն ինչ գոհաբերել հանուն գաղափարի»՝ կատարելով ոչ թե այն, ինչ տրամաբանությունն է հուշում, այլ այն, «ինչ ղեկավարն է հրամայում», իսկ գլխավորը Մեծ Թուրան պետության գաղափարն էր¹⁹⁶: 1970-ականներին ներգրավվելով ահաբեկչական պայքարի մեջ՝ «գաղափարապաշտների» կազմակերպությունները վերածվել էին հզոր բանակի, որոնք 1970-ական թթ. իրենց կազմում ունեին ավելի քան 100 հազար անդամ¹⁹⁷: Մանրամասն մշակված աստիճանակարգային ցանցը, որի մեջ մտնում էին թե՛ ԱՇԿ-ն, թե՛ «գաղափարապաշտների» կազմակերպությունները և թե՛ ԱՇԿ վերահսկողության տակ գտնվող զինված գրոհային ջոկատները (կոմանդոսների ջոկատները), անվանվում են «գորշ գայլերի» (bozkurtlar) հասարակական-քաղաքական շարժում¹⁹⁸, իսկ Թյուրքեշի պանթյուրքիստական գաղափարախոսության բոլոր համակիրներն իրենց «գորշ գայլեր» են կոչում: «Գորշ գայլ», ինչպես նաև «բաշբուղ» (başbuğ բառացիորեն՝ առաջնորդ, այդպես էին անվանում Թյուրքեշին) եզրերը լայն գործածության մեջ դրեց Թյուրքեշը: Ի դեպ, այդ եզրերն գործածվում էին նաև երիտթուրք պարագլուխ Էնվեր փաշայի կողմից¹⁹⁹:

«Գորշ գայլերի» կազմավորման և հզորացման գործընթացին մեծապես նպաստեցին Թյուրքիայի ուժային կառույցները և

196 Բրամ Ս. & Ուլզեր Մ., «Գորշ գայլեր». հետազոտություն թուրք ծայրահեղ աջակողմյանների մասին, Երևան, 2003, էջ 82:

197 Landau J. M., The Nationalist Action Party in Turkey, *Journal of Contemporary History*, Vol. 17, No. 4. (Oct., 1982), pp. 594-595.

198 Сафрестян Р., նշվ. աշխ., էջ 255.

199 Poulton H., *Top Hat, Grey Wolf and Crescent*, Turkish nationalism and the Turkish Republic, New York, 1997, p. 146.

արևմտյան երկրների գաղտնի ծառայությունները: Կան տեղեկություններ, որ ԱՄՆ նախաձեռնությամբ ՆԱՏՕ անդամ երկրներում ստեղծվեցին «կոնտրգերիլաների» (Counter Guerrilla - հակապարտիզանական) գաղտնի կազմակերպությունները, որոնց գլխավոր նպատակն էր «հակապարտիզանական» պայքար ծավալել ձախակողմյան շարժումների դեմ և «ամեն գնով» խոչընդոտել դրանց զարգացմանը²⁰⁰: Թուրքիայում «կոնտրգերիլաների» գործունեությունը համակարգելու նպատակով ստեղծվեց Հատուկ պատերազմի բաժինը, որը գաղտնի կառույց էր և գործում էր սկզբում ՄԻԹ-ի (Milli İstihbarat Teşkilatı - Ազգային հետախուզական կազմակերպություն), իսկ հետագայում Գլխավոր շտաբի ենթակայության տակ²⁰¹: Մեր կարծիքով՝ ՀՊԲ-ն, որը ղեկավարվում էր բարձրաստիճան գինվորականների կողմից, դարձավ թուրքական «խորքային պետության» հիմնասյունը: Նկատենք նաև, որ ընդհանուր թշնամու գործոնը՝ ի դեմս ձախակողմյան շարժումների, անխուսափելի էր դարձնում «գորշ գայլերի» և ՀՊԲ համագործակցությունը: ՀՊԲ-ն «գորշ գայլերին» դիտում էր որպես միջոց՝ ձախակողմյան շարժումների դեմ պայքարելու համար և սկսեց նրանց օգտագործել, այսպես կոչված, սև աշխատանք կատարելու համար: 1960-ականների վերջին ՀՊԲ օժանդակությամբ ստեղծվեցին «գորշ գայլերի» «կոմանդոսների» ճամբարները, որոնք կարևորագույն դեր խաղացին «գորշ գայլերի» ահաբեկչական գործունեության համար: Այդ ճամբարներում պատրաստություն էին անցնում «գորշ գայլերի» գրոհայինները՝ «կոմանդոսները», որտեղ նրանց կրթում և դաստիարակում էին թե՛ ֆիզիկապես, թե՛ գաղափարապես և թե՛ հոգեպես: 1970-ական թթ. վերջերին Թուրքիայում 28 այդպիսի ճամբար կար²⁰²: Հատուկ

200 Birand M. A., Bilal H., Akar R., նշվ. աշխ., էջ 49.

201 Karafakioğlu Ö. K., նշվ. աշխ., էջ 19.

202 Аксененко А., Борьба политических партий Турции за влияние на молодежь 1920-1980, Москва, 1986, стр. 78.

ուշադրություն էր դարձվում հատկապես «կոմանդոսների» գաղափարական պատրաստվածությանը՝ նրանց մեջ սերմանելով պանթյուրքիստական գաղափարախոսություն:

«Գորշ գայլերի» կարգավիճակը և դրությունը կտրուկ փոխվեցին 1970-ական թթ. կեսերից, երբ ԱՇԿ-ն 1975 թ. Ազգայնական ճակատ իշխող կոալիցիայի մաս կազմեց և Ա. Թյուրքեշը դարձավ փոխվարչապետ: Գտնվելով իշխանական կոալիցիայում՝ Թյուրքեշն առավելագույնս օգտագործեց իշխանական լծակներն իր կուսակցության հզորացման համար: «Բաշբուղը» ամեն կերպ աջակցում էր իր կուսակիցների՝ պետական մարմիններ ներթափանցմանը, որի արդյունքում 1970-ական թթ. կեսերից «գորշ գայլերը» հայտնվեցին պետական գրեթե բոլոր կառույցներում: Թյուրքեշը հատկապես խթանում էր «գորշ գայլերի» ուժային կառույցներ «ներխուժման» գործընթացը. 1970-ական թթ. վերջերին «գորշ գայլերը» մեծ թվով ներթափանցեցին ոստիկանական համակարգ, բանակ և ՄԻԹ: Արդեն 1970-ական թթ. կեսերից ՄԻԹ մի քանի վարչություններ Թյուրքեշի վերահսկողության տակ էին գտնվում²⁰³: Այդ ժամանակահատվածում վերջնականապես ձևավորվեցին «գորշ գայլերի» գրոհային ջոկատները: Նրանք ապահովվեցին զինամթերքով, որի զգալի մասն ստացվում էր Կիպրոսի հյուսիսային՝ թուրքերի կողմից օկուպացված հատվածից²⁰⁴:

«Գորշ գայլերը», բավարար չհամարելով կառավարության կողմից «կոմունիստների» (բոլոր ձախակողմյան շարժումները «գորշ գայլերի» կողմից կոմունիստական էին դիտվում) դեմ կազմակերպվող միջոցառումները, պայքարը դուրս բերեցին փողոց՝ փորձելով ահաբեկչական ու սադրիչ գործողություններով պայքարել ձախակողմյան շարժումների հզորացման դեմ:

203 Alatlı E., նշվ. աշխ., էջ 165-167.

204 Yalçın S. & Yurdakul D., REİS, Gladio'nun Türk Tetkicisi, Ankara, 1998, s. 33.

1970-ական թթ. ահաբեկչությունը «գորշ գայլերի» գործունեության բաղկացուցիչ մասը դարձավ: Ահաբեկչական գործողության մասին որոշումն ընդունում էին ՀՊԲ-ն և ԱՇԿ ղեկավար կազմը: Նախապատրաստվող ահաբեկչական գործողության հրահանգը բանավոր կերպով ստացվում էր ԱՇԿ երիտասարդական բաժանմունքի կողմից, զենքը նախօրոք տրամադրում էին տեղական կազմակերպությունների ղեկավարները²⁰⁵, իսկ ահաբեկչություններն իրականացնողների կորիզը կազմում էին «կոմանդոսները» (մեր կարծիքով՝ որոշ փոփոխություններով այս համակարգը գործում է նաև այսօրվա Թուրքիայում): Գտնվելով իշխանության հովանու ներքո՝ ահաբեկիչ «գորշ գայլերին» հաճախ հաջողվում էր խույս տալ քրեական պատասխանատվությունից, և այդ անպատժելիության մթնոլորտն էլ ավելի էր նպաստում ահաբեկչության ալիքի ընդլայնմանը²⁰⁶:

1970-ականների երկրորդ կեսին «գորշ գայլերի» կազմակերպած ամենազանգվածային ահաբեկչական գործողությունը տեղի ունեցավ 1977 թ. մայիսի 1-ին: Աշխատավորության մայիսյան օրվա կապակցությամբ ձախակողմյան շարժումների կողմից Թաքսիմի հրապարակում կազմակերպված ցույցի ժամանակ «գորշ գայլերն» իրականացրին ահաբեկչական ու սադրիչ գործողություններ, որոնց հետևանքով զոհվեց 34, վիրավորվեց 100-ից ավելի մարդ: 1977 թվականի մայիսի մեկի դեպքերը պատմության մեջ հայտնի են «Արյունոտ երկրորդ կիրակի» անվանմամբ²⁰⁷: Հատկանշական են տեղեկություններն այն մասին,

205 Tanlak Ö., İtiraf. Eski Ülkücü MHP'yi Anlatıyor, İstanbul, 1997, s. 14-15.

206 Այս մասին առավել մանրամասն տե՛ս Դումանյան Ա., Աջակողմյան ծայրահեղականների ահաբեկչությունը Թուրքիայում 1980 թ. ռազմական հեղաշրջման նախօրին, Մերձավոր Արևելք, հ. 2, Երևան, 2005 թ., էջ 85:

207 Առաջին «Արյունոտ կիրակին» համարվում է 1969 թվականի փետրվարի 16-ը, երբ Ստամբուլի Թաքսիմի հրապարակում ձախակողմյան ուժերի կողմից կազմակերպված բողոքի ցույցի ժամանակ մի խումբ ահաբեկիչներ զենքերով հարձակվեցին ցույցի մասնակիցների վրա, ինչի հետևանքով նրկու մարդ զոհվեց և մոտ 100 մարդ վիրավորվեց:

որ ըստ Էջնիթի՝ Թաքսիմի արյունոտ դեպքերի հետևում կանգնած էր Հատուկ պատերազմի բաժինը²⁰⁸:

Կարելի է ասել, որ 1978 թ. հունվարի 5-ին Էջնիթի երկրորդ կառավարության կազմավորումից հետո «գորշ գայլերի» մարտավարությունը որոշակի փոփոխության ենթարկվեց. եթե մինչ այդ «գորշ գայլերի» ահաբեկչական գործողություններն ուղղված էին ձախերի դեմ և նպատակ ունեին պառակտել ու թուլացնել նրանց շարժումը, ապա 1978 թ. սկսած՝ դրանք ստացան նոր դրսևորումներ: «Գորշ գայլերն» ամեն կերպ փորձում էին իրենց ահաբեկչական ու սադրիչ գործողություններով այդ պայքարը դարձնել ավելի զանգվածային՝ նպատակ հետապնդելով երկրում քառսային վիճակ ստեղծել և ապակայունացնել ներքին դրությունը: Մենք դա հիմնականում պայմանավորում ենք այն հանգամանքով, որ արդեն 1978-ից թուրքական բանակի վերնախավը նախապատրաստվում էր ռազմական հեղաշրջմանը, և բարձրաստիճան զինվորականությունը ցանկանում էր հնարավորինս ավելի քառտիկ վիճակ ստեղծել երկրում, որպեսզի հեղաշրջումն ունենա հասարակական պահանջ և զինվորականները ներկայանան որպես պետության միասնականության և պահպանման «փրկիչներ»: Իսկ «գորշ գայլերը» բարձրագույն զինվորականության կողմից օգտագործվում էին որպես ընդունված որոշման իրականացման գործիքներ:

Սակայն պետք է նշել, որ Ա. Թյուրքեշն այս խաղում իր սեփական հաշվարկներն ուներ: Արդեն 1970-ական թթ. վերջերից նա փորձում էր դուրս գալ զինվորականության վերահսկողությունից և պայքարել իշխանությունը զավթելու համար: Դեռ 1977 թ. հունիսի սկզբին ռազմական հեղաշրջում նախապատրաստելու համար բանակից հեռացվեցին ցամաքային զորքերի հրա-

208 Birand M. A., Bilal H., Akar R., նշվ. աշխ., էջ 70-71:

մանատար, բանակի գեներալ Նամըք Քեմալ Էքսունը և ծայրահեղ աջ ուղղվածության մոտ 200 սպա: Էքսունի ձախողված հեղաշրջման նախաձեռնողն էր Ա. Թյուրքեշը²⁰⁹: Հեղաշրջման փորձի տապալումը, սակայն, չընկճեց Թյուրքեշի՝ իշխանությունը զավթելու նկրտումները, ավելին՝ 1978 թ. սկսած նա այդ գործընթացի մեջ ներգրավեց «կոմանդոսներին», իր վերահսկողության տակ գտնվող գրոհային ջոկատները: ԱՇԿ նախկին փոխնախագահ Ռըգա Սյոֆթյուօղլուն 2000 թ. հրատարակած «Մահակների զինվորները» (Copların Askerleri) գրքում նշում է, որ 1980 թ. ռազմական հեղաշրջումից առաջ բանակում մի քանի խմբավորումներ կային, որոնցից մեկը գտնվում էր Ա. Թյուրքեշի ազդեցության տակ²¹⁰: Թյուրքեշն այդ խմբավորման միջոցով, որը ղեկավարում էր գեներալ-գնդապետ Սուաթ Իբրահիմը, ռազմական հեղաշրջում էր նախապատրաստում՝ երկրում ֆաշիստական դիկտատուրա հաստատելու նպատակով: Եթե ավելացնենք նաև այն հանգամանքը, որ ըստ որոշ տվյալների՝ «գորշ գայլերը» 1970-ական թթ. վերջին կարճ ժամանակահատվածում կարող էին մոբիլիզացնել մոտ 200 հազար զինված համակիրների²¹¹, կարելի է եզրակացնել, որ իրավիճակի նմանօրինակ զարգացման պարագայում Թյուրքեշն իրական հնարավորություն կունենար իշխանությունը զավթելու համար: Սակայն զինվորականության հերթական միջամտությունը Թյուրքիայի քաղաքական անցուղարձին խառնեց Թյուրքեշի բոլոր խաղաթղթերը՝ ի չիք դարձնելով իշխանությունը զավթելու նրա նպատակները:

1978-ից երկրում ահաբեկչության նոր ալիք սկսվեց. միայն 1978 թ. հունվար ամսին, այսինքն՝ ԱՃ կոալիցիայի գործունեությամբ

209 Yalçın S. & Yurdakul D., Bay-Pipo, İstanbul, 2000, s. 289-291.

210 Müftüoğlu R., Copların Askerleri, Ankara, 2000, s. 18.

211 Сафрастян Р., նշվ. աշխ., էջ 256.

յան դադարումից հետո, ահաբեկիչների զոհ դարձավ 14, վիրավորվեց 75 մարդ²¹², ինչն ահաբեկչության աննախադեպ աճ էր նախորդ ամիսների համեմատ: 1978 թ. մարտի 16-ին «գորշ գայլերը» Ստամբուլի համալսարանի դիմաց կազմակերպեցին պայթյուն, որի հետևանքով զոհվեց 7, վիրավորվեց 41 ուսանող: Պայթյունն իրականացրած Ջուլուֆ Իսթթը խոստովանել է, որ ահաբեկչության հրամանը «բաշրուղն» էր տվել, իսկ գործողությունը կազմակերպելու գործում նրան օգնել էին ոստիկանության որոշ աշխատակիցներ²¹³: Դեպքից կարճ ժամանակ անց Իսթթը, զոջալով իր արարքի համար, փորձում է հանձնվել իրավապահ մարմիններին, ինչի համար և սպանվում է իր «գաղափարապաշտ» ընկերների կողմից²¹⁴: Սույն օրինակը հստակ ցույց է տալիս, որ շատ երիտասարդներ, չգիտակցելով հնարավոր հետևանքները, մտնում էին այդ ահաբեկչական կազմակերպության մեջ և այլևս չէին կարողանում դուրս գալ այնտեղից. «գորշ գայլերի» համար հետադարձ ճանապարհի չկար: Այդ են վկայում նաև Թյուրքեշի հայտնի խոսքերը. «Խսիեք, սպանեք բոլոր նրանց, ովքեր պայքարել են մեր նպատակի համար և հիմա երես են թեքում»²¹⁵: Տեղին է նշել մեկ այլ «գորշ գայլ», ժամանակին ASALA-ի դեմ պայքարում օգտագործված և հետագայում դատապարտված, Թյուրքիայի մաֆիայի «կնքահայրերից»՝ Ալա-հեդդին Չաբրըրի խոսքերը. «Պետությունը մեզ օգտագործեց եւ աղքատնոց նետեց»²¹⁶:

Քննարկվող ժամանակահատվածում «գորշ գայլերի» ահաբեկչություններից ամենաարյունալի հետևանքներն ունեցան Քահրամանմարաշի դեպքերը: Բացի այդ, Քահրամանմարա-

212 Alatlı E., նշվ. աշխ., էջ 165-167:

213 Dışbudak A., Bombacı Kardeşimdi, Milliyet, 2, 04, 1996.

214 Alkan N. & Akkuzu E., Bombayı Kardeşim Attı, Sabah, 2, 04, 1996.

215 Բրտմ Մ. & Ուլզնր Մ., նշվ. աշխ., էջ 246:

216 Ավագյան Ա., Թյուրքիայում խորքային պետության եւ «Էրզնեմկոն»-ի կապի շուրջ, Արմենպրես, 3, 05, 2011 <http://armenpress.am/arm/news/651233/>

շում «գորշ գայլերի» կազմակերպած սադրիչ գործողությունների հետևանքով տեղի ունեցավ Թուրքիայի հանրապետական պատմության մեջ ամենազանգվածային բախումը երկրի սուննի և ալևի բնակչության միջև: 1978 թ. դեկտեմբերին Քահրամանմարաշ քաղաքում գտնվող կինոթատրոններից մեկում «Արևը նրբ է ծագելու» (Güneş ne zaman doğacak?) հակակոմունիստական ֆիլմի ցուցադրման ժամանակ, «գորշ գայլերն» իրականացրին պայթյուն և դրանում մեղադրեցին ալևիներին, որոնք հայտնի էին իրենց ձախակողմյան կողմնորոշմամբ: Հաջորդ մի քանի օրերին «գորշ գայլերը» կազմակերպեցին ևս մի քանի սադրիչ գործողություններ, որոնց հետևանքով բախումներ սկսվեցին ալևի և սուննի բնակչության միջև՝ դառնալով ավելի քանի 100 մարդու մահվան պատճառ, իսկ շուրջ 1000 մարդ էլ վիրավորվեց: Քահրամանմարաշի դեպքերից հետո երկրի 13 շրջաններում ռազմական դրություն մտցվեց, ինչն այդ արյունոտ սցենարի հեղինակների գլխավոր նպատակն էր: Մինչև օրս էլ Քահրամանմարաշի դեպքերի մասին Թուրքիայում շատ է խոսվում և գրվում, իսկ երբեմն էլ տարբեր առիթներով (օրինակ՝ նախկին նախագահ Քենան Էվրենի դատավարության ժամանակ) ի հայտ են գալիս սկանդալային բացահայտումներ և մանրամասներ: Մեր կարծիքով՝ այդ ամենը հստակ և մշակված քայլեր էին, որոնք պետք է հանգեցնեին հեղաշրջման: Այդ նույն ձեռագիրն ու գործելաոճը պահպանվեցին նաև հետագայում, և հայկական «Ակօս» թերթի նախկին գլխավոր խմբագիր Հրանտ Դինքի, կաթոլիկ հոգևորական Սանթրոյի սպանությունները դրանց դրսևորումներից էին:

Նկատենք նաև, որ «գորշ գայլերի» ահաբեկչությունն ուղղված էր հասարակության գրեթե բոլոր շերտերի դեմ. քննարկվող ժամանակահատվածում «գորշ գայլերը» պատասխանատու են դասախոսների (Օրհան Յավուզ), գրողների (Ումիթ

Քաֆթանջըօղլու), հասարակական և քաղաքական գործիչների (ԴԻՄԿ-ի նախկին ղեկավար Քեմալ Թյուրքլեր), հարյուրավոր ուսանողների, լրագրողների («Միլիթեր» թերթի գլխավոր խմբագիր Արդի Իփեքչի)²¹⁷ և բազմաթիվ այլ անմեղ մարդկանց սպանության համար:

Անդրադառնալով 1980 թվականին և կոնկրետ ռազմական հեղաշրջմանը՝ պետք է փաստել, որ հեղաշրջման նախօրեին՝ սեպտեմբերի 11-ի երեկոյան, զինվորականները տանկերով շրջապատում են ԱՀԿ գրասենյակը և ձերբակալում անդամներին: Նրանք փորձում էին հնարավորություն չտալ «գորշ գայլերին» հակադարձող քայլեր ձեռնարկել: Չնայած զինվորականության կանխարգելիչ գործողություններին, այդուհանդերձ, «գորշ գայլերին» հաջողվում է ձեռնարկել որոշ միջոցառումներ: Թյուրքեշը, օգտագործելով իր կապերը բանակում և ՄԻԹ-ում, ինչպես նաև ԿՀՎ-ում (Թյուրքեշը մտերիմ հարաբերություններ ուներ Թուրքիայում ԿՀՎ ներկայացուցիչ Փոլ Հենցի հետ²¹⁸), միակն էր ազդեցիկ կուսակցությունների ղեկավարներից, որ կարողանում է նախօրոք տեղեկանալ հեղաշրջման մասին և փախուստի է դիմում: Երեք օր ոմն Հալիլ Շավգընի տանը թաքնվելուց հետո, այնուամենայնիվ, նա հանձնվում է²¹⁹: Այդ 3 օրվա մասին շատ քիչ տեղեկություններ կան: Հնարավոր է, որ Թյուրքեշն այդ օրերն օգտագործեց «գորշ գայլերի» հետագա գործունեությունը կազմակերպելու և Էվրենի խմբի դեմ հակադարձող

217 1979 թ. փետրվարի 1-ին Մեհմեթ Ալի Աղջայի կողմից սպանվեց Արդի Իփեքչին: «Գորշ գայլ» Մեհմեթ Ալի Աղջան հասարակության լայն շրջանակներին հայտնի դարձավ Հոմի պապ Հովհաննես Դոդոս Երկրորդի դեմ կատարած մահափորձից հետո: Այս մասին ավելի մանրամասն տե՛ս Bale J. M., *The Ultranationalist Right in Turkey and the Attempted Assassination of Pope John Paul II. – The Turkish Studies Association Bulletin, April 1991, Vol. 15, no. 1, Indiana, p 15.*

218 Yalçın S. & Yurdakul D., REİS, Gladio'nun Türk Tetikcisi, s. 143.

219 Հատկանշական են տեղեկություններն այն մասին, որ Թյուրքեշի փախուստը կազմակերպել է Յաշար Օրույանը, ով 2000 թ. (Մայր հայրենիք կուսակցության անդամ) աշխատանքի նախարարն էր: Sİ'nin Sabah, 14, 09, 2000.

գործողություններ ձեռնարկելու համար: Հավանական է նաև, որ Թյուրքեշն այդ 3 օրերն օգտագործեց որոշ երաշխիքներ ստանալու համար: Ամեն դեպքում, ռազմական հեղաշրջումից հետո «գորշ գայլերը» փորձեցին որոշ հակագողող միջոցներ ձեռնարկել: Ազատության մեջ գտնվողները ձեռնամուխ եղան Ազգային անվտանգության խորհրդի նախագահ, գլխավոր շտաբի պետ Քենան Էվրենի դեմ մահափորձ կազմակերպելու նախապատրաստությանը: Քենան Էվրենի մահվան դեպքում (Էվրենի սպանությունը պիտի իրագործեին շտաբի սպաներ Շ. Օսենը և Ս. Քափթանօղլուն)²²⁰ ԱՄՄ նախագահ էր դառնալու ցամաքային զորքերի հրամանատար Նուրեթթին Էրսինը, ով ավելի մեղմ դիրքորոշում ուներ Ազգայնական շարժում կուսակցության նկատմամբ²²¹: Սակայն շուտով ԱՄՄ-ին հայտնի է դառնում նախապատրաստվող դավադրության մասին, և զինվորականները ներքին կարգով «գորշ գայլերի» մեջ տեղեկատվություն են տարածում այն մասին, որ դավադրության փորձ կատարելու դեպքում բանտերում գտնվող բոլոր «գորշ գայլերը» կսպանվեն: «Սարահ» թերթին տված հարցազրույցում Ք. Էվրենը հաստատում է այդպիսի հրամանի առկայության մասին տեղեկատվությունը և ավելացնում, որ հենց դրանով էլ հնարավոր եղավ կանխել «գորշ գայլերի» դավադրությունը²²²:

1980 թ. ռազմական հեղաշրջումից հետո Թյուրքիայում չորս գլխավոր կուսակցություններից (Հանրապետական-ժողովրդական կուսակցություն, Արդարություն կուսակցություն, Ազգային փրկություն կուսակցություն, Ազգայնական շարժում կուսակցություն) ամենադաժան պատժամիջոցները կիրառվեցին հատկապես Թյուրքեշի գլխավորած կուսակցության նկատմամբ:

220 Samil Tayyar, Evren'i Ben Öldürecekim, Sabah, 14, 09, 2000.

221 Murat Keklikçi, Necdet Pekmezci, Hepsini Öldürecekim, Sabah, 15, 09, 2000.

222 Sabah, 13, 09, 2000.

Ինքը՝ Թյուրքեշը, դատապարտվեց 11 տարի, մեկ ամիս և 10 օր ազատազրկման²²³: Մեղադրական փաստաթղթերում հաստատվեցին տեղեկություններն այն մասին, որ Ազգայնական շարժում կուսակցությունը դավադրություն էր կազմակերպում նպատակ հետապնդելով երկրում ֆաշիստական դիկտատուրա հաստատել՝ ֆաշիստական Իտալիայի ձևաչափով: Ըստ այդ փաստաթղթերի՝ հաջորդ փուլը «մեկ ազգ, մեկ պետություն» կարգախոսով բոլոր թյուրքալեզու ժողովուրդներին մեկ՝ «Թուրան» պետության մեջ համախմբելն էր լինելու²²⁴:

Այսպիսով, վերլուծելով «գորշ գայլերի» գործունեությունը 1970-ական թթ.՝ գալիս ենք այն եզրակացության, որ պետության որոշ շրջանակների կողմից նրանք օգտագործվում էին Թուրքիայում ահաբեկչություն և սադրիչ գործողություններ իրականացնելու համար, որի նպատակն էր խոչընդոտել ձախակողմյան շարժումների զարգացմանը, իսկ 1970-ական թթ. վերջերին արդեն երկրում քառսային իրադրություն ստեղծել՝ ռազմական հեղաշրջում իրականացնելու համար: 1970-ական թթ. վերջերին «գորշ գայլերը» հզոր ուժ էին, նրանց համակիրների թիվը, ինչպես արդեն նշվել է, շատ էր նաև թուրքական բանակում և ՄԻԹ-ում, ուստի Թյուրքեշը փորձում է սեփական խաղը խաղալ և զավթել իշխանությունը: Սակայն հերթական ռազմական հեղաշրջումն ի չիք է դարձնում նրա ծրագրերը: 1980 թ. Ք. Էվրենի գլխավորած ռազմական հեղաշրջումը մեծ հարված հասցրեց «գորշ գայլերի» շարժմանը, սակայն այդ հարվածը վերջնական և կործանարար չէր, քանի որ հեղաշրջման հեղինակներն ամենևին էլ չէին ցանկանում ամբողջովին ջախջախել այդ շարժումը, և երբ «գորշ գայլերը» դադարեցին վտանգ ներկայացնել

223 <http://www.basbug.itgo.com/12eyul6.htm>

224 Турция между Европой и Азией. Итоги европеизации на исходе XX века, Москва, 2001, стр. 51.

զինվորականների իշխանության համար, սկսեցին կրկին օգտագործվել այդ նույն զինվորականության կողմից:

*Ձախակողմյան ծայրահեղական կազմակերպությունների
սահարնկչական գործունեությունը*

1961 թ. սահմանադրության ընդունումը, որը Թուրքիայի համար աննախադեպ ազատություններ էր հռչակում, նոր փոփոխություններ մտցրեց երկրի քաղաքական-հասարակական կյանքում: Ի հայտ եկան բազմաթիվ քաղաքական կուսակցություններ և կազմակերպություններ, որոնք իրենց հետ, բնականաբար, բերեցին գաղափարա-քաղաքական հոսանքների բազմազանություն: Այդ հոսանքները սրընթաց ձևով տարածվեցին հատկապես ուսանողության մեջ, որի ընդհանուր թիվը 1960-ական թթ. կազմում էր մոտ 560 հազար²²⁵ և նրանց շրջանում գրեթե ավարտվել էր գաղափարական ու քաղաքական բևեռացման գործընթացը. երիտասարդները հիմնականում բաժանվել էին երկու հակադիր ճամբարների՝ աջերի և ձախերի, որոնք իրենց հերթին ներկայացված էին տարբեր կազմակերպությունների միջոցով:

Ուսանողական երիտասարդության ձախ քաղաքական կողմնորոշում ունեցող թեև գլխավորապես բաժանված էր երկու խմբի՝ ձախ կենտրոնամետների և սոցիալիստների: Առաջին խումբը ՀԺԿ նոր՝ «կենտրոնից ձախ» ուղղության կողմնակիցներն էին, որոնք թեև քննադատում էին գործող կարգը, այնուամենայնիվ, դեմ էին սոցիալիստական կարգերի հաստատմանը: Սոցիալիստներն ավելի արմատական էին տրամադրված և 1960-ական թթ. սատարում էին Թուրքիայի աշխատավորական

225 Türkiye İstatistik Yılığ; 1973, Ankara, s. 175.

կուսակցության քաղաքական և գաղափարական հիմնական դրույթներին: ԹԱԿ երիտասարդական կազմակերպություններին անդամակցությունից բացի նրանք գործուն մասնակցություն էին ունենում ուսումնական հաստատություններում գործող գաղափարական ակումբներում, որոնք հայտնի էին «Մտքերի ակումբներ»²²⁶ անվանմամբ: 1965 թ. բազմաթիվ ուսանողական գաղափարական խմբակների հիման վրա ստեղծվեց «Մտքերի ակումբների դաշնությունը» (ՄԱԴ), որի տպագիր մարմինը դարձավ «Դյոնուշում» (Dönüşüm` Երջադարձ) թերթը²²⁷: Գաղափարական ակումբներում Մառ Յզե-Դունի, Լեսինի, Տրոցկու տեսական դրույթների հետ մեկտեղ որոշակի ազդեցություն ունեին Հերբերտ Մարկուզեի գաղափարական դրույթները (ֆրանսկֆուրտյան դպրոց)²²⁸, որոնք, անկասկած, նպաստում էին երիտասարդության ծայրահեղականացմանը: 1960-ական թթ. վերջերին ՄԱԴ-ն աստիճանաբար դուրս էր գալիս ԹԱԿ ազդեցությունից, և 1969 թ. խորհրդարանական ընտրությունների ժամանակ ԹԱԿ կրած պարտությունն²²⁹ էլ ավելի ուժեղացրեց նախկինում այդ կուսակցությանն աջակցող երիտասարդության գաղափարա-քաղաքական և կազմակերպչական սահմանագատման գործընթացը:

1969 թ. ՄԱԴ հիմքի վրա ստեղծվեց Թուրքիայի հեղափոխական երիտասարդության դաշնությունը (Türkiye Devrimci Gençlik Federasyonu, ԴԵՎ-ԳԵՆԶ), որը գլխավորեց Աթիլա Մարփը: ԴԵՎ-ԳԵՆԶ-ի գլխավոր նպատակը երկրում սոցիալիստական կարգերի հաստատումն էր, սակայն այդ կառույցի շարքերը չէին

226 Корниенко Р., Социально-политические предпосылки развития левых течений, левый экстремизм в Турции, Специальный бюллетень, Москва, 1976, No. 6 (181), стр. 66.

227 Политика и экономика современной Турции (отв. ред. А. М. Шамсутдинов), Москва, 1977, стр. 77.

228 Корниенко Р., նշվ. աշխ., էջ 58-71.

229 Hyland M. P., Crisis at the Polls: Turkey's 1969 Elections, The Middle East Journal, 1970, Vol. 24 No. 1, pp. 1-16.

առանձնանում միասնականությամբ. այն գտնվում էր մի քանի ձախակողմյան կազմակերպությունների ազդեցության ներքո՝ Այդընլըքի խումբը, Դոդու Փերինչեքի մաոիստական խմբավորումը, Հիքմեթ Ալի Բըվըջըմլըի սոցիալիստական խումբը և այլն²³⁰: ԴԵՎ-ԳԵՆՉ-ը գերծ չէր նաև մարկոզեիստական հոսանքներից. 1970 թ. Էրթուրդուլ Բյուրքյուլի՝ ԴԵՎ-ԳԵՆՉ-ի ղեկավար դառնալն ուժեղացրեց ծայրահեղական տարրերը կազմակերպության մեջ, որից հետո զինված պայքարը դիտվում էր որպես հեղափոխության գլխավոր միջոց:

ԴԵՎ-ԳԵՆՉ-ի մեջ մտնող կազմակերպություններից առավել ակտիվություն էին ցուցաբերում ԹՀԲՕ-ն (Türkiye Halk Kurtuluş Ordusu - Թուրքիայի ազգային ազատագրական բանակ)՝ Դենիզ Գեզմիշի գլխավորությամբ, ԹՀԲՓ-ԹՀԲԶ-ն (Türkiye Halk Kurtuluş Partisi - Türkiye Halk Kurtuluş Cephesi - Թուրքիայի ազգային ազատագրական կուսակցություն, Թուրքիայի ազգային ազատագրական ճակատ)՝ Մահիր Չայանի ղեկավարությամբ, ԹԴԻԲՓ-ն (Türkiyenin Devrimci İşçi-Köylü Partisi - Թուրքիայի հեղափոխական աշխատավորական-գյուղացիական կուսակցություն), որը ղեկավարում էր Դոդու Փերինչեքը և այլն: Այս կազմակերպությունների ծայրահեղական գործունեության բնորոշ տարրերից էին բանկերի թալանումը, մարդկանց առևանգումը՝ փրկագին ստանալու ակնկալիքով, իշխանությունների դեմ կազմակերպվող ահաբեկչությունները և այլն:

1971 թ. մարտի 12-ի ռազմական միջամտությունը նպատակ ուներ կանխել ձախակողմյան արմատական զինվորական խմբավորման կողմից նախապատրաստվող ռազմական հեղաշրջումը և խոչընդոտել ձախ շարժման ընդլայնումը: Ուստի զինվորականության պատժամիջոցների սլաքն ուղղված էր հատկապես այդ շարժումների դեմ: Մարտի 12-ի միջամտությունից անմիջապես

230 Корниенко Р., նշվ. աշխ., էջ 58-71.

հետո ձախակողմյան ծայրահեղականների հանդեպ զանգվածային ձերբակալումներ և խիստ պատժամիջոցներ սկսվեցին: Արգելվեց ԴԵՎ-ԳԵՆՉ-ի գործունեությունը, դրա 229 անդամներ դատապարտվեցին, որոնցից մի քանիսը՝ մահապատժի: Նրանց մեջ էր նաև ԹՀԲՕ-ի ղեկավար Դենիզ Գեզմիշը²³¹:

Իրենց հերթին ձախակողմյան ծայրահեղական կազմակերպությունները փորձեցին որոշ չափով հակազդել զինվորական իշխանություններին՝ ակտիվացնելով ահաբեկչական գործողությունները: Հատկանշական է 1971 թ. մայիսի 17-ին Ստամբուլում Իսրայելի գլխավոր հյուպատոս Էրայիմ Էլրոմի առևանգումը Չայանի խմբի կողմից: Ահաբեկիչները պահանջում էին ազատ արձակել բանտերում գտնվող բոլոր քաղբանտարկյալներին, այդ թվում և Դենիզ Գեզմիշին: Սակայն զինվորականության կողմից դրական արձագանք չստանալով՝ սպանեցին հյուպատոսին²³²: Այդ նույն խմբի՝ Գեզմիշին փրկելուն ուղղված հաջորդ փորձը ևս տապալվեց, որի ժամանակ զոհվեց նաև Մահիր Չայանը: Մասնավորապես, 1972 թ. մարտին Չայանի խումբը պատանդ վերցրեց ՆԱՏՕ-ի տեխնիկական երեք մասնագետների, որոնց դիմաց պահանջում էր բանտից ազատել Դենիզ Գեզմիշին: Զինվորականներն, իմանալով Չայանի խմբի գտնվելու տեղը, շրջապատել են այն և մերժելով ամեն տեսակ բանակցությունները զինյալների հետ՝ հրթիռային կրակ են բացել դեպի այն տունը, որտեղ գտնվում էին Չայանի խումբը և պատանդները: Այդ գործողության հետևանքով զինյալների հետ մեկտեղ զոհվեցին նաև պատանդները²³³: Իրենց նման քայլերով և գործելաճով զինվորականները ցույց տվեցին, որ չեն պատրաստվում որևէ զիջման գնալ ձախակողմյան

231 20 Yüzyıl Ansiklopedisi, Cilt-4, İstanbul, 1990, s. 974.

232 Alatlı E., Müdahale 12 Mart 1971-12 Eylül 1980, s. 27.

233 Yalçın S. & Yurdakul D., Bay-Pipo, s. 205-206.

ծայրահեղականներին և անգամ արտասահմանցի պատանդների հանգամանքն էական ազդեցություն չէր ունենում:

1971-73 թթ. զինվորական իշխանությունները չափազանց ծանր հարված հասցրին ձախակողմյան ծայրահեղական շարժումներին. մեծ թվով ձախակողմյաններ դատապարտվեցին ազատագրվման, նրանք բանտերում դաժան խոշտանգումների էին ենթարկվում, ձախակողմյան ծայրահեղական շարժման որոշ ղեկավարներ մահապատժի ենթարկվեցին: Նրանք, ովքեր կարողացան խույս տալ զինվորական պատժամիջոցներից, ցրված էին և պատակտված: Այս իրողությունները տպավորություն էին ստեղծել, որ ձախակողմյան ծայրահեղական շարժումներն այլևս չեն կարողանա շարունակել իրենց գործունեությունը, սակայն իրադարձությունների հետագա զարգացումներն այլ պատկեր ստեղծեցին:

Ձախակողմյան շարժումների գործունեության վերսկսմանը մեծապես նպաստեց այն հանգամանքը, որ 1974 թ. Բ. Էջևիթի կառավարությունը համապետական համաներումը տարածեց նաև Թուրքիայի քրեական օրենսգրքի (Թ-ԲՕ) 141-րդ և 142-րդ հոդվածներով դատապարտված մոտ 4000 անձանց վրա: Կոմունիստական գործունեության և քարոզի դեմ ուղղված Թ-ԲՕ 141-րդ և 142-րդ հոդվածներով դատապարտվածների համաներման արդյունքում ազատության մեջ հայտնվեցին ձախ կողմնորոշում ունեցող բազմաթիվ երիտասարդներ: Պետք է նշել, որ բանտերում նրանց նկատմամբ կիրառված անմարդկային խոշտանգումները ևս մեծապես նպաստել էին ձախակողմյան երիտասարդության ծայրահեղականացմանը՝ էլ ավելի խորացնելով նրանց հաստատականությունը «ամեն գնով» փոխել երկրի կարգը: Այդ իրողություններում ձախակողմյանները ձեռնամուխ եղան նոր շարժման նախաձեռնմանը:

1975 թ. խորհրդարանական աջ ուժերի միասնությամբ (Արդարություն կուսակցություն, Ազգային փրկության կուսակցությո-

յուն, Ազգայնական շարժում կուսակցություն, Հանրապետական վստահության կուսակցություն) իշխանության եկած՝ Ազգայնական ճակատ անունը կրող կոալիցիոն կառավարության²³⁴ գլխավոր նպատակը ևս ձախ ուժերի ընդլայնմանը խոչընդոտելն էր²³⁵: Ֆաշիստական տարրեր պարունակող ԱԶ-ն, չքավարավելով պայքարի միայն վարչական (իշխանական) միջոցներով, այն դուրս բերեց փողոց՝ զանգվածային ահաբեկչություն ծավալելով ձախերի դեմ: Իշխանությունները որպես ահաբեկչական պայքարի միջոց օգտագործում էին «գորշ գայլերին»: ԱԶ քաղաքականությունը խորացնում էր քեռացումն աջերի և ձախերի միջև, որն ի վերջո հանգեցրեց աջ և ձախ ծայրահեղականների կողմից իրականացվող զանգվածային ահաբեկչության ակիբի կտրուկ աճին: Համաձայն թուրքական մամուլի՝ 1970-ական թթ. վերջերին Թուրքիայում գործում էր մոտ 60 ձախակողմյան ծայրահեղական կազմակերպություն²³⁶, որոնց գլխավոր նպատակը զինված հեղափոխությունն էր: Ձախակողմյան ծայրահեղական կազմակերպություններից առավել ազդեցիկ էին ԹՀԲՓ-ԹՀԲԶ-ն (Türkiye Halk Kurtuluş Partisi- Türkiye Halk Kurtuluş Cephesi - Թուրքիայի ազգային ազատագրական կուսակցություն, Թուրքիայի ազգային ազատագրական ճակատ), ԴԵՎ-ՍՈՆԼ-ը (Devrimci Sol, Հեղափոխական ձախ), ԴԵՎ-ՅՈՆԼ-ը (Devrimci Yol - Հեղափոխական ուղի)²³⁷, ՄԼՍՓ-Բ-ն (Marksist-Leninist Silahlı Propaganda-Birliği - Մարքսիստական-լենինյան զինված քարոզչության միություն), ՀԴՕ-ն (Halkın Devrimci Öncüleri - Ժողովրդի հեղափոխական առաջապահներ), ԹԲՓ/ՄԼ-ն (Türkiye Komünist Partisi/Marxist Leninist - Թուրքիայի կոմունիստա-

234 Cem İ., Siyaset Yazıları, 1975-80 Türkiyesi, İstanbul, 1980, s. 11-15.

235 Birand M. A., Bilal H., Akar R., նշվ. աշխ., էջ 51.

236 Cumhuriyet, 08, 02, 1981.

237 ԴԵՎ-ՅՈՆԼ-ն ու ԴԵՎ-ՍՈՆԼ-ը կազմավորվեցին ԴԵՎ-ԳԵՆԶ-ի պատակմամբ արդյունքում:

կան կուսակցություն/մարքսիստ-լենինիստ)՝ իր զինված խմբավորումով, որը կոչվում էր ԹԻԲԲՕ (Türkiye İşçi Köylü Komünist Ordusu - Թուրքիայի աշխատավորական գյուղացիական կոմունիստական բանակ) և այլն:

Նշված կազմակերպությունների գործունեությունն ընդհանուր առմամբ չէր տարբերվում ձախակողմյան ծայրահեղականների 1970-1972 թթ. գործունեությունից: Հիմնական առանձնահատկությունն այն էր, որ 1970-ական թթ. երկրորդ կեսին ընդարձակվել էր նրանց գործունեության աշխարհագրությունը՝ տարածվելով ամբողջ երկրով մեկ²³⁸: Ձախակողմյան ծայրահեղականների ահաբեկչության թիրախ էին դառնում հիմնականում աջ ծայրահեղականները, իշխանությունների ներկայացուցիչները, զինվորականները, ոստիկանության աշխատակիցները, աջ քաղաքական ուժերի ներկայացուցիչները և այլն: Միայն ՀԴՕ-ն 1978 թ. 10 ամիսների ընթացքում 36 ահաբեկչական գործողություն է իրականացրել, որոնք ուղղված են եղել ԱՇԿ գրասենյակների, «գաղափարապաշտների ակումբների», «Սաբանջը Հոլդինգի» Ստամբուլի և Անկարայի վարչական կենտրոնների դեմ²³⁹: 1980 թ. մայիսի 27-ին ԴԵՎ-ՍՈԼ-ի զինյալների կողմից սպանվեց ԱՇԿ փոխնախագահ Գյուն Սազաքը²⁴⁰: Այդ սպանությունն ազգայնամոլական ուժերի դեմ կազմակերպված ձախ ծայրահեղականների ամենահին ահաբեկչական գործողություններից էր: Սազաքի սպանությանը հաջորդած մի քանի օրերի ընթացքում «գորշ գայլերը», փորձելով հակահարված հասցնել ձախակողմյաններին, զանգվածային հարձակումներ իրականացրին երկրի տարբեր շրջաններում, որի հետևանքով զոհվեց մոտ 20 երիտասարդ²⁴¹:

238 Запорожец В., Колесников А., Турция: Общество и армия, том I, стр. 170.

239 Նույն տեղում:

240 Yalçın S & Yurdakul D., REİS, Gladio'nun Türk Tetikçisi, s. 110.

241 Kenan Evren, Kenan Evren'in Anıları Cilt-1, İstanbul, 1990, s. 574.

Ձախակողմյան ծայրահեղականների հաջորդ հնչեղ ասիաբեկչական գործողությունը տեղի ունեցավ 1980 թ. հուլիսի 19-ին, երբ ԴԵՎ-ՍՈՒ-ի զինյալները սպանեցին Նիհաթ Էրիմին, որը «Մարտի 12-ի վարչակարգի» ժամանակաշրջանում գլխավորել էր կառավարությունը (26. 03. 1971-22. 05. 1972 թթ.)²⁴²: Նրա կառավարման տարիներին ձախակողմյան շարժումներին ծանր հարված հասցվեց: Սպանությանը հետևեց ԴԵՎ-ՍՈՒ-ի հայտարարությունը՝ «Ֆաշիստ Գյուն Սազաքից հետո սպանեցինք ֆաշիստ Նիհաթ Էրիմին»²⁴³:

Ձախակողմյան ծայրահեղականների գործունեությունը լայն տարածում գտավ նաև քրդերով բնակեցված արևելյան շրջաններում²⁴⁴, և քրդերն էլ ակտիվորեն ներգրավված էին ձախակողմյան կազմակերպություններում: 1970-ական թթ. կեսերից Թուրքիայում սկսեցին գործել նաև քրդական կազմակերպություններ՝ Քրդստանի աշխատավորական կուսակցություն (PKK), ՔՌՆԱԿ, ՔԱՎԱ և այլն²⁴⁵: Այս կազմակերպությունների հիմնական մասն ուներ ձախակողմյան ուղղվածություն և ընդհանուր առմամբ պայքարում էր սոցիալիստական շարժումների հետ համատեղ: Քննարկվող ժամանակաշրջանում Թուրքիայի քրդերի ազգային ինքնագիտակցությունը դեռևս բարձր մակարդակի վրա չէր, սակայն հետագայում ռազմական հեղաշրջման հեղինակների կողմից քրդական անջատողականությունը նշվում էր հեղաշրջման առանցքային պատճառների շարքում, որն ընդամենը փորձ էր արդարացնել քրդական շարժումների նկատմամբ զինվորական իշխանությունների խիստ պատժամիջոցները:

242 <http://www.tbmm.gov.tr/hukumetler/hukumetler.htm>

243 Alatlı E., նշվ. աշխ., էջ 587.

244 Шахназаров О., Корниенко Р., Турецкие маюистские группировки после отмены чрезвычайного положения (1973-1976 гг.), Специальный бюллетень, No. 6 (181), Москва, 1976, стр. 123-134.

245 Gunter M. M., The Kurdish Problem in Turkey, Middle East Journal, Vol. 42, No. 3, Summer 1988, pp. 389-406.

Այսպիսով, ձախակողմյան ծայրահեղական ահաբեկչությունը 1970-ական թթ. վերջերին զանգվածային բնույթ էր ստացել և տարածվել ողջ երկրով մեկ: Նրանց ահաբեկչական գործունեությունը լրջորեն մտահոգում և անհանգստություն էր պատճառում երկրի իշխանություններին և զինվորականությանը:

Այսպիսով, ձախակողմյան ծայրահեղական ահաբեկչությունը 1970-ական թթ. վերջերին զանգվածային բնույթ էր ստացել և տարածվել ողջ երկրով մեկ: Նրանց ահաբեկչական գործունեությունը լրջորեն մտահոգում և անհանգստություն էր պատճառում երկրի իշխանություններին և զինվորականությանը:

1980 Թ. ՍԵՊՏԵՄԲԵՐԻ 12-Ի ՌԱԶՄԱԿԱՆ ՀԵՂԱՇԻՋՈՒՄԸ

Հեղաշրջման նախապայտրասպումը և ընթացքը

Ռազմական հեղաշրջումների միջոցով իշխանության գավթումը եղել է բոլոր ժամանակներում, սակայն 20-րդ դարում ի հայտ եկան նոր իրողություններ, երբ ռազմական հեղաշրջումների միջոցով իշխանության էր գալիս զինվորական կառավարություն: Այդ երևույթը լայն տարածում ստացավ հատկապես Երկրորդ համաշխարհային պատերազմից հետո: Ռազմական հեղաշրջումների պատճառները կապված են ինչպես ներքին, այնպես էլ արտաքին գործոնների հետ: Ներքին պատճառներն ընդհանուր առմամբ կարելի է բաժանել երկու խմբի՝ զինվորականության շուրջ կենտրոնացած և հասարակության շուրջ կենտրոնացած գործոններ²⁴⁶: Զինվորականության շուրջ կենտրոնացած պատճառները գլխավորապես կապված են զինվորականների սոցիալական վիճակի, իշխանության հասնելու նրանց նկրտումների, բանակում տիրող բարոյա-հոգեբանական մթնոլորտի և այլ հանգամանքների հետ: Ռազմական հեղաշրջման այն պատճառները, որոնք բխում են հասարակության շուրջ կենտրոնացած գործոններից, առաջանում են զինվորականությունից անկախ: Այդպիսի պատճառներ կարող են դառնալ քաղաքացիական պատերազմները, սոցիալ-տնտեսական ճգնաժամերը, հասարակության տարբեր շերտերի միջև բախումները,

²⁴⁶ Hague R., Harrop M. & Breslin S., Comparative Government and Politics, An Introduction, London, 1998, p. 239.

իշխանության ճգնաժամները և այլն: Մշակութաբան Օլեգ Գլազունովը հասարակության շուրջ կենտրոնացած պատճառներից հատկապես կարևորում է իշխանության ճգնաժամը և նշում է, որ առանց իշխանության համակարգային ճգնաժամի ռազմական հեղաշրջումն անհնար է²⁴⁷: Հաճախ ռազմական հեղաշրջման՝ զինվորականության շուրջ կենտրոնացած և հասարակության շուրջ կենտրոնացած պատճառները փոխկապակցված են լինում: Դրանց միջև հիմնական տարբերությունն այն է, որ զինվորականության շուրջ կենտրոնացած պատճառներով տեղի ունեցած հեղաշրջումները գլխավորապես նպատակ են ունենում փրկել զինվորականությանը, իսկ այն ռազմական հեղաշրջումները, որոնց պատճառները կախված են հասարակության շուրջ կենտրոնացած գործոններից, նպատակատուղված են լինում երկիրը (հասարակությունը) փրկելուն²⁴⁸:

Հաշվի առնելով այն հանգամանքները, որ 1970-ական թթ. վերջերին Թուրքիան գտնվում էր քաղաքական-տնտեսական խոր ճգնաժամի մեջ, ահաբեկչությունն աննախադեպ ծավալների էր հասել, երկրի սուսնի և ալևի կրոնական համայնքների միջև բախումներն ավելի հաճախակի էին դարձել, կարելի է նշել, որ թեև 1980 թ. ռազմական հեղաշրջման պատճառների մեջ առկա էին նաև զինվորականության շուրջ կենտրոնացած գործոններ (երկրի սոցիալ-տնտեսական ճգնաժամը նպաստում էր զինվորականության սոցիալական վիճակի վատթարացմանը. մասնավորապես 1970-ական թթ. վերջերին մեծապես նվազել էին OYAK-ի եկամուտները՝ նախորդ տարիների համեմատ²⁴⁹), այնուամենայնիվ, 1980 թ. ռազմական հեղաշրջման

247 Глазунов О., Государственный переворот. Стратегия и технология, Москва, 2006, стр. 84.

248 Hague R., Harrop M. & Breslin S., նշվ. աշխ., էջ 240-242.

249 Այդ մասին առավել մանրամասն տե՛ս Akça İ., Kolektif Bir Sermayedar Olarak Türk Silahlı Kuvvetleri. - Bir Parti. Türkiye'de Ordu, İstanbul, 2004, s. 225-270.

մեջ ընդհանուր առմամբ գերիշխող էին հասարակության շուրջ կենտրոնացած պատճառները:

1980 թ. ռազմական հեղաշրջումը երկար նախապատրաստված և մանրամասն ծրագրված գործողությունների ծնունդ էր²⁵⁰: Ռազմական հեղաշրջման նախապատրաստական գործընթացը սկսվել էր դեռ 1978 թ. աշնանը, երբ ԳՇ պետ Քենան Էվրենի հրահանգով հենց Գլխավոր շտաբում սկսեց գործել երկու սպայից կազմված աշխատանքային մի խումբ, որը պիտի ուսումնասիրեր երկրում ռազմական հեղաշրջման անհրաժեշտությունը²⁵¹: Խմբի աշխատանքները ղեկավարում և համակարգում էր ԳՇ պետի տեղակալ, բանակի գեներալ Հայդար Սալթըքը: Այդ խմբի գլխավոր նպատակներից էր նաև ուսումնասիրել, թե ինչ հիմք պիտի ունենա զինվորականների միջամտությունը երկրի քաղաքական կյանքին: Այսպիսով, արդեն հեղաշրջման նախապատրաստման սկզբնական շրջանում երևում էր, որ զինվորականները կարևորում էին քաղաքական կյանքին միջամտության հիմնավորված լինելու հանգամանքը:

1979 թ. առաջին օրերից սկսած՝ ԳՇ պետ Քենան Էվրենը հաճախակիացրեց իր այցելությունները զորամասեր և հանդիպումները զինված ուժերի հրամանատարության հետ, որոնց ժամանակ Էվրենը մատնանշում էր երկրում տիրող մի շարք ճգնաժամային իրավիճակները՝ ըստ այդմ էլ ընդգծելով բանակի միջամտության անհրաժեշտությունը²⁵²: Զինվորականության հետ հանդիպումների ընթացքում Էվրենը փորձում էր հասկանալ նաև հնարավոր ռազմական հեղաշրջման նկատմամբ բանակում տիրող տրամադրվածությունը: 1979 թ. կեսերից սկսած՝ զինվորական վերնախավը ռազմական հեղաշրջմանն այլընտ-

250 Hale W., *Turkish Politics and the Military*, London, 1994, p. 232.

251 Oran B., *Kenan Evren'in Yazılmamış Anıları*, Ankara, 1990, s. 23.

252 Birand M. A., 12 Eylül Saat: 04:00, s. 106.

րանք չէր տեսնում, և արդեն 1979 թ. սեպտեմբերի 11-ին Հ. Սալթըքը ԳՇ սպայական կազմից մի քանի սպա ընտրեց ու ձեռնամուխ եղավ ռազմական հեղաշրջում ծրագրելու գործընթացին²⁵³։ Դեկտեմբերին Ք. Էվրենը, վերադառնալով Բոյոսեղ կառարած այցից, քննարկումներ անցկացրեց ՋՈւ հրամանատարության հետ քաղաքական կյանքին միջամտելու շուրջ։ Քննարկումների ժամանակ ՋՈւ հրամանատարության որոշ անդամներ պնդում էին անհապաղ հեղաշրջում իրականացնելու անհրաժեշտության մասին, սակայն բանակը որոշեց այդ փուլում հանդես գալ ընդամենը նախազգուշացնող նամակով²⁵⁴։ Նախ Ք. Էվրենը և Հ. Սալթըքը երկար քննարկեցին այդ նամակի բովանդակությունը, որից հետո, դեկտեմբերի 27-ին, Չանքայա նախագահական նստավայրում Քենան Էվրենը նախագահ Ֆահրի Բորոթյուրքին հանձնեց երկրում տիրող իրավիճակի վերաբերյալ բանակի մտահոգությունն արտահայտող նախազգուշացնող նամակը²⁵⁵։ «Նախազգուշացնող նամակը» նաև նպատակ էր հետապնդում ստուգել հասարակության և իշխանությունների արձագանքները բանակի հավանական միջամտությանը. բացի այդ, նամակը, ըստ էության, ռազմական հեղաշրջման առաջին ազդանշանն էր։

1980 թ. մարտի սկզբին զինվորականությունն ակտիվացրեց հեղաշրջման նախապատրաստական աշխատանքները. Հ. Սալթըքի ղեկավարած խումբը պատրաստեց հեղաշրջման ռազմավարությունն ընդգրկող ծրագիրը, որը ստացավ «Դրոշակ գործողություններ» (Bayrak Harekati) անվանումը։ Մարտի 4-16-ն ընկած ժամանակահատվածում ԳՇ պետը և ՋՈւ հրամանատարությունն ուսումնասիրեցին և քննարկեցին Սալթըքի պատրաս-

253 Yalçın S. & Yurdakul D., REİS, Gladio'nun Türk Tetikçisi, s. 82.

254 Kenan Evren, Kenan Evren'in Anıları, Cilt-1, s. 328-330.

255 Alıntı E., նշվ. աշխ., էջ 456-457.

տած ծրագիրը, որից հետո՝ ապրիլի 2-ին, հանդիպելով ռազմական դրության գործերի հրամանատարության հետ²⁵⁶, ստացան այդ ծրագրի վերաբերյալ վերջիններիս հավանությունը²⁵⁷:

Ջինվորականները ռազմական հեղաշրջման նախնական օր ընտրեցին հուլիսի 11-ը²⁵⁸՝ նաև հաշվի առնելով այն հանգամանքը, որ Բ. Էջնիթի կուսակցությունը խորհրդարանում Դեմիրելի կառավարության անվստահության հարցն էր բարձրացրել, որը քվեարկության էր դրվելու հուլիսի սկզբին: Կառավարության տապալման դեպքում իշխանության ճգնաժամ էր առաջանալու, ինչը լրացուցիչ հիմնավորում էր ստեղծում զինվորականների միջամտության համար: Սակայն Դեմիրելի կառավարությունը վստահության քվե ստացավ ԹԱՄԺ-ում, և զինվորականները նպատակահարմար գտան հետաձգել հեղաշրջումը: Այս հանգամանքը ևս հաստատում է, որ զինվորական վերնախավը չափազանց կարևորում էր բանակի միջամտության հիմնավորված լինելը: Ջինվորականները հասկանում էին, որ ինչքան հիմնավորված լինի իրենց միջամտությունը քաղաքական կյանքին, այնքան այն արդարացված և ընդունելի կլինի հասարակության կողմից: Այդ իսկ պատճառով զինվորականները որոշեցին սպասել հեղաշրջման նոր, ավելի հարմար պահի, ինչը երկար սպասել չտվեց:

Օգոստոսին կազմակերպիչները վերսկսեցին հեղաշրջման նախապատրաստման աշխատանքները. զինվորական հրամանատարությունը որոշեց հեղաշրջումն իրականացնել սեպտեմբերի 12-ին: Օրվա ընտրությունը պայմանավորված էր երկու հանգամանքով. Նախ՝ ԹԱՄԺ-ը ԱԲԿ առաջարկով քվեարկության էր դրել արտաքին գործերի նախարար Հայրեթթին Էրքմե-

256 1979 թ. դեկտեմբերին Քահրամանաբաշ քաղաքում տեղի ունեցած անկարգություններից հետո երկրի թագավորի վերջիններում ռազմական դրություն մտցվեց:

257 Yalçın S. & Yurdakul D., Bay-Pipo, s. 327.

258 Oran B., նշվ. աշխ., էջ 35.

նի անվտանգության հարցը, որը կայանալու էր սեպտեմբերի սկզբին, և Էրքմենին անվտանգություն հայտնելու դեպքում հավանական էր Դեմիրելի ամբողջ կառավարության տապալումը, ինչը կառաջացներ իշխանության ճգնաժամ²⁵⁹, և երկրորդ՝ սեպտեմբերի 9-ին նախատեսված էր Թուրքիայում անցկացնել ՆԱՏՕ Էնվիլ Էքսպրես (Anvil Express) կոչվող զորավարժությունները, և հնարավոր էր այդ զորավարժություններով քողարկել գինված ուժերի տեղաշարժերը²⁶⁰:

Օգոստոսի 26-ին ԳՇ պետը և ՋՈւ հրամանատարությունը քննարկեցին հեղաշրջման օրակարգը. որոշվեց հեղաշրջումից անմիջապես հետո ստեղծել Ազգային անվտանգության խորհուրդ, որն ընդգրկելու էր ԳՇ պետին, ՋՈւ հրամանատարներին, ժանդարմերիայի գլխավոր հրամանատարին: ԱԱԽ գլխավոր քարտուղար էր դառնալու Հայդար Սալթըքը (Հ. Սալթըքն այդ ժամանակ էգեյան բանակի հրամանատարն էր), իսկ ԳՇ պետ Քենան Էվրենը ղեկավարելու էր ԱԱԽ-ն: Հանդիպման ժամանակ որոշվեց նաև արգելել ԹԱՄԺ և կառավարության գործունեությունները²⁶¹:

Սեպտեմբերի առաջին օրերին ԳՇ 2-րդ պետ, բանակի գեներալ Նեջդեթ Օզթուրունը հանդիպեց ռազմական դրության հրամանատարների հետ և մանրամասն ծանոթացրեց «Դրոշակ գործողություն» ծրագրին²⁶²: Սեպտեմբերի 8-ին վերջին անգամ ՋՈւ հրամանատարությունը հավաքվեց և քննարկեց հեղաշրջման հետ կապված մանրամասները, հրամանատարները հաստատեցին ԱԱԽ հայտարարությունների տեքստերը²⁶³: Հեղաշրջումից առաջ որոշում ընդունվեց ֆինանսների նախարա-

259 Սեպտեմբերի սկզբին ԹԱՄԺ-ը անվտանգություն հայտնեց Հ. Էրքմենին, սակայն Դեմիրելին հաջողվեց պահպանել կառավարությունը:

260 Birand M. A., նշվ. աշխ., էջ 106.

261 Kenan Evren, Kenan Evren'in Anıları, Cilt-1, s. 526-528.

262 Նույն տեղում, էջ 534:

263 Նույն տեղում, էջ 537-540:

րի պաշտոնը վստահել Թուրգութ Օզալին²⁶⁴, որը վայելում էր արևմտյան երկրների վստահությունը և «հունվարի 24-ի» բարեփոխումների ծրագրի հեղինակն էր: Այդ քայլը, եթե նույնիսկ պարտադրված չէր արևմտյան ուժերի կողմից, ապա արվում էր նրանց բարյացակամությունը շահելու նպատակով՝ ընդգծելով «հունվարի 24-ի» բարեփոխումների ծրագիրը շարունակելու զինվորականների մտադրությունները:

Ըստ էության, նախապատրաստական բոլոր գործողություններն ավարտելուց և գորքերի որոշ վերադասավորումներ կատարելուց հետո կազմակերպիչները սկսեցին սպասել ԳՇ պետի հրամանին: Սեպտեմբերի 11-ի երեկոյան ձերբակալվեց և գաղտնի Գլխավոր շտաբ բերվեց ԹՐԹ-ի (Türkiye Radyo ve Televizyon Kurumu - Թուրքիայի ռադիոյի և հեռուստատեսության վարչություն) տնօրեն Դողան Քասարօղլուն: Նրան այնտեղ պահեցին մինչև հեղաշրջման գործողությունների ավարտը: Գլխավոր շտաբ բերվեց նաև հեռուստատեսության հաղորդավար Մեսութ Մերթչանին, որին հրամայված էր ծանոթանալ ԱԱԽ հայտարարություններին՝ հեռուստատեսությամբ կարդալու համար: Կազմակերպիչները Գլխավոր շտաբ բերեցին նաև ոստիկանության բարձրաստիճան պաշտոնյաներ և այնտեղ պահեցին մինչև գործողությունների ավարտը: Ժամը 2-ին զինվորականները հայտնեցին հեղաշրջում սկսելու մասին գաղտնաբառը, որից հետո սկսվեցին բուն գործողությունները²⁶⁵: Ջորքերը նախ շրջապատեցին քաղաքական կուսակցությունների և կազմակերպությունների գրասենյակները: Ի դեպ, զինվորականները հատուկ ուշադրություն էին դարձնում այն կուսակցություններին և կազմակերպություններին, որոնցից որոշակի հակազդեցություն էին

264 Alatin E., նշվ. աշխ., էջ 607-610.

265 Родионов А., Турция - перекресток судеб. Воспоминания посла, Москва, 2006, стр. 243.

սպասում, ինչպես, օրինակ՝ ԱՇԿ-ին, ԴԻՄԿ-ին, «գաղափարապաշտների» կազմակերպություններին և այլն: Ջինվորականները Գլխավոր շտաբ «հրավիրեցին» չորս խոշոր կուսակցությունների գլխավոր քարտուղարներին՝ Հ. Չեթինին (ՀԺԿ), Ն. Մենթեշեին (ԱԿ), Օ. Ասիլթյուրքին (ԱՓԿ), Ն. Գյուլթեքին (ԱՇԿ) և նրանց ծանոթացրին ԱԱԽ 1-ին հայտարարությանը: Կուսակցությունների ղեկավարներից Բյուլենթ Էջլիթին և Սուլեյման Դեմիրելին փոխադրեցին Դարդանելի ավիին գտնվող Համգաքոյ կոչվող զինվորական կայազոր, Նեջմեթթին Էրբաքանին՝ Էգեյան ծովում գտնվող Ուզունսդա կղզի, որտեղ, երեք օր փախուստի մեջ գտնվելուց հետո, նրան միացավ նաև Ալփարսլան Թյուրքեշը: Հանրապետական վստահություն կուսակցության նախագահ Թուրհան Ֆեյզիօղլուն և Մենատի նախագահ Իհսան Չաղլայանգիլը տնային կալանքի ենթարկվեցին: Ջինվորականները ձերբակալեցին Ազգայնական շարժում կուսակցության և Ազգային փրկություն կուսակցության բոլոր պատգամավորներին: Կարճ ժամանակահատվածում առանց որևէ լուրջ դիմադրության զինվորականներն իրենց վերահսկողության տակ վերցրին ռազմավարական նշանակության բոլոր օբյեկտները, կալանավորեցին ազդեցիկ քաղաքական գործիչներին՝ գրկելով հակազդեցության ամենաչնչին հնարավորությունից, ինչն ինքնին խոսում է հեղաշրջման մանրամասն կազմակերպված լինելու մասին: Կարևոր ենք համարում փաստել, որ 1980 թ. սեպտեմբերի 12-ի ռազմական հեղաշրջումն իրականացավ առանց լուրջ հակազդեցության, քանի որ այն ուներ նաև հասարակական պահանջ:

Սեպտեմբերի 12-ի առավոտյան ժամը 04:00-ին հեռուստատեսությամբ հնչեց ռազմական ուսումնարանի քայլերգը, որից հետո ընթերցվեց Ազգային անվտանգության խորհրդի (Milli Güvenlik Konseyi) առաջին հայտարարությունը, որտեղ նշվում

էր, որ «երկրի և ազգի միասնության պահպանման, հնարավոր քաղաքացիական պատերազմի կանխման, պետության և նրա հեղինակության վերականգնման» նպատակով թուրքական բանակը, «կատարելով պարտքը», իր ձեռքն է վերցնում երկրի ամբողջ իշխանությունը: Հայտարարության մեջ նաև տեղեկացվում էր, որ լուծարվել են խորհրդարանը և կառավարությունը²⁶⁶:

Նույն օրը հրապարակվեց ԱԱԽ ևս 7 հայտարարություն: Օրինակ, 4-րդ հայտարարության մեջ նշվում էր, որ երկրի ամբողջ իշխանությունն անցնում է նորաստեղծ Ազգային անվտանգության խորհրդին, ներկայացված էր նաև խորհրդի անդամների կազմը. նախագահ՝ ԳՇ պետ Քենան Էվրեն, անդամներ՝ ցամաքային զորքերի հրամանատար Նուրեթթին Էրսին, ռազմաօդային զորքերի հրամանատար Թահսին Շահինքայա, ռազմածովային զորքերի հրամանատար Նեժաթ Թյումեր և ժանդարմերիայի հրամանատար Սեդաթ Ջելասուն: ԱԱԽ գլխավոր քրտուղար էր նշանակվում Հայդար Սալթըքը²⁶⁷:

Հեղաշրջումն արդեն կայացած փաստ էր. թուրքական բանակը քսան տարիների ընթացքում արդեն երրորդ անգամ ուղղակի միջամտեց երկրի քաղաքական անցուղարձին:

Արտաքին գործոնի դերը սեպտեմբերի 12-ի հեղաշրջման իրականացման գործում

1980 թ. ռազմական հեղաշրջման նախապատրաստման և իրականացման գործընթացի վրա որոշակի ազդեցություն ունեցան նաև արտաքին գործոնները: Սառը պատերազմի տարիներ

266 Milli Güvenlik Konseyi'nin 1 Numaralı bildirisi, http://www.belgenet.com/12eyul/12091980_01.html

267 Milli Güvenlik Konseyi'nin 4 Numaralı bildirisi, http://www.belgenet.com/12eyul/12091980_04.html

րին Թուրքիան բացահայտ արևմտամետ քաղաքականություն էր իրականացնում: 1952 թ. անդամակցելով ՆԱՏՕ-ին՝ Թուրքիան ամրապնդեց հարաբերություններն արևմտյան երկրների, մասնավորապես՝ ԱՄՆ-ի հետ: Թուրքիայի ղեկավարները երկրի ընդգծված արևմտամետ արտաքին քաղաքականության հիմնավորման համար որպես գլխավոր կոկան նշում էին հտորհրդային Միության սպառնալիքը²⁶⁸: Սառը պատերազմի տարիներին ԱՄՆ-ը մեծածավալ ֆինանսական և ռազմական օգնություն էր հատկացնում Թուրքիային. թուրքական բանակն էականորեն վերազինվեց, երկրի տարածքում տեղակայվեցին ռազմական բազաներ, թուրքական սպայական կազմը որակյալ վերապատրաստում անցավ և այլն:

Սակայն անցած դարի 70-ական թթ. թուրք-ամերիկյան հարաբերություններում որոշակի լարվածություն էր նկատվում, ինչը հատկապես ընդգծվեց, երբ թուրքական զորքերը, առանց ԱՄՆ և ՆԱՏՕ համաձայնությունը ստանալու, գրավեցին Կիպրոսի տարածքի մոտ 38%-ը: Կիպրոսում թուրքական բանակի գործողություններին ի պատասխան՝ 1974 թ. հոկտեմբերի 18-ին ԱՄՆ կոնգրեսն ընդունեց Թուրքիային հատկացվող ռազմական օգնության վրա էմբարգո դնելու մասին բանաձև: Կոնգրեսականները հիմնավորում էին իրենց որոշումն այն հանգամանքով, որ Կիպրոսում ռազմական գործողությունների ժամանակ Թուրքիան օգտագործել է ԱՄՆ-ից ստացած զինամթերքը, որն, ըստ համաձայնության, կարող էր գործածվել միայն պաշտպանության, ներքին անվտանգությունն ապահովելու կամ համատեղ պաշտպանողական գործողությունների ժամանակ²⁶⁹:

²⁶⁸ Cumhuriyet, 20, 12, 1972.

²⁶⁹ Поцхверия Б., Внешняя политика Турции в 60-х – начале 80-х годов XX в., Москва, 1986, стр. 132.

Ամերիկյան կոնգրեսականների էմբարգոյին 1975 թ. հունիսի 25-ին հետևեց Թուրքիայի կառավարության հայտարարությունը՝ համատեղ պաշտպանության ռազմաբազաների վրա միանձնյա վերահսկողություն հաստատելու վերաբերյալ: Թուրքական կառավարությունն այդ քայլով, ըստ էության, դադարեցնում էր ամերիկյան 25 ռազմաբազայի գործունեությունը, բացառություն կազմեցին մի քանիսը միայն, այդ թվում Ինջիրլիքում գտնվող ռազմաօդային բազան²⁷⁰: Միաժամանակ թուրքական կառավարությունը հայտարարեց 1969 թվականի թուրք-ամերիկյան համաձայնագրից հրաժարվելու մասին:

Այդպիսով, 1970-ական թթ. ԱՄՆ դիրքերը Թուրքիայում զգալիորեն թուլացան, ինչը որոշ վերլուծական և քաղաքական շրջանակներ պայմանավորում էին այն հանգամանքով, որ ամերիկյան իշխանական շրջանակներում այդ ժամանակաշրջանում որպես տարածաշրջանային առաջնային երկիր ավելի շատ դիտարկվում էր Իրանը: 1974-1983 թթ. Թուրքիայում ԽՍՀՄ արտակարգ և լիազոր դեսպան Ա. Ռոդիոնովը գրում է, որ մինչև Իրանի իսլամական հեղափոխությունը «տպավորությունն այնպիսին էր, որ Թուրքիայի նշանակությունը Պենտագոնի համար նվազում էր. Անկարայում փակվում էին մի շարք ամերիկյան ռազմական բազաներ, միաժամանակ Իրանում ուժեղանում էր ամերիկյան ռազմական դիրքերի ամրապնդումը»²⁷¹:

Սակայն Իրանում իսլամական հեղափոխությունը և խորհրդային զորքերի գործողություններն Աֆղանստանում խախտեցին տարածաշրջանում ուժերի հաստատված հավասարակշռությունը՝ թուլացնելով ԱՄՆ դիրքերը: Միացյալ Նահանգներում ստիպված էին տարածաշրջանում դիրքերը վերականգնելու նոր ուղիներ փնտրել, ինչը հանգեցրեց Թուրքիայի դերի կտրուկ

270 Նույն տեղում, էջ 137:

271 Родинон А., Турция - перекресток судеб. Воспоминания посла, стр. 171-172.

աճին²⁷²: 1979 թ. հունվարին ԱՄՆ-ում ստեղծվեց պետական հատուկ հանձնախումբ՝ ռազմավարական հետաքրքրություններ կայացնող երկրների, այդ թվում և Թուրքիայի ներքաղաքական իրավիճակներն ուսումնասիրելու նպատակով: Հանձնախումբը, որի մեջ ընդգրկված էին բարձրաստիճան պաշտոնյաներ և գիտնականներ, պետք է պատասխաններ՝ հնարավոր է արդյոք այդ երկրներում իրանական սցենարի կրկնությունը, և նման դեպքերում ինչպիսին պետք է լինի ԱՄՆ հակազդեցությունը: Այդ ժամանակաշրջանում Վաշինգտոնին հատկապես անհանգստացրին Թուրքիայի վերաբերյալ կատարված ուսումնասիրությունները²⁷³: Թուրքիայում ահաբեկչության ահագնացումը, ձախ շարժման ընդլայնումը, իսլամական ուժերի գործողությունները և իշխանությունների կողմից իրավիճակի անվերահսկելիությունը դիտարկվեցին որպես հակաամերիկյան հեղափոխության հնարավոր ուղի և լրջորեն մտահոգեցին ԱՄՆ ղեկավարներին:

1979 թ. հունվարին Գվադելուպայում կայացավ ԱՄՆ նախագահ Ջիմի Բարթերի, Ֆրանսիայի նախագահ Ժիսկար դ'Էստենի, Մեծ Բրիտանիայի վարչապետ Ջեյմս Բալախենի և Գերմանիայի կանցլեր Հելմութ Շմիդտի հանդիպումը, որի ժամանակ որոշվեց անհապաղ օգնություն ցույց տալ Թուրքիային²⁷⁴: Այդ օգնությունը երկար սպասել չտվեց, և շուտով արևմտյան ֆինանսական կազմակերպություններն սկսեցին մեծածավալ ֆինանսավարկային միջոցներ տրամադրել Թուրքիային՝ երկիրը

272 Հարկ է նշել, որ Իրանի իսլամական հեղափոխությունը՝ իր հնարավոր արտաժամանակները, սպառնալիքով, և Աֆղանստանում սովետական զորքերի ռազմական գործողությունները՝ տարածաշրջանում սովետական ազդեցության ուժեղացման վտանգով, մտահոգություններ առաջացրին նաև Թուրքիայի զինվորական վերնախավի շրջանակներում:

273 Крeмнeюк В., Борьба Вашингтона против революции в Иране, Москва, 1984, стр. 157-158.

274 Поцхверия Е., Турция, США и НАТО в конце 70-х – начале 80-х годов, Турция. История, экономика, политика, Москва, 1984, стр. 86.

ճգնաժամային իրավիճակից դուրս բերելու նպատակով: Այդ միջոցառումների շրջանակներում կարելի է դիտարկել նաև «հունվարի 24-ի» տնտեսական բարեփոխումների ծրագիրը, որը ստեղծվեց արևմտյան ֆինանսական կազմակերպությունների որոշիչ մասնակցությամբ և միտված էր երկրի տնտեսության ճգնաժամային վիճակը կարգավորելուն²⁷⁵: Սակայն Թուրքիայում տիրող անկայուն և անվերահսկելի իրավիճակը, ըստ էության, անհնար էր դարձնում միայն տնտեսական միջոցներով երկրի ներքին դրությունը կարգավորելու հնարավորությունները: Այդ իրողություններում ռազմական հեղաշրջումը սկսեց դիտվել որպես լավագույն միջոց երկիրը նման իրավիճակից դուրս բերելու և արևմտյան ճամբարում պահելու համար²⁷⁶:

ԱՄՆ իշխանական շրջանակներում Թուրքիայում ռազմական հեղաշրջման անհրաժեշտությունն առաջին անգամ սկսեց քննարկվել 1979 թ. սկզբներին²⁷⁷: Հատկանշական է, որ հեղաշրջման անհրաժեշտության մասին պնդում էին Պենտագոնը և Կենտրոնական հետախուզական վարչությունը, իսկ վաշինգտոնյան քաղաքացիական իշխանական շրջանակները սկզբում դեմ էին արտահայտվում Թուրքիայում ռազմական հեղաշրջում իրականացնելուն²⁷⁸: Վաշինգտոնում գտնում էին, որ պետք է ֆինանսական աջակցություն ցուցաբերել Էջնիթի կառավարությանը՝ փորձելով ժողովրդավարական միջոցառումներով

275 Çölaşan E., 24 Ocak Bir Dömenin Perde Arkası, İstanbul, 1983, s. 57-73.

276 Սառը պատերազմի տարիներին ԱՄՆ-ի և խորհրդային Միության կողմից ռազմական հեղաշրջումները դիտվում էին թե՛ որպես նրկում ընդդիմադիր շարժումների ճնշման և թե՛ երկրի քաղաքական ուղղության փոփոխության հնարավոր միջոց: Ձինվորականները, հաճախ շունենալով քավարար աջակցություն հասարակության կողմից, կարողանում էին հեղաշրջում իրականացնել և ղեկավարել նրկիրը՝ ստանալով գերիզոր ուժի տնտեսական, քաղաքական և ֆինանսական աջակցությունը: Այդ մասին մանրամասն տե՛ս Hague R., Harrop M. & Breslin S., Comparative Government and Politics, An Introduction, London, 1998, p. 239.

277 Birand M. A., 12 Eylül Saat: 04:00, s. 193.

278 Yalçın S. & Yurdakul D., Bay-Pipo, s. 326.

Թուրքիան դուրս բերել ճգնաժամից և կայունություն հաստատել երկրում: Սակայն Էջնիթի կառավարության անարդյունավետ քաղաքականությունը և ուժային կառույցների որոշակի ճնշումները նպաստեցին ԱՄՆ դիրքորոշման կարծրացմանը, և գերիշխող դարձավ ռազմական հեղաշրջում իրականացնելու անհրաժեշտության գիտակցումը²⁷⁹: Այդպիսով, 1979 թվականից սկսած՝ ԱՄՆ-ում թուրքական բանակի միջանտությունը երկրի քաղաքական անցուդարձին դիտվում էր որպես Թուրքիայի արևմտականացման և կայունության վերահաստատման հիմնական և ամենաարդյունավետ միջոց: Այդ իրողություններում ԱՄՆ-ը քարտ բլանշ տվեց թուրքական բանակի հրամանատարությանը՝ ռազմական հեղաշրջում իրականացնելու համար:

Թուրքիայում ռազմական հեղաշրջում իրականացնելու հետ կապված ամերիկյան քաղաքականության փոփոխության առաջին ազդանշանները հնչեցին 1979 թ. հունիսին ԳՇ պետ Քենան Էվրենի՝ ԱՄՆ կատարած այցի շրջանակներում ԱՄՆ նախագահի անվտանգության հարցերով խորհրդական Ջրիգնս Բժեզինսկու հետ հանդիպման ժամանակ: Հանդիպման ընթացքում քննարկվեցին Թուրքիայի ներքաղաքական իրավիճակը և բանակի դերը ներքաղաքական կյանքի հետագա զարգացումներում: Բժեզինսկին նշում էր, որ ԱՄՆ ղեկավարությունը «ցանկանում է տեսնել կայուն Թուրքիա, զարգացումները, սակայն, այդ ճանապարհով չեն գնում. անհրաժեշտ է ինչ-որ քայլեր ձեռնարկել»²⁸⁰: Զ. Բժեզինսկին ընդգծում էր, որ Իրանից և Աֆղանստանից հետո ԱՄՆ-ը չի ցանկանում կորցնել նաև Թուրքիան²⁸¹: Փաստորեն, Ք. Էվրենի և Զ. Բժեզինսկու հանդիպման ժամանակ առաջին անգամ հնչեցին հայտարարություններ,

279 Նույն տեղում, էջ 326:

280 Alatin E., Müdahale 12 Mart 1971-12 Eylül 1980, s. 398.

281 Yalçın S. & Yurdakul D., նշվ. աշխ., էջ 326.

որոնք թուրքական զինվորականությունից կոնկրետ քայլեր էին ակնկալում երկրում իրավիճակը կարգավորելու համար: Թուրքական զինվորականությանն ուղղված նմանօրինակ կոչերն ու հորդորներն ավելի հաճախակի դարձան 1980 թ. ընթացքում, և արևմտյան զինված ուժերի ներկայացուցիչներն ամեն առիթով նշում էին, որ Թուրքիայում բանակը պետք է միջամտի և երկրում կարգուկանոն հաստատի²⁸²: Օրինակ՝ 1980 թ. մայիսին Թուրքիայի ԳՇ 2-րդ պետ, բանակի գեներալ Հ. Սալթըքի և ՆԱՏՕ զորքերի գլխավոր հրամանատար, գեներալ Ռոջերսի միջև Բրյուսելում կայացած հանդիպման ժամանակ վերջինս ուղղակիորեն հարցնում էր, թե Թուրքիայում տիրող անկարգությունների դեմ թուրքական բանակն ինչ է մտադիր ձեռնարկել²⁸³:

ԱՄՆ պաշտոնական ներկայացուցիչները, թեև հեղաշրջումից հետո ամեն կերպ ժխտում էին դրա մասին տեղյակ լինելու հանգամանքը²⁸⁴, սակայն պետք է նշել, որ ԱՄՆ իշխանական շրջանակները ոչ միայն իրազեկված էին հեղաշրջման նախապատրաստման գործընթացին, այլև դրա հետ կապված գրեթե բոլոր հարցերը նախօրոք համաձայնեցված էին Վաշինգտոնի հետ: Պատահական չէր, որ հեղաշրջման նախապատրաստման փուլում յուրաքանչյուր վճռական քայլին նախորդում էր թուրք բարձրաստիճան զինվորականների այցն արևմտյան երկրներ: Այսպես, 1979 թ. ամռանը Ք. Էվրենը, վերադառնալով ԱՄՆ կատարած այցից, երկրի զինված ուժերի հրամանատարների հետ հանդիպում կազմակերպեց և առաջին անգամ քննարկեց զինվորականների՝ քաղաքական կյանքին միջամտելու անհրաժեշտությունը²⁸⁵: Ք. Էվրենի՝ 1979 թ. Բրյուսել կատարած այցին ան-

282 Այս մասին առավել մանրամասն տե՛ս Birand M. A., նշվ. աշխ., էջ 193-197:

283 Oran B., Kenan Evren'in Yazılmamış Anıları, Ankara, 1990, s. 33.

284 Paul J., The Coup. — MERIP Reports, no. 93, Turkey: The Generals Take Over, Jan. 1981, p. 4.

285 Alatiş E., նշվ. աշխ., էջ 402-406.

միջապես հաջորդեց զինվորականության նախագուշացնող նամակը՝ ուղղված երկրի քաղաքական ուժերին, որն, ըստ էության, 1980 թ. ռազմական հեղաշրջման առաջին ազդանշանն էր: Սեպտեմբերի 12-ի ռազմական հեղաշրջումից մի քանի օր առաջ ԱՄՆ-ում էր գտնվում ռազմաօդային զորքերի հրամանատար Թահսին Շահինքայան, ով ԱՄՆ բարձրաստիճան զինվորականության հետ հանդիպման ժամանակ քննարկեց զինվորական հեղաշրջման վերջին մանրամասները²⁸⁶: Այս հանգամանքը հաստատում է վերը նշված մեր այն տեսակետը, որ հեղաշրջման նախապատրաստման գործընթացում թուրք գեներալներն առանց ԱՄՆ իշխանական շրջանակների համաձայնության որոշիչ քայլեր չէին ձեռնարկում:

Հարկ է նշել, որ թեև ԱՄՆ-ն ուղղակիորեն չէր կազմակերպել հեղաշրջումը, սակայն ամեն կերպ աջակցում էր կազմակերպիչներին. ռազմական հեղաշրջման նախապատրաստման հարցերով զբաղվում էր Թուրքիայում Կենտրոնական հետախուզական վարչության (ԿՀՎ) ներկայացուցիչ Փոլ Հենցը²⁸⁷: Հեղաշրջումից տարիներ անց հրապարակված նյութերը հաստատում են այն տեղեկությունները, որ ուղղակի կապ է գոյություն ունեցել Թուրքիայում ԿՀՎ ներկայացուցիչ Փոլ Հենցի և հեղաշրջումն իրականացրած գեներալների միջև: Ուշագրավ է այն փաստը, որ 1980 թ. սեպտեմբերի 12-ին Փ. Հենցը, զանգահարելով Սպիտակ տուն, զեկուցել է. «Մեր տղաները արեցին դա» («our boys [in Ankara] did it.»)²⁸⁸:

1980 թ. ռազմական հեղաշրջումը հիմնականում դրական արձագանք ստացավ արևմտյան երկրներում²⁸⁹, հատկապես ԱՄՆ պաշտոնական շրջանակներում հեղաշրջումը բացահայտ գոհու-

286 Tuşalp E., Eüylül İmparatorluğu. Doğuşu ve Yükselişi, İstanbul, 1988, s. 45-46.

287 Alatlı E., նշվ. աշխ., էջ 543:

288 Şimşek E., Türkiye’de İstihbaratçılık ve MİT, İstanbul, 2004, s. 357.

289 Birand M. A., նշված աշխ., էջ 300-304.

նակությանը ընդունեցին: ԱՄՆ-ի կողմից այն գնահատվեց որպես կայունության հուսալի միջոց և Թուրքիայի արևմտամետ քաղաքականության ապահով երաշխիք²⁹⁰: Արևմտյան զանգվածային լրատվամիջոցներում ևս մեծ ոգևորությամբ էր ընդունվում հեղաշրջման փաստը. գրեթե բոլոր թերթերը նշում էին, որ թուրքական զինվորականությունը ձգտում է կայունություն հաստատել՝ փրկելու երկիրը կործանման վտանգից, որին կարող էին հանգեցնել ծայրահեղական շարժումները²⁹¹:

Այսպիսով, կարելի է նշել, որ արտաքին գործոնները որոշակի ներգործություն ունեցան ուսումնական հեղաշրջման կազմակերպման գործընթացում: 1970-ական թթ. Թուրքիայի նշանակությունը նոր կարևորություն ստացավ ԱՄՆ-ի համար, և վերջինս, չցանկանալով Իրանից հետո կորցնել նաև Թուրքիան որպես դաշնակից, կանաչ լույս վառեց թուրքական զինվորականության առաջ՝ ուսումնական հեղաշրջում իրականացնելու համար:

290 Данилов В., Турция 80-х: от военного режима до "ограниченной демократии", Москва, 1991, стр. 60.

291 Christian Science Monitor, 15 September 1980; International Herald Tribune, 13-14 September 1980.

**ԹՈՒՐՔԻԱՆ 1980-1983 ԹՎԱԿԱՆՆԵՐԻՆ.
ԱՆՑՈՒՄԱՅԻՆ ՇՐՋԱՆ**

Ջանգվածային պարտամիջոցներ

Սեպտեմբերի 12-ի հեղաշրջումից հետո ԱՄԽ-ն ռազմական դրություն մտցրեց մի շարք շրջաններում և նշանակեց հրամանատարներ՝ տեղերում իշխանությունն իրականացնելու նպատակով: ԱՄԽ-ն լուծարեց ԹԱՄԺ-ը և կառավարությունը, դադարեցրեց կուսակցությունների, կազմակերպությունների, արհմիությունների (քացառությամբ պետության վերահսկողության տակ գտնվող Թյուրք-Իշ-ի) գործունեությունը, արգելեց ցույցերն ու գործադուլները և այլն:

Այսպիսով, երկրի ամբողջ իշխանությունն անցավ անսահմանափակ իշխանությամբ օժտված ԱՄԽ ձեռքը, և Թուրքիայում սկսվեց «անցումային շրջանը», որը սովորաբար հաջորդում է ռազմական հեղաշրջումներին: 1980 թ. հեղաշրջման անցումային շրջանը նախորդ հեղաշրջման (1960 թ.) և զինվորականների «միջամտության» (1971 թ.) անցումային շրջանների համեմատ բավական երկար տևեց՝ ավելի քան երեք տարի: Դա հիմնականում պայմանավորված էր այն հանգամանքով, որ 1980 թ. սեպտեմբերի 12-ի պատճառները խոր ու տարաբնույթ էին և հեղաշրջման նպատակն ուղղված չէր գլխավորապես մեկ կուսակցության կամ երևույթի դեմ, ինչպես դա տեղի ունեցավ 1960 թ. հեղաշրջման (այն հիմնականում ուղղված էր իշխող Դեմոկրատական կուսակցության դեմ) և 1971 թ. զինվորականների «միջամտության» ժամանակ (նպատակ էր հետապնդում կանխել

ավելի ցածր աստիճանակարգ ունեցող զինվորականների կողմից նախապատրաստվող ռազմական հեղաշրջումը), և հետևաբար զինվորականներից ավելի երկար ժամանակ էր պահանջվելու հեղաշրջման պատճառները վերացնելու համար:

Զինվորական վերնախավի՝ իշխանությունը երկար տնօրինելու նպատակներն ակնհայտ դարձան արդեն սեպտեմբերի 16-ին ԱԱԽ նախագահ Քենան Էվրենի մամուլի ասուլիսի ժամանակ: Էվրենը նշեց հեղաշրջման մի շարք նպատակներ՝ վերացնել անիշխանությունը և ահաբեկչությունը, ապահովել հասարակության անվտանգությունը, կարգուկանոն հաստատել, բարձրացնել երկրի հեղինակությունը, բարելավել տնտեսության վիճակը, օրենսդրական փոփոխություններ իրականացնել, հետո նոր իշխանությունը փոխանցել քաղաքական կուսակցություններին: Քենան Էվրենը, թեև ընդգծում էր իշխանությունը քաղաքական կուսակցություններին փոխանցելու անհրաժեշտությունը, սակայն չէր նշում այն իրականացնելու կոնկրետ ժամկետներ²⁹²: Այսպիսով, պարզ էր դառնում, որ զինվորական իշխանությունները նպատակադրված էին երկրում բազմաթիվ փոփոխություններ իրականացնել և հետո նոր իշխանությունը փոխանցել կուսակցություններին, ինչը երկար ժամանակ էր պահանջելու:

Սեպտեմբերի 12-ի ռազմական հեղաշրջումից հետո առաջին օրերի ընթացքում ԱԱԽ-ն որոշակի դժվարությունների առջև կանգնեց՝ կապված կառավարության կազմավորման հետ: Հեղաշրջման հեղինակները կառավարության ղեկավարի պաշտոնում նշանակելու համար նախ քննարկեցին ԱԱԽ գլխավոր քարտուղար Հայդար Սալթըքի թեկնածությունը, սակայն այն քանից հետո, երբ Սալթըքը հրաժարվեց ղեկավարել կառավարությունը՝ զինվորական ծառայությունը շարունակելու պատճառաբանությամբ, ԱԱԽ-ն կանգ առավ Թուրիան Ֆեյզիօղ-

292 Kenan Evren'in Söylev ve Demeçleri, Ankara, 1981, s. 15-18.

լուի թեկնածության վրա²⁹³: Հանրապետական վստահություն կուսակցության²⁹⁴ (ՀՎԿ) առաջնորդ Թուրհան Ֆեյզիօղլուն դիտվում էր որպես Աթաթյուրքի ստեղծած Հանրապետական-Ժողովրդական կուսակցության քաղաքական և գաղափարական ժառանգության հավատարիմ հետևորդ: Նրան վարչապետի պաշտոնում նշանակելով՝ զինվորականները ցանկանում էին ընդգծել նաև Աթաթյուրքի նախանշած ճանապարհով գնալու նպատակադրվածությունը²⁹⁵: Հետաքրքիր է նշել, որ 1971-73 թթ. անցումային շրջանում զինվորականները, կառավարության ղեկավար ընտրելիս առաջնորդվելով նույն սկզբունքներով, վարչապետ նշանակեցին Ֆերիթ Մելնիսի (22.05.1972 - 15.04.1973 թթ.)²⁹⁶, որը Ֆեյզիօղլուի ղեկավարած վստահություն կուսակցության անդամ էր:

Ֆեյզիօղլուն կառավարություն կազմելու խնդրում որոշակի բարդությունների առաջ կանգնեց. նա իր կառավարության կազմի մեջ փորձեց ընդգրկել քաղաքական մեծամասնություն ունեցող կուսակցությունների՝ ՀԺԿ և ԱԿ անդամներին: Նշված կուսակցությունների ղեկավարները, սակայն, սկսեցին տարբեր պահանջներ ներկայացնել կառավարության մաս կազմելու համաձայնության դիմաց՝ փորձելով որոշակի ազդեցություն ունենալ քաղաքական գործընթացների վրա²⁹⁷: Դա, քնականա-

293 Kenan Evren, Kenan Evren'in Anıları, Cilt-4, İstanbul, 1991, s. 31-32.

294 Հանրապետական-Ժողովրդական կուսակցության մի շարք անդամներ՝ Թուրհան Ֆեյզիօղլուի գլխավորությամբ, 1967 թ. ընդդիմանալով կուսակցության նոր՝ «վերստրոնից ձախ» ուղղությանը, դուրս եկան ՀԺԿ-ի կազմից և հիմնադրեցին վստահության կուսակցությունը, որի հիման վրա էլ 1973 թ. ստեղծվեց Հանրապետական վստահության կուսակցությունը:

295 Mehmet Ali Birand, 12 Eylül Saat: 04:00, s. 307-310.

296 Տե՛ս ԹԱՄԺ-ի պաշտոնական վեբ կայքում, <http://www.tbmm.gov.tr/hukumetler/hukumetler.htm>

297 Ֆեյզիօղլուի և զինվորականների միջև կար նաև հակասություն՝ կազմած կառավարության մեջ Օզալի հետագա դերակատարման հետ: Ջինվորականները արդյուն էին, որպեսզի Օզալը նշանակվի փոխվարչապետ և Էրեմոսիլայի նախարար, սակայն Ֆեյզիօղլուն ավելի սահմանափակ դերակատարում էր նախատեսում Օզալի համար:

բար, զինվորականների ծրագրերի մեջ չէր մտնում, և նրանք նոր թեկնածություն առաջ քաշեցին: Ի վերջո, Ֆեյզիօղլուի «վարչապետության» շրջանը տևեց ընդամենը 5 ժամ, և նրա ձախողումից հետո ԱԱԽ-ն սեպտեմբերի 21-ին վարչապետի պաշտոնում նշանակեց ռազմաօդային զորքերի նախկին հրամանատար, զորացրված ծովակալ Բյուլենթ Ուլուսուին²⁹⁸, ով հեղաշրջման նախապատրաստման նախնական փուլում որոշակի մասնակցություն էր ունեցել: Ուլուսուի կառավարության մեջ ընդգրկված էին անկուսակցական տեխնոկրատներ և մի քանի զորացրված զինվորականներ²⁹⁹:

Սեպտեմբերի 30-ին ԱԱԽ-ն հաստատեց Բ. Ուլուսուի կառավարության ծրագիրը, որի վերլուծությունից պարզ է դառնում, որ այն երեք հիմնական խնդիր էր նախանշում երկրում կարգուկանոն հաստատել, բարելավել տնտեսական դրությունը և օրենսդրական դաշտում բազմաթիվ, այդ թվում և սահմանադրական փոփոխություններ իրականացնել: Ըստ էության, զինվորական իշխանությունների առաջնային նպատակը երկրում կարգուկանոն հաստատելն էր, ուստի ստորև կանդրադառնանք անցումային շրջանում այդ խնդրի իրականացմանը: Իսկ ինչ վերաբերում է տնտեսական քնազավառում կառավարության քաղաքականությանը, այն շարունակելու էր «հունվարի 24-ի» բարեփոխումների ծրագիրը և միջազգային կազմակերպություններից ու պետություններից ակնկալվող վարկերի միջոցով փորձելու էր երկիրը դուրս բերել տնտեսական ճգնաժամից: Ավելացնենք միայն, որ «հունվարի 24-ի» բարեփոխումների ծրագիրն առավել արդյունավետ իրականացնելու նպատակով փոխվար-

298 Karabelias G., *The Evolution of Civil-Military Relation of Post-war Turkey: 1980-95*, *Middle Eastern Studies*, Oct. 1999, p. 134.

299 Զինվորականներ էին ներքին գործերի, պաշտպանության, ազգային կրթության, առողջապահության և սոցիալական օգնության, մաքսային և մենաշնորհների, սպորտի և նրիստասարդության նախարարները:

չապետ և էկոնոմիկայի նախարար նշանակվեց Թուրգույթ Օզալը. այդ պաշտոնում Օզալի նշանակումը որոշված էր դեռ հեղաշրջման նախապատրաստական փուլում:

Ինչպես արդեն նշեցինք, անցումային շրջանում երկրում կարգուկանոն հաստատելը զինվորական իշխանությունների գլխավոր նպատակն էր, և որպես դրա հիմնական միջոց՝ բարձրագույն զինվորականների տեսանկյունից երկրի ողջ տարածքում պետք է կիրառվեին զանգվածային պատժամիջոցներ: Ռազմական հեղաշրջումից անմիջապես հետո զանգվածային ձերբակալություններ սկսվեցին. սկզբնական շրջանում որպես ձերբակալությունների գլխավոր թիրախ ընտրվեցին ձախակողմյան ծայրահեղական կազմակերպությունները և «գորշ գայլերի» ազգայնամոլական շարժման ակտիվիստները: Դրանով զինվորականները փորձում էին կտրուկ միջոցներով վերջ դնել երկիրը կաթվածահար անող ահաբեկչությանը և բացառել այդ շարժումների հնարավոր հակազդեցությունը: Զինվորականները չափազանց խիստ պատժամիջոցներ կիրառեցին ձախ և աջ ծայրահեղականների դեմ. արդեն 1980 թ. հոկտեմբերի 8-ին մահապատժի ենթարկվեց երկու երիտասարդ՝ 24-ամյա ձախակողմյան Նեջդեթ Ադալըն և 22-ամյա աջ ծայրահեղական, «գորշ գայլ» Մուսթաֆա Փեհլիվանսոլուն³⁰⁰:

Թուրքական մամուլի հրապարակած տվյալները փաստում են, որ ձերբակալությունները հիրավի զանգվածային բնույթ էին կրում: Համաձայն այդ տվյալների, ռազմական հեղաշրջումից հետո, երկու ամսվա ընթացքում (սեպտեմբերի 12-ից մինչև նոյեմբերի 12-ը) ահաբեկչական գործողություններին մասնակցելու մեղադրանքով ձերբակալվել է 7945 մարդ, այն դեպքում, երբ 1979 թ. նույն ժամանակահատվածում ձերբակալվել էր ընդամենը

300 Günaydin, 09, 11, 1980.

170-ը³⁰¹։ Թուրքական «Միլիյետը» գրում էր, որ այդ երկու ամիսների ընթացքում իշխանություններն առգրավել են 160 հազար միավոր հրազեն³⁰², իսկ արդեն 1981 թ. հուլիսին այդ թիվը հասնում էր մոտ 640 հազարի³⁰³։ Պետք է նշել, որ խիստ պատժամիջոցների կիրառման արդյունքում զինվորական իշխանություններին հաջողվեց հասնել իրենց նպատակին՝ կտրուկ նվազեցնել ահաբեկչական գործողությունները։ Այսպես, եթե 1979 թ. սեպտեմբերի 12-ից 1980 թ. սեպտեմբերի 12-ն ընկած ժամանակահատվածում ահաբեկչության զոհ է դարձել 2677 քաղաքացի, ապա 1980 թ. սեպտեմբերի 12-ից մինչև 1981 թ. սեպտեմբերի 12-ն այդ թիվը նվազել էր 227-ի, իսկ հաջորդ տարի այն կազմում էր 63³⁰⁴։

Սակայն անհրաժեշտ է նշել նաև, որ զինվորական իշխանություններն ահաբեկչության դեմ պայքարի քողի տակ ձերբակալությունների և պատժամիջոցների լայնամասշտաբ գործողություններ սկսեցին, որոնց նպատակն էր, «հարմար առիթն» օգտագործելով, արմատախիլ անել «անցանկալի շարժումները»։ Զինվորականները ջախջախիչ հարված հասցրին այն շարժումներին, որոնք նրանց տեսանկյունից վտանգ էին ներկայացնում քեմալական Թուրքիայի համար։ Սեպտեմբերի 12-ի ռեժիմի ժամանակ 1 միլիոն 683 հազար մարդ հարցաքննվեց, 650 հազար մարդու դեմ դատական գործ հարուցվեց, որոնցից 230 հազարը դատապարտվեց։ 7 հազար հոգու համար մահվան դատավճիռ պահանջվեց, 517 մարդ մահապատժի դատապարտվեց, որոնցից 50-ի դեպքում այն ի կատար ածվեց։ Անցումային շրջանում 388 հազար մարդ զրկվեց անձնագրերից, 14 հազարը՝ քաղաքացիությունից, 30 հազար մարդ «վտանգավոր» լինելու համար աշխատանքից հեռացվեց, նույնքան մարդ էլ որպես քա-

301 Milliyet, 13, 11, 1980.

302 Նույն տեղում։

303 Turkey. Almanac. Turkey Daily News Publications, Ankara, 1982, p. 55-56.

304 Middle East Contemporary Survey, Vol. 6, 1981-82. New York, 1984, p. 917.

ղաքական փախստական երկրից հեռացավ, արգելվեց 23 հազար 677 կազմակերպության գործունեությունը, 3 հազար 854 դասախոս հեռացվեց աշխատանքից, 171 մարդ մահացավ բանտերում նրանց դեմ կիրառված բռնարարքները ու խոշտանգումներից, և սա միայն պաշտոնական տեղեկատվության համաձայն, իրականում նշվում է մոտ 300 մարդ³⁰⁵:

Զինվորական պատժամիջոցներն առավելապես ուղղված էին ձախ շարժումների դեմ, և զինվորական վերնախավը ջախջախիչ հարված հասցրեց այդ շարժումներին: Տասնյակ հազարավոր մարդիկ դատապարտվեցին Թուրքիայի քրեական օրենսգրքի 141 և 142 հոդվածներով: Մոտ 100 հազար մարդ «կազմակերպության անդամ լինելու» (örgüt üyesi olmak) մեղադրանքով դատապարտվեց³⁰⁶, 18 ձախակողմյան երիտասարդ մահապատժի ենթարկվեց³⁰⁷: Անցումային շրջանում իշխանություններն առանձնահատուկ կոշտ դիրքորոշում էր որդեգրել ԴԻՄԿ-ի նկատմամբ: Հեղաշրջումից անմիջապես հետո ձերբակալվեցին ԴԻՄԿ-ի ղեկավարները, այդ թվում և կազմակերպության նախագահ Արդուլահ Բաշթյուրքը: Նրանց նկատմամբ դաժան խոշտանգումներ էին կիրառվում բանտերում³⁰⁸:

Զինվորական իշխանությունների պատժամիջոցների գլխավոր թիրախ դարձավ նաև քրդական շարժումը: Զինվորականները «հարմար առիթը» փորձեցին օգտագործել՝ քրդական շարժումն իսպառ վերացնելու համար, որը 1970-ական թթ. վերջերին և 1980 թ. սկզբներին գտնվում էր դեռևս ձևավորման փուլում: 1981 թ. հոկտեմբերին Քենան Էվրենն իր հարցազրույցներից մեկում նշում էր, որ ամեն անգամ, երբ թուրքական պետությունը թուլանում է, քրդական շարժումները գլուխ են բարձրացնում և

305 Turgay U., Evren'in 12 Eylül'ü aklanacak gibi değil, Zaman, 05, 03, 2006.

306 Cumhuriyet, 12, 09, 2000.

307 <http://www.zaman.com.tr/?bi=yorumlar&alt=&trh=20060305&hn=262382>

308 Financial Times, 20, 03, 1981.

վորձում են քանդել երկրի միասնականությունը, և իշխանություններն ամեն ինչ կանեն քրդական հարցն «արմատախիլ» անելու համար³⁰⁹:

Անցումային շրջանում զինվորականները խիստ պատժամիջոցներ կիրառեցին նաև զանգվածային լրատվամիջոցների նկատմամբ: Նախ, հեղաշրջումից անմիջապես հետո ԱԱԽ-ն TRT-ի տնօրեն նշանակեց զինվորական ներկայացուցչի, և հետո ստատեությունը ու ռադիոյով եթեր հեռարձակվող նյութերը սկսեցին մանրամասն գրաքննության ենթարկվել³¹⁰: Անցումային շրջանում 300 օր ժամանակով արգելված էին բոլոր թերթերը, 13 ամենաշատ վաճառվող թերթերի նկատմամբ 303 դատական գործ հարուցվեց: 400 լրագրողի համար ընդհանուր առմամբ 4 հազար տարվա ազատազրկում էր պահանջվում. բացի այդ, 300 լրագրողի նկատմամբ բռնություն կիրառվեց, իսկ 3 լրագրող հրազենային հարձակման զոհ դարձավ³¹¹:

Թուրքիայում չորս գլխավոր կուսակցություններից՝ ՀԺԿ, ԱԿ, ԱՓԿ և ԱՇԿ, ամենաիպսոս պատժամիջոցները կիրառվեցին հատկապես ԱՇԿ-ի նկատմամբ: Հեղաշրջումից անմիջապես հետո զինվորականները կտրուկ հարված հասցրին «գորշ գայլերի» շարժմանը, ձերբակալվեցին մեծ թվով ակտիվիստներ: Ալփարսլան Թյուրքեշի կուսակցության նկատմամբ դատական գործը սկսվեց 1981 թ. օգոստոսի 19-ին. մեղադրվող 587 «գորշ գայլերից» արդեն ձերբակալված էր 498-ը³¹², որոնցից 216-ի, այդ թվում և Թյուրքեշի համար մահվան դատավճիռ էր պահանջվում: Հեղաշրջումից հետո ութ աջ ծայրահեղական մահապատժի ենթարկվեց, իսկ Թյուրքեշը դատապարտվեց 11 տարի, մեկ

309 Гасратян М., Курды Турции в новейшее время, Ереван, 1990, стр. 306.

310 Birand M. A., Bilal H., Akar R., 12 Eylül: Türkiye'nin Miladı, s. 214-215.

311 Cumhuriyet, 12, 09, 2000.

312 Cenal H., Tank Sesiyle Uyanmak, 12 Eylül Günümüzü, İstanbul, 1986, s. 362.

ամիս և 10 օր ազատագրվման³¹³: Հարկ է նշել, որ «գորշ գայլերի» նկատմամբ զինվորական իշխանությունների գործողությունները միանշանակ չէին. քիրտ հալածանքի մեթոդներ կիրառելով «գորշ գայլերի» դեմ իշխանությունները փորձում էին նրանց հնարավորություն չտալ հակազդող միջոցներ ձեռնարկելու, սակայն հետագայում, երբ արդեն «գորշ գայլերը» սպառնալիք չէին ներկայացնում, զինվորական վերնախավը նրանց կրկին սկսեց օգտագործել «սև աշխատանք» կատարելու համար:

Իսլամամետ Ազգային փրկություն կուսակցության նկատմամբ զինվորականների պատժամիջոցները նույնպես այքի էին ընկնում խստությամբ. ակտիվիստները ենթարկվեցին դատական պատասխանատվության, կուսակցության նախագահ Նեջմեթին Էրբաքանը դատապարտվեց 4 տարի ազատագրվման: Սակայն 1980 թ. ռազմական հեղաշրջումից հետո ԱՄՄ քաղաքականությունը կրոնի հանդեպ բավական զգուշավոր էր, և ի տարբերություն ձախ ու աջ ծայրահեղականների, որոնք ջախջախվեցին զինվորական իշխանությունների կողմից, իսլամական շարժումը փրկվեց, և նույնիսկ 1980-ական թթ. աճեց նրա նշանակությունը³¹⁴: Կրոնի նկատմամբ զինվորական իշխանությունների քաղաքականությունը միտված էր երկրում ակտիվացած կրոնական արմատականությանը հակազդեցություն ցույց տալուն և «իսլամական աշխարհում» Թուրքիայի դիրքերն ամրապնդելուն³¹⁵: Զինվորականները, բավարար խստություն ցուցաբերելով կրոնական ֆանատիզմ և ծայրահեղականություն

313 <http://www.basbug.itgo.com/12eyul6.htm>

314 Toprak B., "Religion as State Ideology in a Secular Setting: The Turkish-Islamic Synthesis" in Malcolm Wagstaff (ed.), *Aspects of Religion in Secular Turkey*, (Durham: University of Durham, Center for Middle Eastern and Islamic Studies, Occasional Paper Series No. 40, 1990, p. 10.

315 Иванова И., *Исламский фактор в политике турецкого руководства после военного переворота 1980 г., Ислам и проблемы национализма в странах Ближнего и Среднего Востока*, Москва, 1987, стр. 127.

հրահրողների նկատմամբ և ասպարեզից հեռացնելով իսլամական կազմակերպություններին ու նրանց ղեկավարներին, վերահսկողության տակ վերցրին կրոնը:

Երկրի խոշորագույն կուսակցությունների՝ ՀԺԿ-ի և ԱԿ-ի նկատմամբ զինվորական իշխանությունների քաղաքականությունը նույնպես աչքի էր ընկնում զգուշավորությամբ: Սուլեյման Դեմիրելը և կուսակցության ակտիվիստները խուսափեցին զինվորականների պատժամիջոցներից, սակայն հարկ է նշել, որ Դեմիրելն էլ իր հերթին հրաժարվեց ծավալել ակտիվ հրապարակային գործունեություն: Նույնը չի կարելի ասել նրա քաղաքական հակառակորդ Բյուլենթ Էջևիթի մասին, որը 1981 և 1982 թթ. ընթացքում զինվորական ռեժիմը քննադատելու համար մի քանի անգամ դատական պատասխանատվության ենթարկվեց³¹⁶: Եղան նաև դեպքեր, երբ ՀԺԿ անդամները մեղադրվեցին ձախ շարժմանը ցուցաբերած աջակցության համար, և նրանց նկատմամբ պատժամիջոցներ կիրառվեցին: Հիշատակման է արժանի հատկապես Ստամբուլի նախկին քաղաքապետ, ՀԺԿ անդամ Ահմեթ Իշվանի նկատմամբ դատական գործընթացը. նա մեղադրվում էր 1977 թ. մայիսի 1-ին ԴԻՄԿ-ի կազմակերպած ցույցին կազմակերպչական աջակցություն ցուցաբերելու համար: Մամուլում քազմաթիվ հրապարակումներ եղան, որտեղ նշվում էր, որ կալանավայրում Ահմեթ Իշվանի նկատմամբ դատան խոշտանգումներ են կիրառվել:

Թուրքիայում կիրառվող պատժամիջոցները՝ մի կողմից, իսկ մյուս կողմից՝ այն հանգամանքը, որ բանակը չէր նշում կոնկրետ ժամկետներ և ձգձգում էր իշխանությունը քաղաքական կուսակցություններին փոխանցելու գործընթացը, լուրջ մտահոգություններ առաջացրին արևմտյան երկրների իշխող շրջանակներում, և որոշակի ճնշումներ սկսվեցին թուրքական զինվորական իշ-

316 Middle East Contemporary Survey, Vol. 6, 1981-82. New York, 1984, p. 885-886.

խանութիւնները վրա: Մասնավորապէս, 1981 թ. նոյեմբերին Գերմանիայի Դաշնային Հանրապետության արտաքին գործերի նախարար Հանս-Դիտրիխ Գենշերի Թուրքիա կատարած այցի շրջանակներում քննարկվեց Թուրքիայի «նորմալ ժողովրդավարական կարգերի» անցնելու խնդիրը: Արտգործնախարարը հատկապէս ընդգծում էր այդ հարցը՝ նշելով, որ դրանից են կախված Թուրքիայի հետագա հարաբերությունները եվրոպական ընտանիքի հետ³¹⁷: Պետք է նշել, որ արևմտյան երկրների ճշումները հիմնականում սահմանափակվում էին ընդամենը տնտեսական օգնությունների նվազեցման սպառնալիքներով, և որևէ կոնկրետ քայլ, նույն այդ օգնությունների նվազեցման կապակցությամբ, այդպէս էլ չձեռնարկվեց:

Անփոփելով կարելի է նշել, որ 1980 թ. ռազմական հեղաշրջմանը հետևած անցումային շրջանն ամենատեսաբարեհիմն էր Թուրքիայում երբևէ գոյություն ունեցածներից: Թուրքական իշխանությունները զանգվածային ձերբակալությունների միջոցով ծանր հարված հասցրին ոչ միայն ահաբեկչական կառույցներին, այլև այն քաղաքական կազմակերպություններին, որոնք այս կամ այն պատճառով անընդունելի էին զինվորական իշխանությունների համար:

Սահմանադրական փոփոխություններ. 1982 թ. սահմանադրությունը

1980 թ. ռազմական հեղաշրջմանը, ինչպէս նախորդ ռազմական հեղաշրջման (1960 թ.) և զինվորականների «միջամտության» (1971 թ.) ժամանակ, հետևեցին սահմանադրական

317 Նույն տեղում, էջ 891:

փոփոխություններ. 1982 թ. զինվորական իշխանությունները նախապատրաստեցին և սահմանադրական հանրաքվեի միջոցով ընդունեցին Թուրքիայի Հանրապետության երրորդ սահմանադրությունը, ինչը «սեպտեմբերի 12-ի» ռազմական հեղաշրջման հիմնական արդյունքներից էր:

Արդեն ռազմական հեղաշրջումից անմիջապես հետո զինվորականներն ընդգծում էին սահմանադրական փոփոխությունների անհրաժեշտությունը: Նոյեմբերին Ազգային անվտանգության խորհրդի (ԱԱԽ) գլխավոր քարտուղար Հայդար Սալթըքը մամուլի ասուլիսի ժամանակ հանրությանը ներկայացրեց ԱԱԽ՝ «նորմալ ժողովրդավարական համակարգի» անցնելու ծրագիրը, որի հիմնական փուլերն էին՝ Սահմանադիր ժողովի ձևավորման համար նախնական պայմանների նախապատրաստում, Սահմանադիր մեջլիսի կողմից նոր սահմանադրության նախագծի մշակում, սահմանադրական հանրաքվեի կազմակերպում, կուսակցությունների մասին նոր օրենքի ընդունում և խորհրդարանական ընտրությունների միջոցով իշխանության փոխանցում քաղաքական կուսակցություններին: Դրանից հետո դադարելու էին գործել Սահմանադիր մեջլիսն ու ԱԱԽ-ն, և երկիրն անցում էր կատարելու «նորմալ ժողովրդավարական քաղաքական կյանքի»³¹⁸:

Նոր սահմանադրության նախագիծը նախապատրաստելու և մինչև խորհրդարանի գումարումը երկրի օրենսդրական գործառույթներն իրականացնելու նպատակով 1981 թ. հունիսի 29-ին ԱԱԽ-ն օրենք ընդունեց Սահմանադիր մեջլիս (Kurucu Meclis) ստեղծելու մասին³¹⁹: Սահմանադիր մեջլիսը բաղկացած էր ԱԱԽ-ից և Խորհրդատվական մեջլիսից (Danışma Meclisi): Խորհրդատվական մեջլիսը (այսուհետև՝ ԽՄ) կազմված էր 160

318 Cumhuriyet, 2, 11, 1980.

319 Milliyet, 8, 09, 1981.

անդամից, որոնցից 120-ն ընտրվում էր շրջանների՝ ռազմական դրության հրամանատարության առաջադրած ներկայացուցիչներից և հաստատվում ԱԱԽ-ի կողմից, իսկ մնացած 40 անդամին ուղղակիորեն ԱԱԽ-ն էր նշանակում³²⁰: Ըստ էության, ԽՄ-ն, ինչպես հուշում է նաև անվանումը, հիմնականում ուներ խորհրդատվական գործառույթներ, վերջնական որոշումներն ընդունում էր ԱԱԽ-ն:

1981 թ. հոկտեմբերի 15-ին հայտարարվեց ԽՄ կազմը, և արդեն հոկտեմբերի 23-ից այն ձեռնամուխ եղավ նոր սահմանադրության նախագծի նախապատրաստման գործընթացին³²¹: ԽՄ նախագահ նշանակվեց նախկին վարչապետ Սադի Հրմաքը: 1982 թ. աշնանը ԽՄ-ն ավարտեց նոր սահմանադրության տեքստի նախապատրաստումը և այն հանձնեց ԱԱԽ դատին: Ջինվորականները, որոշ «խմբագրումներից» հետո, հոկտեմբերի 24-ին հատուկ օրենքով հաստատեցին սահմանադրության վերջնական տեքստը և ԱԱԽ-ն հրապարակեց այն³²²: Այդ տեքստի հրապարակումը, հանրաքվեից ընդամենը հաշված օրեր առաջ, զրկում էր հասարակության լայն շրջանակներին երկրի մայր օրենքին մանրամասն ծանոթանալու հնարավորությունից: 1982 թ. սեպտեմբերի 24-ին ԱԱԽ-ն ընդունեց սահմանադրական հանրաքվեի մասին օրենքը, համաձայն որի՝ սահմանադրությունն ընդունվում էր ընտրողների ձայների պարզ մեծամասնությամբ. սահմանադրական հանրաքվեի օր էր հաստատվում 1982 թ. նոյեմբերի 7-ը³²³:

1982 թ. նոյեմբերի 7-ին կայացավ սահմանադրական հանրաքվեն, որի արդյունքում ձայների բացարձակ մեծամաս-

320 McFadden J. M., *Civil-Military Relations in the Third Turkish Republic, The Middle East Journal*, Vol. 39, No. 1, Winter 1985, p. 71.

321 Kenan Evren, *Kenan Evren'in Anıları*, Cilt 2, 1991, s. 417.

322 *Սահմանադրության տեքստը տե՛ս T. C. Anayasa, İstanbul, 1982.*

323 Данилов В., *Турция 80-х: от военного режима до "ограниченной демократии"*, Москва, 1991, стр. 69.

նությամբ ընդունվեց Թուրքիայի Հանրապետության երրորդ սահմանադրությունը: Սահմանադրական հանրաքվեին իր մասնակցությունը բերեց ընտրողների 91.4%-ը, որոնցից 91.3%-ը կողմ քվեարկեց նոր սահմանադրությանը³²⁴: Հետաքրքիր է նշել, որ 1961 թ. սահմանադրական հանրաքվեի ժամանակ շատ ավելի ժողովրդավարական և ազատական սահմանադրության ընդունմանը կողմ էր քվեարկել ընտրողների ընդամենը 60%-ը: Դա հիմնականում պայմանավորված էր երկու հանգամանքով, նախ՝ զինվորականներն ընտրություններին չմասնակցող քաղաքացիների համար մի շարք պատժամիջոցներ էին նախատեսել, մասնավորապես՝ սահմանադրական հանրաքվեին չմասնակցող քաղաքացիները 5 տարի ժամկետով զրկվում էին բոլոր տեսակի քաղաքական ընտրություններին մասնակցելու իրավունքից³²⁵: Սակայն ավելի կարևոր էր այն հանգամանքը, որ սահմանադրությանը կողմ քվեարկելով՝ հասարակությունն, ըստ էության, քվեարկում էր հոգուտ քաղաքացիական կառավարմանն անցում կատարելուն³²⁶:

Նոր սահմանադրությունը բաղկացած էր ներածությունից³²⁷, յոթ բաժիններից, որոնք ընդգրկում էին 177 հոդված և 16 ժամանակավոր հոդված: Հիմնական իրավունքներին և պարտականություններին վերաբերող հոդվածները (հդ. 12-74) էապես տարբերվում էին 1961 թ. Սահմանադրությունից, և հիմնական առանձնահատկությունն այն էր, որ սահմանափակվում էին ժողովրդավարական իրավունքներն ու ազատությունները: Թեև 1961 թ. սահմանադրության համեմատ շատ ավելի մանրամասն մշակված էին անձի անձեռնմխելիության, ազատության իրա-

324 Mango A., *The Turks Today*, London, 2004, p. 82-83.

325 Конституция Турецкой республики, приложения, Турецкая Республика: справочник, Москва, 1990, с. 367.

326 Cernal H., *Tank Sesiyle Uyanmak*, 12 Eylül Gününğün, İstanbul, 1986, s. 550.

327 Ներածության մեջ նաև հիմնավորվում էր սեպտեմբերի 12-ի սազմական հեղաշրջման անհրաժեշտությունը: Sîm T. C. *Anayasa*, İstanbul, 1982, s. 3-5:

վունքի և անվտանգության մասին դրույթները, սակայն դրանց կիրառելիության շրջանակներն իրականում սահմանափակվում էին բազմաթիվ վերապահումներով, երբ այդպիսի իրավունքը սահմանափակվում կամ ընդհանրապես վերանում է «ռազմական դրության ժամանակ, ձերբակալվածների փախուստի դեպքերում, խոտվությունների և անկարգությունների ճնշման ժամանակ» և այլն³²⁸:

Զինվորականների անմիջական հսկողության ներքո ընդունված սահմանադրությունը նախատեսում էր բազմաթիվ սահմանափակումներ, որոնք տարածվում էին հասարակական կազմակերպությունների, կուսակցությունների, արհմիությունների գործունեության վրա: Նոր սահմանադրությունը հասարակական կազմակերպություններին, միություններին արգելում էր քաղաքական նպատակներ հետապնդել, զբաղվել քաղաքականությամբ, քաղաքական կուսակցություններին աջակցել կամ ստանալ նրանց աջակցությունը (հդ. 34)³²⁹: Արհմիություններին նույնպես արգելվում էր քաղաքական նպատակներ հետապնդել կամ աջակցել քաղաքական կուսակցություններին: Սահմանադրության մեջ նշվում էր, որ պետությունը վարչական և ֆինանսական վերահսկողություն էր սահմանում արհմիությունների և նրանց եկամուտների ու ծախսերի նկատմամբ (հդ. 52): Հատուկ հոդվածով կարգավորվում էին գործադուլների և լոկաուտների իրականացման իրավունքները: Մասնավորապես՝ արգելվում էր անցկացնել քաղաքական բնույթի գործադուլներ և լոկաուտներ, ինչպես նաև համերաշխության գործադուլներ (հդ. 54):

Քաղաքական կուսակցություններին արգելվում էր իրենց կազմում ունենալ երիտասարդական, կանանց կամ նմանա-

328 Данилов В., Основные особенности новой конституции Турецкой Республики (в сравнении с конституцией 1961 г.). - Турция - история и современность, сборник статей, Москва, 1988, стр. 12.

329 Т. С. Anayasa, s. 22.

տիպ այլ միություններ: Նոր սահմանադրությունը բարձրացնում էր նաև երիտասարդների՝ կուսակցությանն անդամագրվելու տարիքային ցենզը՝ այն դարձնելով 21: Ընտրողների տարիքային ցենզը նույնպես հասցվեց 21-ի³³⁰: Այդ դրույթները նպատակատուղված էին ապաքաղաքականացնելու երիտասարդությանը:

Այդպիսով, 1982 թ. սահմանադրության մեջ 1961 թ. սահմանադրության համեմատ, ակնհայտորեն սահմանափակվել էին ժողովրդավարական իրավունքներն ու ազատությունները: Նոր սահմանադրության հեղինակները բացահայտ նպատակ էին հետապնդում խոչընդոտներ ստեղծել 1970-ական թթ. Թուրքիայում զարգացող արհմիութենական, ձախակողմյան, երիտասարդական շարժումների համար:

Նոր սահմանադրության համաձայն՝ երկրի օրենսդիր բարձրագույն մարմինը՝ ԹԱՄԺ-ը, կազմված էր միապալատ խորհրդարանից և բաղկացած էր 400 պատգամավորից (1961թ. սահմանադրությունը երկպալատ խորհրդարանական համակարգ էր սահմանում Սենատ և Ազգային ժողով)³³¹: Ըստ նոր սահմանադրության, խորհրդարանական ընտրությունները կազմակերպվում էին ամեն 5 տարին մեկ (1961 թ. ընտրությունները 4 տարին մեկ էին):

1982 թ. սահմանադրության մեջ զգալիորեն ընդլայնված էին նահազահական ինստիտուտի լիազորությունները³³²: Ինչպես նախորդ, այնպես էլ նոր սահմանադրությամբ հանրապետության նախագահն ընտրվում էր ԹԱՄԺ-ի կողմից, ձայների երկու երրորդի հարաբերակցությամբ, 7 տարի ժամկետով և մեկ անգամ ընտրվելու իրավունքով: Սակայն նոր սահմանադրությամբ

330 Նույն տեղում, էջ 40-42:

331 1961 Anayasası, Osmanlı ve Türk Anayasaları, İstanbul, 1980, s. 67-68.

332 McFadden J. M., Civil-Military Relations in the Third Turkish Republic, The Middle East Journal, Vol. 39, No. 1, Winter 1985, pp. 69-85.

յամբ նախատեսված էր, որ չորս փուլերի ընթացքում նախագահ չընտրելու դեպքում խորհրդարանը լուծարվում է, և նոր ընտրություններ են կազմակերպվում³³³։ Այսպիսով, սահմանադրության հեղինակները փորձում էին հետագայում բացառել 1980 թ. նախագահական ընտրություններում ստեղծված այն իրադրությունը, երբ ավելի քան 5 ամիս ԹԱՄԺ-ին այդպես էլ չհաջողվեց նախագահ ընտրել։ Նոր սահմանադրությամբ երկրի նախագահին իրավունք էր վերապահվում անհրաժեշտության դեպքում ցրել խորհրդարանը և նոր ընտրություններ նշանակել, ինչպես նաև վարչապետ նշանակել և ընդունել նրա հրաժարականը, նշանակել ԳՇ պետին, գլխավոր դատախազին և նրա տեղակալին, սահմանադրական դատարանի անդամներին, նախագահել Ազգային անվտանգության խորհրդի նիստերում, հայտարարել արտակարգ իրավիճակ և այլն³³⁴։ Կարելի է եզրակացնել, որ նոր սահմանադրությունն զգալիորեն ուժեղացնում էր նախագահական ինստիտուտը, սակայն երկրի իշխանական համակարգում շարունակում էր որոշիչ դերակատարում ունենալ ԹԱՄԺ-ը³³⁵։ Նախագահի ինստիտուտի ուժեղացումը նպատակ էր հետապնդում նաև ուժեղացնել զինվորականության ազդեցության լծակները, քանի որ, նախ՝ 1960 թ. ռազմական հեղաշրջումից հետո բոլոր նախագահները, որպես կանոն, բարձրաստիճան զինվորականներն էին ընտրվում, և երկրորդ, որն առավել կարևոր է, նոր սահմանադրությամբ երկրի հաջորդ յոթ տարիներին նախագահ էր դառնում ԱԱԻ նախագահ Քենան Էվրենը։

Նոր սահմանադրությամբ զգալիորեն ընդլայնվեցին բանակի ազդեցության ոլորտները երկրի քաղաքական կյանքում³³⁶։ Մաս-

333 T. C. Anayasa, 1982, s. 63-68.

334 Նույն տեղում։

335 McFadden J. M., նշվ. հոդ., էջ 69-85.

336 Bayramoğlu A., Asker ve Siyaset. - Bir Zümre, Bir Parti. Türkiye'de Ordu, İstanbul, 2004, s. 82-88.

Նավորայես՝ 1961 թ. սահմանադրության համեմատ մեծապես ուժեղացվեց Ազգային անվտանգության խորհրդի (Milli Güvenlik Kurulu) դերը: Ըստ նոր սահմանադրության, նորաստեղծ ԱԱԽ կազմի մեջ ընդգրկվում էին նախագահը, որը միաժամանակ նախագահում էր նաև ԱԱԽ նիստերում, վարչապետը, ԳՇ պետը, ազգային պաշտպանության, ներքին գործերի, արտաքին գործերի նախարարները, ցամաքային զորքերի հրամանատարը, ռազմաօդային, ռազմածովային զորքերի և ժանդարմերիայի հրամանատարները: ԱԱԽ օրակարգը սահմանում էր նախագահը՝ ԳՇ պետի և վարչապետի հետ խորհրդակցություններից հետո: ԱԱԽ որոշումները՝ կապված երկրի պաշտպանության, անկախության, ամբողջականության պահպանման, հասարակական անվտանգության հետ, գործադիր իշխանության համար առաջնային նշանակություն ունեին³³⁷:

1982 թ. սահմանադրությունն ընդգրկում էր 16 ժամանակավոր հոդված, որոնք հիմնականում նպատակ ունեին ամրապնդել ռազմական հեղաշրջման հեղինակների կարևոր դերը երկրի քաղաքական կյանքում՝ իշխանությունը քաղաքական կուսակցություններին փոխանցելուց հետո: Համաձայն սահմանադրության ժամանակավոր 1-ին հոդվածի՝ սահմանադրության ընդունումից հետո ԱԱԽ նախագահը յոթ տարի ժամկետով հանրապետության նախագահ էր դառնում: Միայն դրանից հետո պիտի անցկացվեին նոր նախագահական ընտրություններ³³⁸:

Սահմանադրության ժամանակավոր 2-րդ հոդվածի համաձայն՝ ԱԱԽ-ն և Խորհրդատվական մեջլիսը շարունակում էին իրենց գործունեությունն մինչև նոր խորհրդարանի ձևավորումը: ԹԱՄԺ կազմավորումից հետո ԽՄ-ն լուծարվում էր, իսկ ԱԱԽ-ն

337 T. C. Anayasa, 1982, s. 75.

338 Նույն տեղում, էջ 118:

վերափոխվում էր Նախագահական խորհրդի: Դա խորհրդատվական մարմին էր, որը քննելու էր ԹԱՄԺ-ի կողմից նախագահի հաստատմանը ներկայացված այն օրենքները, որոնք կապված էին սահմանադրությամբ նախատեսվող հիմնական իրավունքների, ազատությունների և պարտականությունների, աշխարհիկության սկզբունքի, Աթաթյուրքի հեղափոխության պաշտպանության, ազգային անվտանգության և հասարակական կարգի ու այլ կարևորագույն խնդիրների հետ: Խորհուրդն օժտված էր լիազորությամբ՝ կարծիք հայտնել երկրի նախագահի ներկայացրած հարցերի վերաբերյալ: Նախագահական խորհրդի անդամները, այսինքն՝ ռազմական հեղաշրջման հեղինակները, օգտվում էին անձեռնմխելիության իրավունքից: Հստակեցվում էին նաև խորհրդի գործելու ժամկետները՝ 6 տարի, որից հետո այն լուծարվելու էր³³⁹:

Սահմանադրության ժամանակավոր 4-րդ հոդվածով արգելվեց նախքան սեպտեմբերի 12-ը գործող քաղաքական կուսակցությունների գործունեությունը, ինչպես նաև նրանց ծրագրերի, խորհրդանիշների կամ անվան օգտագործումը քաղաքական այլ կուսակցությունների կողմից³⁴⁰: Այդ հոդվածի համաձայն՝ նախքան 1980 թ. ռազմական հեղաշրջումը գործող երկրի հիմնական քաղաքական կուսակցությունների ղեկավարներին՝ նաև արգելվում էր 10 տարի ժամկետով զբաղվել քաղաքականությամբ, իսկ այդ կուսակցությունների պատգամավորներին և սենատորներին՝ 5 տարի ժամկետով³⁴¹:

Անփոփելով կարելի է նշել, որ զինվորական իշխանությունների անմիջական վերահսկողությամբ ընդունված սահմանադրությունը հետապնդում էր երկու հիմնական նպատակ՝

339 Նույն տեղում, էջ 118-119:

340 Նույն տեղում:

341 Նույն տեղում, էջ 119:

ա. Բացառել այն լարված իրավիճակի ստեղծումը, որն առաջացել էր նախքան ռազմական հեղաշրջումը: Ջինվորականները դա փորձեցին իրականացնել ժողովրդավարական իրավունքների և ազատությունների սահմանափակմամբ:

բ. Սահմանադրական հնարավորություններ ստեղծել բանակի դերը երկրի քաղաքական համակարգում ուժեղացնելու նպատակով, ինչը հնարավորություն էր ստեղծում զինվորական հրամանատարությանը՝ իշխանությունը քաղաքական կուսակցություններին փոխանցելուց հետո երկար տարիներ քաղաքական դաշտի վրա ազդելու վերահսկողական լծակներն իր ձեռքում պահելու համար:

Անցում քաղաքացիական կառավարման

1980 թ. սեպտեմբերի 12-ի ռազմական հեղաշրջումը, ինչպես արդեն նշել ենք, կարելի է բնութագրել որպես «խնամակալ ռազմական հեղաշրջում», այսինքն՝ զինվորականների իշխանությունը ժամանակավոր բնույթ էր կրում, նրանք հեղաշրջման պատճառները վերացնելուց հետո իշխանությունը կրկին վերադարձնելու էին քաղաքական կուսակցություններին: Հեղաշրջումից անմիջապես հետո նրա ղեկավարներն իրենց առաջին իսկ հայտարարություններում ընդգծեցին հեղաշրջման պատճառները վերացնելուն պես իշխանությունը կրկին քաղաքական կուսակցություններին վերադարձնելու անհրաժեշտությունը³⁴²: Պարզ էր նաև, որ արևմտյան երկրները, որոնցից զինվորականությունը բավական մեծածավալ վարկեր էր ակնկալում, չէին հանդուրժի երկարաժամկետ ռազմական դիկտատուրան: Սակայն անորոշ էին մնում այն հարցերը, թե ինչպիսին է լինելու

342 Kenan Evren'in Söylev ve Demeçleri, s. 15-18.

նախքան հեղաշրջումը գործող քաղաքական կուսակցությունների ճակատագիրը, երբ և ինչ պայմաններում են զինվորականներն իշխանությունը փոխանցելու քաղաքացիական ուժերին:

Ինչպես վկայում են տարբեր աղբյուրներ՝ նախքան ռազմական հեղաշրջումը բարձրաստիճան զինվորականները կուսակցությունների հետագա կարգավիճակի վերաբերյալ հստակ միասնական դիրքորոշում չունեին³⁴³: Այդ հարցը մի քանի անգամ քննարկվել է հեղաշրջման նախապատրաստական փուլում, սակայն զինվորականներն այդպես էլ ի գործու չեն եղել գալ ընդհանուր հայտարարի: Այդ էր պատճառը, որ հեղաշրջումից անմիջապես հետո զինվորականները հայտարարեցին միայն, որ ժամանակավոր դադարեցնում են քաղաքական կուսակցությունների գործունեությունը՝ այդ խնդրին հետագայում անդրադառնալու ակնկալիքով: Զինվորականների այդ մոտեցումն արտահայտվեց Ազգային անվտանգության խորհրդի՝ հեղաշրջման օրը տարածած հայտարարության մեջ³⁴⁴:

Ռազմական հեղաշրջումից հետո սկզբնական շրջանում, թեև քաղաքական կուսակցությունները չլուծարվեցին, սակայն, ըստ էության, նրանց հրապարակային գործունեությունն ամբողջովին արգելված էր³⁴⁵: Բարձրաստիճան զինվորականները բազմիցս նշում էին, որ քաղաքական կուսակցությունները չեն լուծարվել, այլ ընդամենը ժամանակավոր դադարեցվել է նրանց գործունեությունը՝ միաժամանակ չբացառելով նաև երկրի հիմնական կուսակցությունների՝ ՀԺԿ և ԱԿ վերադարձը քաղաքական թատերաբեմ³⁴⁶: Այդուհանդերձ, արդեն 1981 թ. հոկտեմբերի 16-ին ԱԱԽ որոշմամբ լուծարվեցին և արգելվեցին երկրի բոլոր

343 Birand M. A., 12 Eylül Saat: 04:00, s. 249-250.

344 Milli Güvenlik Konseyi'nin 7 Numaralı bildirisi, Resmi Gazete, 12, 09, 1980

345 Hale W., Turkish Politics and the Military, London, 1994, p. 247.

346 Newsweek, 06, 04, 1981.

քաղաքական կուսակցությունները³⁴⁷: ԱՄԽ նախագահ Քենան Էվրենը զինվորականների այդ քայլը բացատրում էր այն հանգամանքով, որ քաղաքական կուսակցությունների ղեկավարները, շրջանցելով զինվորականների արգելքները, փորձում էին ազդեցություն ունենալ երկրում տեղի ունեցող քաղաքական գործընթացների վրա, ինչպես նաև մամուլում տպագրվող հոդվածների միջոցով ճնշումներ գործադրել զինվորական իշխանությունների նկատմամբ, և «նույնիսկ սկսել էին իրար մեջ պայքարել իշխանությունը բաժանելու համար»³⁴⁸:

Այսպիսով, վերջին 120 տարիների ընթացքում առաջին անգամ Թուրքիայում արգելվեցին բոլոր քաղաքական կուսակցությունները: Այդ քայլը հիմնականում ուղղված էր նախքան հեղաշրջումը գործող քաղաքական կուսակցությունների և դրանց ղեկավարների դեմ՝ նրանց զրկելով երկրում ծավալվելիք քաղաքական գործընթացներին մասնակցելու հնարավորությունից: Զինվորականները նպատակ ունեին իրենց հսկողությամբ ձևավորել երկրի՝ նոր քաղաքական համակարգը: Այդ գործընթացի համար անհրաժեշտ օրենսդրական դաշտի մշակումն իրականացնում էր Խորհրդատվական մեջլիսը՝ ԱՄԽ անմիջական վերահսկողությամբ: Քաղաքական համակարգի վերաբերյալ զինվորականների մոտեցումներն արտահայտվեցին նոր սահմանադրության այն հոդվածներում, որոնք վերաբերում էին քաղաքական կուսակցություններին, ինչպես նաև Քաղաքական կուսակցությունների (22 ապրիլի 1983 թ.)³⁴⁹ և Խորհրդարանի պատգամավորի ընտրության մասին օրենքներում (10 հունիսի 1983 թ.)³⁵⁰: Սահմանադրությունը և վերը նշված օրենքները կա-

347 Kanun No. 2533, Siyasi Partilerin Fehsine Dair Kanun. - Kenan Evren, Kenan Evren'in Anıları, Cilt-2, 1991, s. 418.

348 Middle East Contemporary Survey, Vol. 6, New York, 1984, p. 884.

349 Siyasi Partiler Kanunu, İstanbul, 1983.

350 Milletvekili Seçimi Kanunu, İstanbul, 1983.

րելի է համալիր դիտարկել, քանի որ դրանք ներկայացնում են այն օրենսդրական դաշտը, որտեղ խտացված կերպով արտահայտված է բարձրագույն զինվորականության դիրքորոշումը երկրի քաղաքական կյանքը վերակազմելու ուղղությամբ:

Դեռևս 1970-ական թթ. բարձրաստիճան զինվորականության շրջանակներին մտահոգում էր հասարակության քաղաքականացվածության չափազանց բարձր մակարդակը, ինչը հանգեցնում էր հասարակության բնեռացմանը: Այդ իրավիճակը տարածվում էր նույնիսկ բանակի վրա, որտեղ սկսել էին ակտիվանալ տարբեր քաղաքական հոսանքներ: Նոր սահմանադրության ընդունման նախաշեմին, արձագանքելով այդ մտահոգություններին, Քենան Էվրենը 1982 թ. հայտարարեց, որ «այլևս չեն լինելու կուսակցություններ արհմիությունների տեսքով, և չեն լինելու արհմիություններ կուսակցությունների տեսքով. քաղաքականությամբ զբաղվելը քաղաքական կուսակցությունների գործն է»³⁵¹: Հասարակության ապաքաղաքականացմանն էին ուղղված այդ օրենքների հետևյալ դրույթները. այլևս արգելվում էր կուսակցությունների կազմում ունենալ երիտասարդական, կանանց և նմանատիպ այլ կազմակերպություններ, արգելվում էր նաև քաղաքական կուսակցությունների համագործակցությունը հասարակական միությունների հետ, այդ կազմակերպություններն իրենց հերթին չէին կարող քաղաքական նպատակներ ունենալ կամ աջակցել քաղաքական կուսակցություններին: Երիտասարդության ապաքաղաքականացմանն էր ուղղված կուսակցությանն անդամագրվելու համար բավական բարձր տարիքային ցենզի սահմանումը՝ 21 տարեկան: Սահմանափակվում էր կուսակցությունների գրասենյակների գործունեությունը գյուղական համայնքներում:

Հաջորդ միտումը, որ նկատվում է քաղաքական համակար-

351 Milliyet, 28, 10, 1982.

գում արվող նոր օրենսդրական փոփոխություններում, այն է, որ նվազեցվում էր քիչ անդամներ ունեցող և դաշտում թույլ ներկայացված կուսակցությունների դերը երկրի քաղաքական կյանքում: Այդ քայլով զինվորական իշխանությունները փորձում էին կանխել 1970-ական թթ. երկրի քաղաքական դաշտում տիրող այն իրավիճակը, երբ փոքր կուսակցությունները, երբեմն ներկայացված լինելով խորհրդարանում ընդամենը մի քանի պատգամավորով, կարողանում էին ներագդել երկրում ընթացող քաղաքական գործընթացների վրա: Այդ կապակցությամբ Քենան Էվրենը Խորհրդատվական մեջլիսի բացման ժամանակ իր ճառում նշեց. «Դուք բոլորդ տեսաք, թե կռալիցիայի ժամանակաշրջանում ինչպիսի բարդություններ էին ստեղծում փոքր կուսակցությունները, ինչպիսի զիջումներ էին կատարվում նրանց, որպեսզի հիմնական կուսակցությունները պահեն իրենց իշխանությունը»³⁵²: Էվրենն ավելացրեց, որ մեջլիսն այնպիսի օրենք պիտի պատրաստի, որպեսզի հետագայում նվազի փոքր կուսակցությունների դերը քաղաքական համակարգում³⁵³:

Համաձայն խորհրդարանական ընտրությունների մասին օրենքի՝ խորհրդարանական ընտրաշեմը բարձրացվեց և սահմանվեց 10%: Այն նպատակ էր հետաանդում նվազեցնել կամ բացառել փոքր կուսակցությունների մուտքը խորհրդարան: Խորհրդարանական խմբակցություն ստեղծելու համար այլևս անհրաժեշտ էր նվազագույնը 20 պատգամավոր: Այս կապակցությամբ թուրք հայտնի քաղաքագետ և պատմաբան Էրգուն Օզրուտունը նշում է, որ այդպիսի ընտրական համակարգով Թուրքիայի խորհրդարանում դժվար թե երբևէ երեք կուսակցություններից ավելի ներկայացված լինեն³⁵⁴:

352 12 Eylül Öncesi ve Sonrası, MGK Genel Sekreterliği, Ankara, 1981, s. 326.

353 Նույն տեղում:

354 Özbudun E., Türk Anayasa Hukuku, Ankara, 2005, s. 230.

Զինվորական իշխանություններն օրենսդրական վերափոխումների միջոցով փորձեցին բազմաթիվ խոչընդոտներ ստեղծել ծայրահեղական շարժումների (կրոնական, ազգայնամոլական և կոմունիստական) մուտքը քաղաքական թատերաբեմ կանխելու նպատակով: Կուսակցությունների մասին օրենքում ընդգծվում էր, որ կուսակցության գործունեությունը պիտի անպայմանորեն համապատասխանի Աթաթյուրքի սկզբունքներին: Արգելվում էր կուսակցությունների կողմից կրոնի օգտագործումը քաղաքական նկրտումներով³⁵⁵:

Նախքան հեղաշրջումը գործող քաղաքական կուսակցություններին և դրանց ղեկավարներին քաղաքականությամբ զբաղվելու սահմանափակումները, որոնք ընդգրկված էին 1982 թ. սահմանադրության մեջ, ամրագրվեցին նաև նոր օրենքներում: Այսպես, օրինակ՝ Կուսակցությունների մասին օրենքի 1-ին ժամանակավոր հոդվածի համաձայն՝ սահմանադրության ընդունման պահից (7 նոյեմբերի 1982 թ.) 10 տարի ժամկետով արգելվում էր նախքան հեղաշրջումը գործող հիմնական քաղաքական կուսակցությունների (Հանրապետական-ժողովրդական կուսակցություն, Արդարություն կուսակցություն, Ազգային փրկություն կուսակցություն և Ազգայնական շարժում կուսակցություն) ղեկավարների քաղաքական գործունեությունը: Այդ կուսակցություններից պատգամավորներին և սենատորներին 10 տարի ժամկետով արգելվում էր քաղաքական կուսակցություններ ստեղծել և 5 տարի ժամկետով՝ կուսակցություններում ղեկավար պաշտոններ զբաղեցնել³⁵⁶: Ընդհանուր առմամբ, 10-ամյա արգելքները տարածվեցին չորս հիմնական կուսակցությունների 116 քաղաքական գործիչների, իսկ 5-ամյա ժամկետը՝ 478 նախկին պատգամավորների և սենատորների վրա³⁵⁷:

355 Siyasi Partiler Kanunu, İstanbul, 1983, s. 3-5.

356 T. C. Anayasa, İstanbul, 1982, s. 119.

357 Емельянов В., К изменению законодательных основ многопартийной системы Турции после военного переворота 1980 г.; Турция – история и современность, Москва, 1988, стр. 119.

Խորհրդարանի պատգամավորի ընտրության մասին օրենքի ժամանակավոր հոդվածներից մեկի համաձայն՝ նրա ընդունման պահից սկսած մինչև ընտրական հանձնաժողովի կողմից ընտրությունների վերջնական արդյունքների հրապարակումը ԱԱԽ-ին իրավունք էր վերապահվում ուղղակիորեն վերահսկել նոր կուսակցությունների ստեղծման գործընթացը: ԱԱԽ-ն քննելու էր կուսակցությունների հիմնադիրների ցուցակները (կուսակցությունները պետք է ներկայացնեին կուսակցության նվազագույնը 40 հիմնադիրների անվանացանկ) և անհրաժեշտության դեպքում կարող էր մերժել նրանցից յուրաքանչյուրին: Այդ դեպքում կուսակցություններն ԱԱԽ համաձայնությամբ երկու օրվա ընթացքում կարող էին նոր թեկնածուներ առաջարկել: ԱԱԽ-ն իրավունք ուներ արգելել կուսակցությունների գործունեությունը. այդ դեպքում տվյալ կուսակցության ղեկավարներին արգելվում էր նաև այլ կուսակցություն ղեկավարել: ԱԱԽ-ն անհրաժեշտության դեպքում կարող էր նույնիսկ չեղյալ հայտարարել խորհրդարանական ընտրությունների արդյունքները³⁵⁸:

Այսպիսով, կարելի է նշել, որ զինվորականների իրականացրած օրենսդրական փոփոխությունները նպատակաուղղված էին ձևավորվող քաղաքական կուսակցությունների գործունեությունը վերահսկելի և կանխատեսելի դարձնելուն: Այդ փոփոխություններն իրականացնելուց հետո զինվորականները ձեռնամուխ եղան իշխանությունը քաղաքական կուսակցություններին փոխանցելուն: Համաձայն ընտրությունների մասին օրենքի անցումային դրույթներից մեկի՝ խորհրդարանական ընտրությունները նշանակվեցին 1983 թ. նոյեմբերի 6-ին:

1983 թ. ապրիլի 24-ին ԱԱԽ-ն վերացրեց քաղաքական գործունեությամբ զբաղվելու արգելքը, և Թուրքիայում երեք տարի ընդմիջումից հետո վերսկսվեց քաղաքական կյանքը: Այսպիսով,

358 Milletvekili Seçimi Kanunu, İstanbul, 1983, s. 4-7.

նոր քաղաքական համակարգի շրջանակներում սկիզբ դրվեց կուսակցությունների ձևավորման գործընթացին: Մեյախեմբերի 12-ի ռազմական հեղաշրջումից հետո առաջին գրանցված (1983 թ. մայիսի 16-ին) կուսակցությունը դարձավ Ազգայնական ժողովրդավարություն կուսակցությունը (Milliyetçi Demokrasi Partisi, ԱԺԿ), որի հիմնադիրն էր գորացրված գեներալ Թուրգութ Մունալփը³⁵⁹: Կուսակցության ձևավորմանը մասնակցելու նպատակով Բ. Ուլուսուի կառավարությունից հրաժարական տվեց նախարար Ալի Բոզերը և միացավ ԱԺԿ-ին: Այդ կուսակցությունը ստեղծվել էր զինվորական վերնախավի նախաձեռնությամբ, որը ցանկանում էր նրա միջոցով պահպանել իր լծակները նոր ձևավորվող քաղաքական համակարգի վրա:

Մայիսի 20-ին գորացրված գեներալ Ալի Ֆեթհի Էսեների գլխավորությամբ ստեղծվեց Մեծ Թուրքիայի կուսակցությունը (Büyük Türkiye Partisi, ՄԹԿ): Ալի Ֆեթհի Էսեները 1977 թ. ցամաքային զորքերի հրամանատարի պաշտոնում այն ժամանակվա վարչապետ Սուլեյման Դեմիրելի նախընտրած թեկնածուն էր: Այս հանգամանքն անհանգստացնում էր զինվորական վերնախավին, քանի որ նրանք մտավախություն ունեին, որ ՄԹԿ-ն իրականում ղեկավարվում էր Ս. Դեմիրելի կողմից³⁶⁰: Դա էր պատճառը, որ արդեն հուլիսին ԱԱԽ-ն հատուկ որոշմամբ արգելեց ՄԹԿ գործունեությունը: Հետագայում Դեմիրելի ղեկավարած նախկին Արդարություն կուսակցության կողմնակիցներն ստեղծեցին Ճշմարիտ ուղի կուսակցությունը (Doğru Yol Partisi)՝ Սիմեթ Նուսրեթ Թունսայի ղեկավարությամբ:

359 Թուրգութ Մունալփը զինվորական համակարգում զբաղեցրել է բարձր պաշտոններ՝ ՆԱՏՕ-ում Թուրքիայի ներկայացուցիչ, Գլխավոր շտաբի 2-րդ պետ, Էգնյան բանակի հրամանատար: 1976 թ. գորացրվել է և նշանակվել Կանադայում Թուրքիայի արտակարգ և լիազոր դեսպան:

360 Birand M. A., Bilâ H., Akar R., 12 Eylül: Türkiye'nin Miladı, s. 256-263.

1983 թ. մայիսի 20-ին ստեղծվեց Մայր հայրենիք կուսակցությունը (Anavatan Partisi, ՄՀԿ)՝ Թուրգուօ Օզալի գլխավորությամբ: Թ. Օզալը, որը հեղաշրջումից հետո ձևավորված կառավարությունում զբաղեցնում էր էկոնոմիկայի նախարարի պաշտոնը, դեռ 1982 թ. հուլիսին հրաժարական էր տվել և զբաղվում էր կուսակցություն հիմնելու աշխատանքներով: Օզալի նորաստեղծ կուսակցությունը կարճ ժամանակահատվածում ձեռք բերեց մեծ թվով համախոհներ: Կուսակցության հիմնադրումից շատ չանցած ՄՀԿ-ին անդամակցեց նախկին Արդարություն կուսակցության մոտ 140 անդամ, այդ թվում նաև այնպիսի հեղինակավոր քաղաքական գործիչ, ինչպիսին էր Իսհան Չաղլայան-գիլը³⁶¹: Այդ հանգամանքը մեծապես նպաստեց ՄՀԿ հետագա հաջողությանն ընտրությունների ժամանակ, քանի որ նախկին ԱԿ ընտրազանգվածի հիմնական մասն աջակցեց հենց նրան: Պանթյուրքիստական Ազգայնական շարժում կուսակցության կողմնակիցները համախմբվեցին Պահպանողական կուսակցության (Muhafazakar Parti, ՊԿ) շուրջ: Կուսակցության նախագահն էր Մեհմեթ Փամաքը³⁶²: Իսլամամետ Ազգային փրկություն կուսակցության համակիրները կենտրոնացան Բարօրություն կուսակցության (Refah Partisi, ԲԿ) շուրջ, որը ղեկավարում էր Ալի Թյուրքմենը³⁶³: Նշված բոլոր կուսակցություններն ունեին աջ ուղղվածություն:

Քաղաքական ներկայանակի ձախ կողմը ներկայացնում էին 1983 թ. մայիսի 25-ին հիմնադրված Ժողովրդական կուսակցությունը (Halkçı Parti, ԺԿ)՝ Նեջդեթ Ջալիլի³⁶⁴ գլխավորությամբ և 1983

361 Данилов В., Турция 80-х: от военного режима до "ограниченной демократии", Москва, 1991, стр. 108.

362 Այդ մասին առավել մանրամասն տե՛ս Տաֆրայան Ք., Возвращение "серых волков": Консервативная партия в политической жизни Турции (1983-1985 гг.): Մերձավոր և Միջին Արևելքի նրկրներ և ժողովուրդներ, XXIII, Երևան, 2004, էջ 254-276:

363 Birand M. A., Bilal H., Akar R., նշվ. աշխ., էջ 260-262.

364 Նեջդեթ Ջալիլին Ուլուսուի կառավարությունում զբաղեցնում էր փոխվարչապետի պաշտոնը:

թ. հունիսին ստեղծված Սոցիալ-դեմոկրատական կուսակցությունը (Sosial Demokrasi Partisi, SODEP)՝ Էրդալ Իսյոնյուի նախագահությամբ: Վերջինս Թուրքիայի երկրորդ նախագահ Իսմեթ Իսյոնյուի որդին էր: Այս երկու կուսակցություններն էլ հավակնում էին ստանալ ՀԺԿ նախկին համախոհների ձայները³⁶⁵:

Կուսակցությունների գործունեության վերակումից մինչև խորհրդարանական ընտրություններն ընկած ժամանակահատվածում Թուրքիայում ընդհանուր առմամբ գրանցվեց 15 քաղաքական կուսակցություն, որոնցից երկուսն արգելվեց իշխանությունների կողմից, երկուսն էլ ինքնալուծարվեց:

Կուսակցությունների հիմնադրումից հետո սկսվեց հաջորդ փուլը, երբ ԱԱԽ-ն անցավ կուսակցությունների հիմնադիրների ցուցակների քննմանը, ինչի հետևանքով բազմաթիվ արգելքներ դրեց կուսակցությունների ներկայացրած թեկնածուների վրա: Այսպես, օրինակ՝ միայն Սոցիալ-դեմոկրատական կուսակցության 21 հիմնադրի զինվորականներն արգելեցին անդամակցել կուսակցությանը: Նրանց թվում էր նաև կուսակցության նախագահ Էրդալ Իսյոնյուն³⁶⁶: Սակայն զինվորական իշխանությունները չբավարարվեցին միայն կուսակցությունների՝ իրենց համար անցանկալի անդամների մուտքը քաղաքականություն արգելելով: Նրանք նոր խոչընդոտներ ստեղծեցին «կասկածելի» քաղաքական կուսակցությունների մասնակցությունը գալիք խորհրդարանական ընտրություններին բացառելու նպատակով: ԱԱԽ-ն նոր օրենք ընդունեց, համաձայն որի՝ կուսակցությունները պետք է մինչև օգոստոսի 24-ը ներկայացնեին ԱԱԽ-ի կողմից արդեն հաստատված հիմնադիրների նվազագույնը 30 անու-

365 McFadden J. M., Civil-Military Relations in the Third Turkish Republic, *The Middle East Journal*, Vol. 39, No. 1, Winter 1985, p. 74.

366 Նույն տեղում, էջ 76:

նից բաղկացած անվանացանկը: Նրանց առջև պարտավորություն էր դրվում ստեղծել կուսակցության գրասենյակներ երկրի առնվազն 34 նահանգում: Միայն այդ պատնեշը հաղթահարելու դեպքում կուսակցությունները կարող էին մասնակցություն ունենալ նոյեմբերին կայանալիք խորհրդարանական ընտրություններին³⁶⁷: Արդյունքում՝ ընդամենը երեք կուսակցություն կարողացավ հաղթահարել բոլոր այդ արգելքները՝ ԱԺԿ-ն, ՄՀԿ-ն և ԺԿ-ն, որոնք էլ օգոստոսի 24-ին ԱՄԽ որոշմամբ խորհրդարանական ընտրություններին մասնակցելու հնարավորություն ստացան: Այդ երեք կուսակցություններն էլ հիմնականում ընդունելի էին զինվորական վերնախավի կողմից: Ինչպես արդեն նշեցինք, ԱԺԿ-ն զինվորականների նախագիծն էր և վայելում էր վերջիններին հովանավորությունը: ԺԿ նշանակությունը զինվորականության համար այն էր, որ նա պիտի կատարեր ընդդիմության դերը՝ որպես ղեկավար ունենալով զինվորականության համար լիովին ընդունելի գործչի: Ինչ վերաբերում է Թուրգուջ Օզալի կուսակցությանը, ապա նշենք, որ զինվորականների սկզբնական ծրագրերում այն չկար: Սակայն ի պաշտպանություն ՄՀԿ-ի հանդես եկան երկրի խոշոր կապիտալը և միջազգային ֆինանսական կազմակերպությունները, որոնք ցանկանում էին շարունակել «հունվարի 24-ի» բարեփոխումների ծրագիրը³⁶⁸: Նրանց կարծիքը զինվորականները չէին կարող հաշվի չառնել:

Խորհրդարանական ընտրությունները տեղի ունեցան 1983 թ. նոյեմբերի 6-ին: Ընտրությունների արդյունքում ձայների հարաբերակցությունը բաշխվեց հետևյալ կերպ՝ ՄՀԿ-ն ստացավ ձայների 45,15%-ը (212 պատգամավորական մանդատ), ԺԿ-ն՝ 30,45%-ը (117 պատգամավորական մանդատ) և ԱԺԿ-ն՝ 23,27%-ը

367 Сафрастьян Р., նշվ. հոդ., էջ 260:

368 Данилов В., նշվ. աշխ., էջ 110.

(71 պատգամավորական մանդատ)³⁶⁹։ ՄՀԿ-ի նման հաջողությունը պայմանավորված էր նրանով, որ այն ստացավ ԱԿ և մյուս արգելված աջակողմյան կուսակցությունների ընտրազանգվածի հիմնական մասի ձայները։ ԺԿ-ն էլ իր հերթին կարողացավ ստանալ նախկին ՀՏԿ ընտրազանգվածի ձայների հիմնական մասը։ Այսպիսով, այն կուսակցությունը, որին զինվորականները նպատակադրված էին փոխանցել իշխանությունը, զբաղեցրեց ընդամենը երրորդ տեղը, ինչն անակնկալ էր զինվորական վերնախավի համար և որոշակի դժգոհություն առաջացրեց նրանց շրջանում։ Ստեղծվեց մի իրավիճակ, երբ բոլորը սպասում էին բանակի արձագանքին։ Սակայն բարձրաստիճան զինվորականները, տեղի տալով երկրի խոշոր կապիտալի և միջազգային ֆինանսական կազմակերպությունների ճնշումներին, ընդունեցին ընտրությունների արդյունքները, և նախագահ Քենան Էվրենը Օզալին հանձնարարեց կազմել կառավարություն³⁷⁰։

Դեկտեմբերի 6-ին ձևավորվեց ԹԱՄԺ նախագահությունը, ինչը, համաձայն սահմանադրության ժամանակավոր 2-րդ հոդվածի՝ նշանակում էր, որ երեք տարի երկրի բարձրագույն իշխանությունը հանդիսացող ԱԱԽ-ն դադարեցնում է իր գործունեությունը³⁷¹։ Դեկտեմբերի 13-ին նախագահ Քենան Էվրենը հաստատեց Թուրգութ Օզալի ներկայացրած կառավարության կազմը, որը ԹԱՄԺ-ում ստացավ վստահության քվե³⁷²։ Այսպիսով, ավելի քան երեք տարի տևած զինվորական կառավարումից հետո երկիրը կրկին անցում կատարեց քաղաքացիական կառավարման։ Սակայն դա ամենևին չէր նշանակում, որ իշխանությունը փոխանցելով կուսակցություններին՝ զինվորական-

369 McFadden J. M., նշվ. աշխ., էջ 81-82.

370 Այս մասին ամառվի մանրամասն տե՛ս Kenan Evren, Kenan Evren'in Anıları, Cilt-4, İstanbul, 1991, s. 405-455:

371 Конституция Турецкой республики, приложения, Турецкая Республика, справочник, Москва, 1990, с. 363.

372 Данилов В., նշվ. աշխ., էջ 112.

ները կորցնում էին իրենց ազդեցությունը երկրի քաղաքական կյանքում:

1983 թ. զինվորական վերնախավի շրջանակներում էլ տեղի ունեցան որոշակի փոփոխություններ: 1983 թ. Քենան Էվրենը դադարեց պաշտոնավարել որպես ԳՇ պետ, և նրան փոխարինեց ցամաքային զորքերի հրամանատար Նուրեթթին Էրսինը: Նույն թվականի դեկտեմբերի 6-ին նա հրաժարական տվեց, և նոր ԳՇ պետ նշանակվեց Նևջեթ Ուրուղը: Վերջինս «սեպտեմբերի 12-ի» հեղաշրջման ժամանակ առաջին բանակի հրամանատարն էր և ակտիվ մասնակցել էր հեղաշրջման նախապատրաստմանը: Ցամաքային զորքերի հրամանատար դարձավ Հայդար Սալթըքը, որը ռազմական հեղաշրջման հիմնական նախաձեռնողներից էր: Այսպիսով, հեղաշրջման հեղինակները նաև բանակի վերնախավում շարունակեցին պահպանել իրենց դիրքերը: ԱՄԽ մյուս անդամները՝ ռազմաօդային զորքերի հրամանատար Թահսին Շահինքայան, ռազմածովային զորքերի հրամանատար Նեժաթ Թյումերը, ժանդարմերիայի հրամանատար Սեդաթ Ջելասուն, ծառայության ժամկետը լրանալուց հետո զորացրվեցին:

Այսպիսով, կարելի է եզրակացնել, որ թեև զինվորականներն իշխանությունը փոխանցեցին կուսակցություններին, այնուամենայնիվ, նրանք օրենսդրական վերափոխումների միջոցով իրենց համար ստեղծել էին բազմաթիվ լծակներ քաղաքական անցողարձի վրա ազդելու համար, ինչը հնարավորություն էր տալիս դեռ երկար տարիներ որոշիչ ազդեցություն ունենալ երկրի քաղաքական համակարգում: Սակայն, ըստ էության, քաղաքական կյանքի վրա ազդելու բանակի գլխավոր լծակը շարունակելու է մնալ ռազմական հեղաշրջում անելու հնարավորությունը:

ԵԶՐԱԿԱՅՈՒԹՅՈՒՆՆԵՐ

Ուսումնասիրելով 1980 թ. ռազմական հեղաշրջման պատճառները, ընթացքը և հետևանքները՝ կարելի է եզրակացնել.

1960-70-ական թթ. Թուրքիայում գործում էր բանակ-հասարակություն փոխհարաբերությունների ներթափանցող մոդելը, այսինքն՝ բանակը քաղաքականացված էր և հանդես էր գալիս երկրի պաշտոնական գաղափարախոսության՝ քեմալիզմի պաշտպանի դիրքերից:

1980 թ. ռազմական հեղաշրջումը, ի տարբերություն հանրապետական Թուրքիայի պատմության ընթացքում երբևէ տեղի ունեցած այլ հեղաշրջումների, ուղղված չէր հիմնականում մեկ կուսակցության կամ երևույթի դեմ և ուներ տարաբնույթ պատճառներ՝ քաղաքական համակարգի ճգնաժամ, իսլամական շարժումների զարգացում, գործադուլային ալիքի ահագնացում, ահաբեկչության անսախաղեպ աճ և այլն:

1980 թ. ռազմական հեղաշրջումը կարելի է բնութագրել որպես խնամակալ հեղաշրջում, ինչը նշանակում է, որ զինվորականների իշխանությունը ժամանակավոր բնույթ էր կրում, և հեղաշրջման պատճառները վերացնելուն պես նրանք իշխանությունը կրկին վերադարձնելու էին քաղաքացիական ուժերին:

Ռազմական հեղաշրջումից հետո զինվորական իշխանություններն անցումային շրջանը (1980-1983 թթ.) որպես «հարմար առիթ» օգտագործելով՝ ուժեղ հարված հասցրին իրենց համար անցանկալի ուժերին, որոնք տեղ չուներին հեղաշրջման հեղինակների նախանշած քեմալական Թուրքիայում:

Նախքան իշխանությունը քաղաքական կուսակցություններին փոխանցելը, բարձրաստիճան զինվորականները նոր սահմանադրության ընդունման և օրենսդրական փոփոխությունների միջոցով ավելի վերահսկելի դարձրին քաղաքական դաշտը

և ուժեղացրին բանակի ազդեցության լծակները երկրի քաղաքական կյանքում, ինչը հնարավորություն տվեց իշխանությունը կուսակցություններին փոխանցելուց հետո դեռ երկար տարիներ որոշիչ դեր խաղալ երկրի քաղաքական թատերաբեմում:

ՕԳՏԱԳՈՐԾՎԱԾ ԱՂԲՅՈՒՐՆԵՐԻ ԵՎ
ԳՐԱԿԱՆՈՒԹՅԱՆ ՑԱՆԿ

ԱՂԲՅՈՒՐՆԵՐ

Թուրքերեն

1. 12 Eylül Öncesi ve Sonrası, MGK Genel Sekreterliği, Ankara, TTK Basımevi, 1981.
2. 1961 Anayasası, Osmanlı ve Türk Anayasaları, İstanbul, 1980.
3. 20. Yüzyıl Ansiklopedisi, Cilt-4, İstanbul, Tercüman Yayınları, 1990.
4. Adalet Partisi: Program ve Tüzük, Ankara, 1969.
5. Anavatan Partisi Programı, Ankara, 1983.
6. Anayasa Mahkemesi, [siyasi parti-kapatma] «E.S.: 1971/3; K.S.: 1971/3; K.G.: 20.07.1971,» Resmi Gazete, 14064 (6 Ocak 1972).
7. Anayasa Mahkemesi, [siyasi parti-kapatma] «E.S.: 1971/1; K.S.: 1971/1; K.G.: 20.05.1971,» Resmi Gazete, 14072 (14 Ocak 1972).
8. Cumhuriyet Halk Partisi Programı, Ankara, 1976.
9. DİSK – 6. Genel Kurulu Çalışma Raporu, İstanbul, 1977.
10. DİSK – 7. Genel Kurulu Çalışma Raporu, İstanbul, 1980.
11. DİSK Kuruluş Bildirisi, Ana Tüzüğü, İstanbul, DİSK Yayınları, 1968.
12. Kanun No. 2533, Siyasi Partilerin Fehsine Dair Kanun. - Kenan Evren, Kenan Evren'in Anıları-2, İstanbul, Milliyet Yayınları, 1991.
13. Milli Güvenlik Konseyi'nin 1 Numaralı bildirisi, Resmi Gazete, 12 Eylül 1980.
14. Milli Güvenlik Konseyi'nin 4 Numaralı bildirisi, http://www.belgenet.com/12eyul/12091980_04.html
15. Milli Güvenlik Konseyi'nin 7 Numaralı bildirisi, Resmi Gazete, 12 Eylül 1980.

16. Milli Güvenlik Konseyince Kabul Edilen Kanunlar, Yayımlanan Bildiri ve Kararlar ile Önemli Mevzuat, Cilt-1, Ankara, 1981.
17. Milletvekili Seçimi Kanunu, İstanbul, 1983.
18. Siyasi Partiler Kanunu, İstanbul, 1983.
19. T. C. Anayasa, İstanbul, 1982.
20. Türk Silahlı Kuvvetleri'nin Görüşü – 27 Aralık 1979 (Uyarı Mektubu) - Ertuğrul Alatlı, Müdahale 12 Mart 1971-12 Eylül 1980, İstanbul, Alfa Yayınları, 2004, s. 456-457.
21. Türkiye İstatistik Yıllığı-1973, Ankara, 1973.
22. Türkiye İstatistik Yıllığı-1981, Ankara, 1981

Uuqıbrıtı

23. Middle East Contemporary Survey, Vol. 6, 1981-82, Holmes & Meier Publishers, New Yorke, 1984.

Önıuıbrıtı

24. Конституция Турецкой республики: приложения, Турецкая Республика, справочник, Москва, Изд. Наука, 1990, стр. 294-368.
25. Программа нового правительства Турции, ТАСС, БПИ № 201, 14,10,1980.
26. Турецкая Республика: справочник, Москва, Изд. Наука, 1975.
27. Турецкая Республика: справочник (для служебного пользования), Баку, Изд. Наука, 1986.
28. Турецкая Республика: справочник, Москва, Изд. Наука, 1990.
29. Турецкая Республика: справочник, Москва, Изд. Наука, 2000.

ՀԵՂԱՇՐՋՄԱՆ ՄԱՍՆԱԿԻՑՆԵՐԻ ԵՎ ԱԿԱՆԱՏԵՄՆԵՐԻ
ՀՈՒՇԵՐ, ՀՐԱՊԱՐԱԿՈՒՄՆԵՐ

Թուրքերեն

30. Batur M., Anılar ve Görüşler, İstanbul, Milliyet Yayınları, 1985.
31. Erbakan N., Milli Görüş, İstanbul, Dergah Yayınları, 1975.
32. Esin N., Devrim ve Demokrasi, Bir 27 Mayısçının Anıları, İstanbul, Doğan Kitapçılık, 2005.
33. Evren K., Kenan Evren'in Anıları, Cilt-1, İstanbul, Milliyet Yayınları, 1990.
34. Evren K., Kenan Evren'in Anıları, Cilt-2, İstanbul, Milliyet Yayınları, 1991.
35. Evren K., Kenan Evren'in Anıları, Cilt-3, İstanbul, Milliyet Yayınları, 1991.
36. Evren K., Kenan Evren'in Anıları, Cilt-4, İstanbul, Milliyet Yayınları, 1991.
37. Koçuş S., Atatürk'ten 12 Marta, Anılar, Cilt 1, İstanbul, May Yayınları, 1977.
38. Müftüoğlu R., Copların Askerleri, Ankara, Ocak Yayınları, 2000.
39. Oran B., Kenan Evren'in Yazılmamış Anıları, Ankara, Bilgi Yayınları, 1990.
40. Türkeş A., Temel Görüşler, İstanbul, Dergah Yayınları, 1975.
41. Türkiye Cumhuriyeti Başbakanı Orgeneral Kenan Evren'in Söylev ve Demeçleri (12 Eylül 1980-12 Eylül 1981), Ankara, Başbakanlık Basımevi, 1981.

Ռուսերեն

42. Родионов А., Турция - перекресток судеб: Воспоминания посла, Москва, Междунар. отношения, 2006.

ՀԵՏԱԶՈՏՈՒԹՅՈՒՆՆԵՐ, ՀՈԴՎԱԾՆԵՐ,
ՀԱՐՑԱԶԲՈՒՅՑՆԵՐ

Հայերեն

43. Ավագյան Ա., Բանակի դերը Թուրքիայի տնտեսական համակարգում, Հայկական բանակ, թիվ 4 (50), 2006, էջ 67-74:
44. Ավագյան Ա., Թուրք ազգայնամուլների գործունեությունն Ադրբեջանում 1990-1994 թթ., Հայկական բանակ, թիվ 3 (49), 2006, էջ 48-56:
45. Բաղդասարյան Ս., Արդիականացման և իսլամի համատեղելիության հարցի շուրջ (Թուրքիայի մոդելը), «Մերձավոր և Միջին Արևելքի երկրներ և ժողովուրդներ» XXIII, Երևան, 2004, էջ 39-50:
46. Բրամ Ս. & Ուլգեր Մ., Գորշ գայլեր. հետազոտություն թուրք ծայրահեղ աջակողմյանների մասին, Երևան, Զանգակ-97, 2003:
47. Դումանյան Ա., Աջակողմյան ծայրահեղականների ահարեկչությունը Թուրքիայում 1980 թ. ուսումնական հեղաշրջման նախօրեին, Մերձավոր Արևելք, հ. 2., Երևան, 2005, էջ 84-87:
48. Դումանյան Ա., Թուրքիայի 1980 թ. ուսումնական հեղաշրջման պատճառների շուրջ, Մերձավոր Արևելք, հ. 3, Երևան, 2006, էջ 51-55:
49. Դումանյան Ա., Ազգայնական շարժում կուսակցության («Գորշ գայլեր») գործունեության հիմնական փուլերը Թուրքիայում 1960-70-ական թթ., Թուրքագիտական և օսմանագիտական հետազոտություններ, Երևան, 2006, հ. 4, էջ 103-113:
50. Էսպոզիտո Ջ., Իսլամական սպառնալիք. առասպել, թե՛ իրականություն, Երևան, «Նաիրի», 2003:

51. Հովհաննիսյան Ա., ԽՍՀՄ-ի փլուզումը, «թուրք միասնության» գաղափարը և Ղարաբաղյան հարցը (1990-1995-ականների թուրքական հրապարակումների լուսաբանմամբ), Մերձավոր Արևելքի երկրներ և ժողովուրդներ XX, Երևան, 2001, էջ 74-81:
52. Հովհաննիսյան Ն., Արաբական երկրների պատմություն, հատոր III, Երևան, Ջանգակ-97, 2006:
53. Հովհաննիսյան Ն., Մերձավորարևելյան տարածաշրջանը և Հայաստանի ազգային անվտանգության խնդիրը, «Մերձավոր և Միջին Արևելքի երկրներ և ժողովուրդներ» XVI, Երևան, 1996, էջ 9-19:
54. Մելքոնյան Մ., Ջինվորականության դերը Թուրքիայի քաղաքական կյանքում, Ջինվոր, 1993, էջ 10-20:
55. Մելքոնյան Ռ., Ակնարկ Ստամբուլի հայ համայնքի պատմության (1920-ականներից մինչև մեր օրերը), Երևան, ՎՄՎ-Պրինտ, 2010:
56. Ռազմական սոցիոլոգիա. ուսումնական նյութերի ժողովածու (գլխ. խմբ. Լ. Հարությունյան), Երևան, Երևանի պետական համալսարանի հրատարակչություն, 2005:
57. Սաֆարյան Ա., Ջիյա Գյոքալփը և «Թյուրքականության հիմունքները», Երևան, ԵՊՀ հրատ., 2012:
58. Սաֆրաստյան Ռ., Հնարավոր չէ 21-րդ դարում պատնեշներ առեղծել հարևանների միջև..., Երևան, Ջանգակ-97, 2003:
59. Միմոնյան Հր., Թուրք-հայկական հարաբերությունների պատմությունից, Երևան, Հայաստան, 1991:
60. Տեր-Մաթևոսյան Վ., Նեջմեթթին Էրբաքանի քաղաքական բեմերը և «Ազգային փրկություն» կուսակցության գործունեությունը Թուրքիայում, Մերձավոր և Միջին Արևելքի երկրներ և ժողովուրդներ XXV, Երևան, 2006, էջ 177-191:

61. Аксененко А., Политика Совета национальной безопасности по отношению к молодежному движению, Специальный бюллетень № 2 (224), Москва, 1983, стр. 48-63.
62. Аксененко А., Борьба политических партий Турции за влияние на молодежь 1920-1980, Москва, изд. Наука, 1986.
63. Багдасарян С., Роль армии в процессе модернизации Турции в 1960-1990-х годах, Մերձավոր Արևելքի երկրներ և ժողովուրդներ XXI, Երևան, 2002, էջ 28-39.
64. Гасратян М., Курды Турции в новейшее время, Ереван, Айастан, 1990.
65. Гасратян М., Политика военного режима в курдском вопросе, Специальный бюллетень, № 2 (224), Москва, 1983, стр. 64-73.
66. Глазунов О., Государственный переворот: Стратегия и технологии, Москва, ОЛМА-ПРЕСС образование, 2006.
67. Гусейнов А., Профсоюзы в Турции (1960-1970), Москва, Изд. Наука, 1975.
68. Данилов В., Аширмухамедов А., Частичные выборы и особенности политической обстановки в Турции, Восток и Современность, Научно-информационный бюллетень, 7 (11), Москва, 1979, стр. 101-111.
69. Данилов В., Армия и политика в современной Турции, Турция: история, экономика, Москва, Изд. Наука, 1978, стр. 16-25.
70. Данилов В., Государственно-административная деятельность военного правительства Турции, Специальный бюллетень, № 2 (224), Москва, 1983, стр. 7-26.
71. Данилов В., Основные особенности новой конституции Турецкой Республики (в сравнении с конституцией 1961

- г.), Турция – история и современность (сборник статей), Москва, Изд. Наука, 1988, стр. 11-24.
72. Данилов В., Политическая борьба в Турции: 50-е - начало 80-х годов XX в. (политические партии и армия), Москва, Изд. Наука, 1985.
73. Данилов В., Турция 80-х: от военного режима до “ограниченной демократии”, Москва, Наука, 1991.
74. Дрякин А., Забастовочная борьба рабочего класса Турции в 1970-1980 гг., Турция: история, экономика, политика, Москва, Изд. Наука, 1984, стр. 16-34.
75. Емельянов В., К изменению законодательных основ многопартийной системы Турции после военного переворота 1980 г., Турция. история и современность, (сборник статей), Москва, Изд. Наука, 1988, стр. 112-120.
76. Епифанов А., Исламская религия как орудие политической борьбы турецкой буржуазии в республиканский период, Полит. управление КЗакВО, Тбилиси, 1981, июнь, стр. 31.
77. Загорнова Е., Рабочая партия Курдистана в 80-90-х годах XX в., Курдский вопрос на рубеже тысячелетий (круглый стол 19.02.2004 г.), Москва, стр. 99-117.
78. Запорожец В., Колесников А., Турция: Общество и армия, том I, Ленинград, 1983.
79. Зиганшина Г., От радикального исламизма к умеренному: успех Партии справедливости и развития (Турция), Meueriana (сборник статей), том 2, Москва, Акад. гуманитарных исслед., 2006, стр. 103-128.
80. Иванова И., Исламский фактор в политике турецкого руководства после военного переворота 1980 г., Ислам и проблемы национализма в странах Ближнего и Среднего Востока, Москва, Изд. Наука, 1987, стр. 127-139.

81. Керим-заде Р., Парламент и парламентаризм в Турции, Турция: история, экономика, Москва, Изд. Наука, 1978, стр. 26-35.
82. Киреев Н., Борьба с террором в Турции, Исламизм и экстремизм на Ближнем Востоке, Москва, 2001, стр. 72-110.
83. Киреев Н., Турция между Европой и Азией. Итоги европеизации на исходе XX века, Москва, ИВ РАН, 2001.
84. Киреев Н., Турция между западом и востоком, Ближний Восток и современность, Москва, 1996, стр. 106-169.
85. Кондакчян Р., Турция: Внутренняя политика и ислам, Ереван, изд. АН Арм. ССР, 1983.
86. Корниенко Р., Военный режим и профсоюзное движение в Турции, Специальный бюллетень № 2 (224), Москва, 1983, стр. 37-47.
87. Корниенко Р., Социально-политические предпосылки развития левацких течений: Левый экстремизм в Турции, Специальный бюллетень, No. 6 (181), АН СССР Ин-т. Востоковедения, Москва, 1976, стр. 58-71.
88. Корхмазян Р., Турецко-германские отношения в годы второй мировой войны, Ереван, Издательство АН Армянской ССР, 1977.
89. Кремнюк В., Борьба Вашингтона против революции в Иране, Москва, Междунар. отношения, 1984.
90. Куртынова Л., Исламские и националистические элементы в идеологии руководства после военного переворота 1980 г., Ислам и проблемы национализма в странах Ближнего и Среднего Востока, Москва, Изд. Наука, 1986, стр. 115-126.
91. Моисеев П., Турция: Программа экономической стабилизации: 1980 г., Турция – история и современность (сборник статей), Москва, Изд. Наука, 1988, стр. 211-221.

92. Оганесян А., К оценке историографии проблем идеологии турецкого национализма, Մերձավոր և Միջին Արևելքի երկրներ և ժողովուրդներ XXIII, Երևան, 2004, էջ 148-157:
93. Поцхверия Б., Внешняя политика Турции в 60-х – начале 80-х годов XX в., Москва, Изд. Наука, 1986.
94. Поцхверия Б., Турция, США и НАТО в конце 70-х – начале 80-х годов, Турция: история, экономика, политика, Москва, Изд. Наука, 1984, стр. 77-106.
95. Старченков Г., Энергетика Турции в годы экономического кризиса, Турция: история, экономика, политика. Москва, Изд. Наука, 1984, стр. 176-189.
96. Сафрастян Р., Возвращение “серых волков”: Консервативная партия в политической жизни Турции (1983-1985 гг.), Մերձավոր և Միջին Արևելքի երկրներ և ժողովուրդներ, XXIII, Երևան, 2004, էջ 254-276:
97. Шамсутдинов А., Политика и экономика современной Турции, Москва, Изд. Наука, 1977.
98. Шахназаров О., Корниенко Р., Турецкие маоистские группировки после отмены чрезвычайного положения (1973-1976 гг.), Специальный бюллетень, Но. 6 (181), АН СССР Ин-т Востоковедения, Москва, 1976, стр. 123-134.
99. Фадеева И., Ислам в общественно-политической жизни современной Турции, Турция: история, экономика, политика, Москва, 1984, стр. 63-76.
100. Фадеева И., Ислам и культурная политика правящих кругов Турции 60-80-х годов XX в., Ислам и социальные структуры стран Ближнего и Среднего Востока, Москва, Наука, 1990, стр. 192-206.
101. Ягудин Б., Истоки формирования политической системы “Третьей Республики” в Турции (80-90-е гг. XX века),

Турция в XX веке (сборник статей), Москва, Акад. гуманитар. исслед., 2004, стр. 176-185.

102. Ягудин Б., Исламский фактор и его влияние на конституционные процессы в Турции, *Turcica et Ottomanica* (сб. статей), Москва, Вост. лит., 2006, стр. 388-396.

Uluğbirtü

103. Akgun B., *Twins our Enemies: Comparing Nationalist and Islamic Tradition in Turkish Politics*, *Middle East Review of International Affairs Journal (MERIA)*, Vol. 6, No. 1, Mart 2002, pp. 17-35.
104. Bale J. M., *The Ultranationalist Right in Turkey and the Attempted Assassination of Pope John Paul II*, *The Turkish Studies Association Bulletin* (Vol. 15, April 1991), no. 1, Indiana, p. 63.
105. Celik O., *Turkey and the Fate of Political Islam, The United States and Turkey: Allies in Need*, 1988, p. 65.
106. Demirel T., *Lessons of Military Regimes and Democracy: The Turkish case in a Comparative Perspective*, *Armed Forces & Society*, Vol. 31, No. 2, Winter 2005, pp. 245-271.
107. Demirel T., *The Turkish Military's Decision to Intervene: 12 September 1980*, *Armed Forces & Society*, Vol. 29, No. 2, 2003, pp. 253-280.
108. Feaver P. D., *The Civil-Military Problematique: Huntington, Janowitz, and the Question of the Civilian Control*, *Armed Forces & Society*, Vol. 23, No. 2, Winter 1996, pp. 149-178.
109. Gunter M. M., *The Kurdish Problem in Turkey*, *Middle East Journal*, Vol. 42, No. 3, Summer 1988, pp. 389-406.
110. Hague R., *Martin Harrop & Shaun Breslin, Comparative Government and Politics, An Introduction*, London, Macmillan Press LTD, 1998.

111. Hale W., *Turkish Politics and the Military*, London, Routledge, 1994.
112. Hanter S. T., Malik H., *Modernization, Democracy, and Islam*, Washington, Center for Strategic and International Studies, 2005.
113. Harris G. S., *The Role of the Military in Turkish Politics*, *The Middle East Journal*, Vol. 19, No. 1, Winter 1965, pp. 54-66.
114. Harris G. S., *The Causes of the 1960 Revolution in Turkey*, *The Middle East Journal*, Vol. 24, No. 4, Autumn 1970, pp. 438-454.
115. Heper M., Aylin G., *The Military and the Consolidation of Democracy: The Recent Turkish Experience*, *Armed Forces & Society*, Vol. 26, No. 4, Summer 2000, pp. 635-657.
116. Heper M., *Islam, Polity and Society in Turkey: A Middle Eastern Perspective*, *The Middle East Journal*, 1981, Vol. 35, N. 3, pp. 345-363.
117. Hyland M. P., *Crisis at the Polls: Turkey's 1969 Elections*, *The Middle East Journal*, 1970 Vol. 24 No. 1, pp. 1-16.
118. Janowitz M., *Political Conflict, Essays in Political Sociology*, Chicago, Quadrangle Books, 1970.
119. Janowitz M., *The Military in the Political Development of New Nations*, Chicago, The University of Chicago, 1965.
120. Karabelias G., *The Evolution of Civil-Military Relation of Post-war Turkey, 1980-95*, *Middle Eastern Studies*, Oct. 1999, 35, 4, pp. 130-151.
121. Karafakioğlu Ö. K., *12th September 1980 Military Intervention within Framework of Civilian-Military Relation*, İstanbul, 2004.
122. Karmon E., *Radical Islamic Political Groups in Turkey*, *Middle East Review of International Affairs Journal (MERIA)*, Vol. 1, No. 4, December 1997, pp. 14-33.
123. Karpas K., *The Turkish Left*, *Journal of Contemporary History*, Vol. 1, No. 2, 1966, pp. 169-186.

124. Kolars J., The Hydro-Imperative of Turkey's Search for Energy, *The Middle East Journal*, Vol. 40, No. 1, Winter 1986, pp. 53-67.
125. Landau J. M., The Nationalist Action Party in Turkey, *Journal of Contemporary History*, Vol. 17, No. 4. (Oct., 1982), pp. 587-606.
126. Mango A., *The Turks Today*, London, John Murray (Publishers), 2004.
127. McFadden J. M., Civil-Military Relations in the Third Turkish Republic, *The Middle East Journal*, Vol. 39, No. 1, Winter 1985, pp. 69-85.
128. Nordlinger E., *Soldiers in Politics: Military Coups and Governments*, New Jersey, Prentice Hall, 1977.
129. Paul J., The Coup, *MERIP Reports*, No. 93, Turkey: The Generals Take Over, Jan. 1981, pp. 3-4.
130. Poulton H., *Top Hat, Grey Wolf and Crescent*, Turkish nationalism and the Turkish Republic, New York, New York University Press, 1997.
131. Rivlin P., Two Middle Eastern Inflations: Israel and Turkey 1980-2001, *British Journal for Middle Eastern Studies* (2003), 30 (2), pp. 211-235.
132. Ter-Matevosyan V., The Kemalist discourse in Turkey between 1960 and 1980: Challenging the Republican ideology?, *Թուրքազիտական և օսմանազիտական հետազոտություններ*, Երևան, 2006, հ. 4, էջ 85-102.
133. Toprak B., *A Secular Democracy in the Muslim World: The Turkish Model*, Modernization, Democracy, Washington, Center for Strategic and International Studies, 2005, pp. 277-292.
134. Toprak B., "Religion as State Ideology in a Secular Setting: The Turkish-Islamic Synthesis" in Malcolm Wagstaff (ed.), *Aspects of Religion in Secular Turkey*, Durham, University of Durham, Center for Middle Eastern and Islamic Studies, Occasional Paper Series No. 40, 1990, pp. 10-15.

135. Weiker W. F., The Turkish Revolution 1960-1961, Aspects of Military Politics, Washington, The Brookings Institution, 1963.
136. Yavuz H., Political Islam and the Welfare (Refah) Party in Turkey, Comparative Politics, Vol. 30, No. 1., Oct. 1977, pp. 63-82.
137. Yavuz H., Turkey's Fault Lines and the Crisis of Kemalism, Current History, January, 2000, pp. 33-38. ՀՀ ԳԻՏՈՒԹՅՈՒՆՆԵՐԻ

Թուրքերեն

138. Akça İ., Kolektif Bir Sermayedar Olarak Türk Silahlı Kuvvetleri - Bir Parti. Türkiye'de Ordu, İstanbul, Bilirkim Yayınları, 2004, s. 225-270.
139. Akyaz D., Askeri Müdahalelerin Orduya Etkisi, Hiyerarşi Dışı Örgütlenmeden Emir Komuta Zincirine, İstanbul, İletişim Yayınları, 2002.
140. Alatlı E., Müdahale 12 Mart 1971-12 Eylül 1980, İstanbul, Alfa Yayınları, 2004.
141. Altan M., Darbelerin Ekonomisi, İstanbul, Afa Yayınları, 1990.
142. Arcayürek C., Demokrasinin Sonbaharı 1977-1978, Ankara, Bilgi Yayınları, 1985.
143. Arcayürek C., Bir İktidar Bir İhtilal 1955-1960, Açıklyor-3, Ankara, Bilgi Yayınları, 1984.
144. Aydemir Ş., İkinci Adam, Cilt-3, İstanbul, Remzi Kitabevi, 1975.
145. Bayramoğlu A., Asker ve Siyaset - Bir Zümre, Bir Parti. Türkiye'de Ordu, İstanbul, Bilirkim Yayınları, 2004, s. 59-118.
146. Birand M. A., Bilâ H., Akar R., 12 Eylül: Türkiye'nin Miladı, İstanbul, Doğan Kitapçılık, 1999.
147. Birand M. A., 12 Eylül Saat: 04:00, İstanbul, Karacan Yayınları, 1984.

148. Birand M. A., Emret Komutanım, İstanbul, Milliyet Yayınları, 1986.
149. Bora T., Ordu ve Milliyetçilik, Bir Zümre - Bir Parti. Türkiye'de Ordu, İstanbul, Bilirkim Yayınları, 2004, s. 163-178.
150. Cem İ., Siyaset Yazıları, 1975-80 Türkiye'si, İstanbul, Cem Yayınları, 1980.
151. Cem İ., Türkiye'de Geri Kalmışlığın Tarihi, İstanbul, Cem Yayınları, 1971.
152. Cemal H., Tank Sesiyle Uyanmak, 12 Eylül Günlüğü, İstanbul, Bilgi Yayınları, 1986.
153. Cemal H., Kimse Kızmasın Kendimi Yazdım, İstanbul, Doğan Kitapçılık, 2001.
154. Cemal H., Kürtler, İstanbul, Doğan Kitapçılık, 2003.
155. Çölaşan E., 24 Ocak Bir Dömenin Perde Arkası, İstanbul, Milliyet Yayınları, 1983.
156. Demirel T., Türk Silahlı Kuvvetleri'nin Toplumsal Meşruiyeti Üzerine - Bir Zümre, Bir Parti. Türkiye'de Ordu, İstanbul, Bilirkim Yayınları, 2004, ss. 345-381.
157. Emre Can Dağlıoğlu: "12 Eylül'le birlikte "Ermeni soykırımı bir güvenlik meselesi'ne dönüştü", (Emre Can Dağlıoğlu'yla söyleyiş), Agos, 14, 10, 2016.
158. Habora B., 12 Eylül Lideri Kenan Evren Ne Dedi, Ne Oldu, İstanbul, 1989.
159. İpekçi A., Çoşar Ö. S., İhtilalın İçyüzü, İstanbul, Milliyet Yayınları, 1965.
160. İslamoğlu M., Erbakan Ecevit'e Karşı, Tüba Yayınları, 1974.
161. İknur M., Bir Askeri Darbe'nin 20. Yılı, İstanbul, Günaydın Yayınları, 1991.
162. Kepenek Y., Türkiye Ekonomisi, Ankara, Verso Yayınları, 1990.
163. Mavioğlu E., Asılmayıp Beslenenler - Bir 12 Eylül Hesaplaşması, İstanbul, Babil Yayınları, 2004.

164. Nadi N., 27 Mayıs'tan 12 Mart'a, İstanbul, Sinan Yayınları, 1972.
165. Özbudun E., Türk Anayasa Hukuku, Ankara, Yetkin Yayınları, 2005.
166. Özdemir H., Siyasal Tarihi (1960-1980), Türkiye Tarihi, Cilt 4, Çağdaş Türkiye 1908-1980, İstanbul, Cem Yayınları, 2005.
167. Öztuna Y., Gökdemir A., Türkiye'de Askeri Müdahaleler, İstanbul, 1987.
168. Parla T., Türkiyede Merkantilist Militarizm 1960-1998, Bir Parti. Türkiye'de Ordu. İstanbul, Bilirkim Yayınları, 2004, ss. 201-224
169. Selçuk İ., 12 Marttan Sonra, Ankara, Devrim Dergisi, № 3, 1971, s. 287.
170. Seyhan D., Gölgedeki Adam, İstanbul, Nurettin Uycan Matbaacı, 1966.
171. Sömnez M., Türkiye Ekonomisinde Bunalım. 24 Ocak Kararları ve Sonrası, İstanbul, Belge Yayınları, 1985.
172. Şimşek E., Türkiye'de İstihbaratçılık ve MİT, İstanbul, Kum Saati Yayınları, 2004.
173. Tanlak Ö., İtiraf. Eski Ülkücü MHP'yi Anlatıyor, İstanbul, Kaynak Yayınları, 1997.
174. Uzgel İ., Ordu Dış Politikanın Neresinde? - Bir Zümre, Bir Parti. Türkiye'de Ordu. İstanbul, Bilirkim Yayınları, 2004, ss. 311-334.
175. Tuşalp E., Eylül İmparatorluğu: Doğuşu ve Yükselişi, İstanbul, Bilgi Yayınları, 1988.
176. Yalçın S. & Yurdakul D., Bay-Pipo, İstanbul, Doğan Kitapçılık, 2000.
177. Yalçın S. & Yurdakul D., REİS, Gladio'nun Türk Tetikcisi, Ankara, Öteki Yayınları, 1998.
178. Yalçın S., Hangi Erbakan, Ankara, Öteki Yayınevi, 1995.

ԱՐԹՈՒՐ ԴՈՒՍԱՆՅԱՆ
1980 ԹՎԱԿԱՆԻ ՌԱԶՄԱԿԱՆ
ՀԵՂԱՇՐՋՈՒՄԸ ԹՈՒՐՔԻԱՅՈՒՄ.
ՊԱՏՃԱՌՆԵՐԸ, ԸՆԹԱՑՔԸ, ՀԵՏԵՎԱՆՔՆԵՐԸ

Հրատարակչության տնօրեն՝
ՎԱՀՐԱՄ ՄՆԱՑԱԿԱՆՅԱՆ

Սրբագրիչ՝
ԽՈՆԱՐԻԿ ՔԱՐԱՈՒՂԼԱՆՅԱՆ

Ձևավորումը՝
ԴԻԱՆԱ ԱՎԱԳՅԱՆԻ

Չափսը՝ 60x84, 1/16: Երկարը՝ 9,75 տպ. մասով:
Թուղթը՝ օֆսեթ: Տպաքանակը՝ 200:

Տպագրվել է «ՎՍՎ-ՊՐԻՆՏ» ՍՊԸ հրատարակչության տպարանում
Հասցեն՝ Ազատության 24/11, հեռ. 28 54 28
E-mail: vmv_print@yahoo.com
www.vmv-print.am

[1500pp.]

ԳԱՆ Հիմնարար Գիտ. Գրադ.



FL0440430

A // 102256

ISBN 978-9939-60-335-3



9 789939 603353